

ترے ہی

سرائیکی

بہاؤپو

ہن تھی فرید شاد دل مونجھاں کوں نہ کر یاد دل
جھوکاں تھیں آباد دل ایہا نہیں نہ وہی ہک منی

میدان ریگیز (ریاضی) سید انڈیا علی شاہ مرحوم

سرائیکی

جلد نمبر ۱۲ - جنوری تا جون ۱۹۹۹ء - شمارہ نمبر ۳۰، ۳۱، ۳۲

تذکرہ

- ۶۰ مرثیہ صادق (محمد دین ملک ایڈوکیٹ)
 ۶۱ رسک (برگیزیز ریٹائرڈ سید نذیر علی شاہ مرحوم)
 ۶۳ محسن قوم - سردار کوڑے خان جتوئی (سجاد حیدر پرویز)
 تنقید
 ۶۶ وسائی (ریاض سندھڑ)
 تنقید
 ۶۹ لیر ولیر بچانوال کتیں پہلے (ارشاد تونسوی)
 (فضانہ)
 ۷۳ باوی (اشولال)
 نائر
 ۷۷ من موج میلہ (محمد اسماعیل احمدانی)
 (فضانہ)
 ۷۹ کمپنی دی مشوری واسطے (ریاض بھٹی)
 شاعری
 ۸۸-۸۲ صادر چشتی، مزل حسین، رحیم طلب، حسن رضا گردیزی، خالد
 اقبال، رفیق احمد پوری، صادق جنید بوت، مشتاق احمد سبقت
 ریور فا
 ۸۹ سرائیکی ادبی مجلس دے الیکشن (ریاض انجم)
 ۹۱ خواجہ فرید قوی سیمینار (جاوید احسن خان + میاں محمد حسین)
 ۹۵ اسلامیہ یونیورسٹی دا جشن فرید (ریاض بھٹی)

- ۲ ادارہ
 ۳ سورۃ البقرہ (ترجمہ: سید دین محمد شاہ)
 ۴ چھیجیوی دعا (علامہ غلام حسین زائر مرحوم)
 ۵ کلام فرید
 ۷ کریمہ دے پھل (جاوید چانڈیو)
 ۸ تکلف بر طرف (سید دین محمد شاہ)
 فرید
 ۱۱ خواجہ فرید (احمد ندیم قاسمی)
 ۱۳ دولت دلنواز (سید نذیر علی شاہ مرحوم)
 ۱۹ فریدیات، سرحد پار (محمد اسلم بیٹلا)
 ۲۱ رتھ دھیمک دھیمک ٹور (ڈاکٹر اسلم انصاری)
 ۳۲ دیوان فرید وچ ردیف دا ورتار (محمد حیات چغتائی)
 ۳۸ دیوان فرید وچ مثنوی سیف الملوک والولڑاں (بشیر احمد غامی بہاولپوری)
 ۴۷ دیوان فرید (تبصرہ: پروفیسر محمد نذیر دریشک)
 ۴۹ فتوحات فریدیہ (تبصرہ: پروفیسر محمد نذیر امٹک)
 ۵۱-۵۵ خواجہ فرید دے حضور منظوم خراج عقیدت: علامہ طاہر، عاشق بزدار
 انجم لٹری، مجاہد جتوئی
 تاریخ
 ۵۶ نواب مظفر خان دی شہادت (عمر کمال خان)

ترے ماہی سرائیکی بہاولپور

ترے ماہی سرائی کی دانواں پندہ

ترے ماہی سرائیکی، تے سرائیکی ادبی مجلس دامنڈہر گیڈیز (ریٹارڈ) سید نذیر علی شاہ مرحیت پدھاہی۔ اس چالھ کول اندازاً پینتر یواں سال ہے۔ اکتوبر ۱۹۸۳ء وچ بر گیڈیز صاحب دے ٹروٹنٹ پچھوں اے رسالہ بہوں بدہد رہ گئے تے انت ۱۹۸۹ء وچ سید دین محمد شاہ صاحب اینکوں نویں سروں چاکراہیں ایندے نویں دور دامنڈہر پدھا۔ گذریل ڈوں سالیں کنیں اے رسالہ ادبی مجلس دے گھر دے بھیڑیں وچ گم تھی گیاہی تے ہن دلاتر جھانجھن گھداہے۔

اے پہلا شمارہ جنوری کنیں جون ۱۹۹۹ء تئیں داہے، انشاء اللہ اپگوں امید اے جو ہر سہ ماہی وچ رسالہ چھپدہ رہیسی۔ اس شمارے دا وڈا حصہ فریدیات تے مشتمل ہے اس چالھوں اینکوں خواجہ فرید نمبر دی آکھیا وچ سگھیدے۔ ۱۹۹۸ء وچ اسلامیہ یونیورسٹی بہاولپور، خواجہ فرید چیز تے شعبہ سرائیکی دے تعاون نال ”صد سالہ جشن فرید“ منایاہی تے اے سلسلہ سن ۲۰۰۱ء تئیں جاری رہی۔ اس حوالے نال ڈیر اور دے قلعے دا جشن فرید، سرائیکی عوامی سنگت کراچی دا ”جھوک فرید میلہ“ تے دیرہ غازی خان دی مجلس تقریبات ملی دا خواجہ فرید قومی سینار اہم تقریبات ہن۔ دیرہ غازی خان دے سینار وچ ضلعی انتظامیہ دے نال نال جاوید احسن خان ہوریں دا کردار دی اہم ہا، اس تقریب دی سوکھری احمد ندیم قاسمی ہوریں دا مضمون ہے۔ سیک محمد اسلم یتلاتے قاسمی صاحب دے مضمون اردو وچ ہن تے اونویں ای چھپدے ہن۔ سیک محمد حیات چغتائی ہوریں دا مضمون دی فریدیات دے ہک نویں پہلو کول منکشف کریدے۔

ہر سال مئی دے مہینے وچ ۱۱ تے ۲۲ تاریخاں سرائیکی ویب وچ چپ چپا تیاں لگھ دیدیں، ۱۱ مئی ویب دے ہک محسن سردار کوڑے خان جتوئی دی برسی دا ڈینہہ ہے۔ اس عظیم ہستی تقریباً ۱۸۰۰۰ ایکڑ زمین ۱۸۹۶ء وچ قوم دے ہا لیں دی تعلیم کیتے وقف کیتی ہئی۔ بے اے ہستی سر سید وانگوں نصائی کتابیں ایچ شامل نیں تھی سگھدی تاں گھٹ توں گھٹ سرائیکی اخبار یار سالیں وچ سالانہ ہک مضمون دی حقدار تاں ہے تے اس چالھ دی حقدار وی جو اوندی وقف کیتل ویبی تے قومی ملکیت دا حساب کتاب وی چیک کر تیجے۔ اس شمارے وچ کوڑے خان جتوئی بارے وی سجاد حیدر پرویز ہوریں دی کتاب وچوں ہک مختصر مضمون شامل ہے۔ اینویں ای ۲۴ مئی ریاست بہاولپور دے آخری فرمانروا سر صادق محمد خان پنجم عباسی دی برسی دا ڈینہہ ہے، انہاں دی یاد وچ نذیر علی شاہ مرحوم دا ہک مضمون تے ملک محمد دین ایڈوکیٹ دا ہک مرثیہ اس شمارے وچ ایس عظیم حکمران دے تعارف سودھا شامل ہے۔

اینویں ای جون دے مہینے وچ ہک قومی ڈینہہ نواب مظفر خان شہید دی شادت داہے۔ ۲۲ جون ۱۸۱۸ء کول ویب دی جنگ آزادی دے ایس ہیرو سکھیں دے خلاف لڑیں ہوئیں اپنی دھی تے پتریں سودھی شادت پاتی ہئی۔ اس شمارے وچ نواب مظفر خان شہید بارے عمر کمال خان ہوریں دی کتاب وچوں ہک مضمون شامل ہے۔

سرائیکی دانشور ڈاکٹر نواز کاوش ہوریں دی گھر آلی دا پچھلے ڈہاڑیں گذر گھن، ادارہ سرائیکی انیس دی مغفرت کیتے دعا گو ہے تے ڈاکٹر صاحب دے ڈکھ وچ بھینوال ہے۔

سرائیکی

بہاولپور

چیف ایڈیٹر (اعزازی)

جاوید چانڈیو

ایڈیٹرز

سید دین محمد شاہ

ریاض سندھڑ

معاونت

ریاض بھٹنی

عثمان شاہ

قانونی مشیر

عبدالقیوم اعوان

سرکولیشن مینیجر

حفیظ الرحمن

قیمت: فی شمارہ ۲۰ روپے

سالانہ: ۸۰ روپے

سید دین محمد شاہ ایڈیٹر،

پبلشر ”جھوک سرائیکی“

سرائیکی چوک، بہاولپور

شائع کیتا

فون: 883990

ترے ماہی سرائیکی بہاولپور

THE COW

ترجمہ سید دین محمد شاہ

قال يادى انبهىم باسماءئهم فلما انباهم باسماءئهم قال الم اقل لكم انى اعلم غيب السموات والارض واعلم ما تبدون وما كنتم تكتمون (۳۳)

English

He said : O Adam, inform men of their names. So when he informed them of their names, He said : Did I not say to you that I know what is unseen in the heavens and the earth? And I know what you Manifest and what you hide.

سرائیکی

اللہ نے آدم کوں حکم ڈتا جو آدم! تو انہاں کوں انہاں شےیں دے ناں ڈسا۔ ول جیڑھے ویلے انہاں نے انہاں کوں انہاں شےیں دے ناں ڈسا ڈتے تاں (اللہ نے فرشتیاں کوں) فرمایا کیوں میں تمہا کوں نہ آکھیا ہا میں آسماناں تے زمین دی سب گچھیاں گالھیں چاٹنداں۔ اتے تےں جو کجھ ظاہر کریندے وے یا لکاتے کریندے وے (سب) میکوں معلوم ہن۔

کافی

ترجمہ: علامہ محمد عزیز الرحمن مرحوم

پیشکش: سید دین محمد شاہ

روندی سنج صباحیں

میں صبح شام روتی ہوں

پنل آوم آ گل لاوم پووم قبول دعائیں
میری دعائیں خدا قبول فرمائے اور محبوب پل آکر مجھے گلے سے لگالے

یار بروچل پھیر نہ آیا اچڑیاں جھوکار جاہیں
گھر اور جھوکیں ویران ہو گئیں، کیونکہ محبوب بلوچ واپس نہیں آیا

مارو تھل دے ڈکھڑے پینڈے سہنس ہزار بلائیں
مارو تھل تک پہنچنا بھی مشکل ہے۔ دشوار گزار مسافت ہے جس میں سینکڑوں
ہزاروں بلائیں ہیں

پاجھ مٹھل دے پاجھ نہ کائی سوجھم نہ ہرگز واپس
عاشق مغموم کو تو محبوب خوش ادا کے التفات کے سوا اور کوئی سہارا ہی نہیں
ہے اور نہ کوئی دوسری تدبیر سو جھتی ہے۔

روز ازل دی ایں جگ اوں جگ میں باندی تو سائیں
میں تو روز ازل سے اے محبوب آپ کی دامن گرفتہ کنیر ہوں۔ دنیا اور
آخرت دونوں جہانوں میں مجھے آپ کا سہارا ہے۔

ساڑاں بیور زیور تریور بیناں بینسر پاہیں
محبوب کے سوا کپڑے، زیور، پیٹا، بینسر اور چوڑے کے دستے کس کام کے، ان
کو جلا دوں گی۔

عمر وہائی کانگ اوڈیندیں تھکڑی تک تک راہیں

ترے ماہی سراٹھکی بہاولپور

محبوب کے ملنے کے لیے کوئے اڑاتے اڑاتے عمر گزر گئی، راہ تکتے تکتے میں
تھک گئی مگر وہ نہ آیا

کر کر یاد سچن دے رلڑے نکلن لکھ لکھ آپس
محبوب دلنواز کی محبتیں اور مخلصانہ ملاپ جب یاد آتے ہیں تو دل سے لاکھوں
آہیں نکلتی ہیں

ڈھولن کارن چاون لا دیاں لگڑیاں دل نوں چاہیں
مجھے تو آغوش پیدائش ہی سے محبوب کی چاہ اور محبت دل میں کارگر ہو گئی ہے
انگن فرید دے آ الہیلا کر کر ناز ادائیں
اے محبوب نازنین (کبھی) تو ناز و ادا کے ساتھ پھر فرید کے گھر آ

دیوانِ فرید

تقابلی مطالعہ، حواشی، ترتیب:

جاوید چانڈیو

☆ دبیر الملک مولوی عزیز الرحمن مرحوم کا متن

☆ خواجہ فرید کے پہلے مکمل مطبوعہ دیوان ”اسرارِ فریدی“ کے ساتھ تقابلی مطالعہ

☆ ڈاکٹر مہر عبدالحق کی ”لغاتِ فریدی“ تحقیقی مطالعے کے ساتھ

☆ ایک کتاب میں تین کتابیں، فریدیات میں ایک حقیقی اضافہ

۶۵۶ صفحات، رنگین سرورق، اعلیٰ کمپوزنگ اور طباعت کے ساتھ -- مجلد / ۳۰۰ روپے - کارڈ کور / ۲۰۰ روپے

براہِ رسد خط لکھ کر طلب فرمائیں

ناظم مطبوعات

سرائیکی ادبی مجلس (رجسٹرڈ) - ”جھوک سرائیکی“ - سرائیکی چوک، بہاولپور

(ایہ رسالہ حکومت پنجاب دے مالی تعاون نال شائع کیتا گے)

ترے ماہی سرائیکی بہاولپور

ادب وچ گھئیو دے گھڑیں دا سوال

”جی“

”کیر کھنڈی“

(وسیب داکہ مکالمہ)

بولی دے سبھ روپ سوہنے پر ہر بولی دا تہ اوند ادب ہوندے جیڑھا وسیب دی روح وچوں کشید تھیندے۔ جیڑھلے بولی وچھوڑے دی مار اچ امدی اے تاں سبھے خواب گونگے تھی ویندن تے خوشبوئیں کُما ویندن۔ اے گنگ داسی تے کُمانا پن کڈاھیں کڈاھیں صدیئیں تے وی کھنڈ ویندے پر جڈاں وی وصال دا ساوَن وسدے تاں روہی دے گھا پوٹ وانگوں ولا ساوَل تھی پوندی اے تے جدہار پکھیں دے چوہنکار جی پوندن۔ سرائیکی بولی وی صدیئیں چپ دی مار بھوگی اے پر جڈاں وی کوئی ٹھڈڑی ہیل لُرکی اے یا کوئی کُٹی پٹی اے، ایندیاں شوہ لٹھیاں ہوئیاں پاڑاں، لکھ لکھ ساویاں پونبلاں دھرتی دے سینے تے کھنڈا ڈیندن۔

سرائیکی ادب وانگوں ترے ماہی ”سرائیکی“ تے وی کئی دور گزرین۔ ایندے وچ نرگس، سرو تے سنبل دیاں رنگینیاں دے نال کرڑ، کنڈا تے پوئی وی اپنیاں پاڑاں سانہی رہ گئیں۔ ہاکڑہ ریت تھیا تاں ستلج تے سندھو دیاں لہراں جاگدیاں رھیاں پر کنھائیں ثوب ویل دی ڈپ ڈپ وی نال رہ نراھیں عادت دا حصہ بن گئی ہے۔ اصلوں اینویں جیویں سیکل رکشیں دی چپ چپاتی موت وچوں موٹر رکشیں دے ٹرڈاٹ کنیں دا حصہ بن گئیں۔

فرید گیٹ دے نیڑے بابا گلن شاہ دے دربار دے سامنے آلی نم کبیج گئی اے تے نور محل دے انبیں دے باغ اجڑ گئیں۔ ہر ڈوجھے پاسوں ہک فوجی فرم بھاولپور سٹیشن کنیں فرید گیٹ تائیں بھوں ایمانداری نال ڈبل روڈ بنیندی پٹی اے جیندے اتے لینڈ کروزر تے پجارو دے نویں ماڈل زان زان کریندے ویسن تے عربی دیاں ایئر کنڈیشنڈ گاڈئیں تے روہی دے باز اکھیں تے کھوپے چاڑھی بیٹھے ہوسن۔ بریگیڈئیر نذیر علی شاہ مرحیت روہی دے بازیں، بھٹ تتریں تے تلوریں تے لکھدیں ہوئیں عرب دے صحرائیں دے پندہ کرویندا ہئی پر اوں ویلھے سر کلر روڈ تے اے منظر نہ ہوندے ہن۔ او ویلھے لنگھ گئے جڈاں فرید گیٹ تے بیکانیر کنوں آوَن آلیے قافلین دے قطار در قطار اٹھ پارک تھیندے ہن تے پاندھی کافیاں تے لڑھاؤ گاندے ہن۔ ہن تاں ریڈیو سٹیشن دی لائبریری وچوں پروڈیو سرخواجہ فرید دی کافی دا ریکارڈ لبھیندن تے نال نورجھان دا ہک گانا۔۔۔ جیڑھا سدھا مروٹ دے قلعے دے پچھوں ہاکڑے دے سکے تل وچ بیٹھے روہیلے دے ریڈیو تے نشر تھیندا پیا ہوندے۔ ٹی وی تے خواجہ فرید شو تھیندے تے یکتارے تے خواجہ فرید دی کافی گھوپندی اے نال نال خواجے دی روہی وچ اٹھیں دی قطار وی ٹردی راہندی اے۔

سرائیکی وسیب دا اے نوان منظر نامہ ایچ دے سرائیکی ادب دا منظر نامہ وی بندے۔ ”بیکری“ تے دپسی گھپو تے مکھن دے بسکت تے کیلک نہیں لبھدے تے نہ ای ”ڈیری فارم“ دے کھیر وچوں کترن دی خوشبو امدی ہے۔ روہی دیاں گوبیں کھیر وی نہیں سکا پگیاں پر سارا گھپو ”گھڑیں“ اچ بھریا پئے۔ اے گھڑے کون ونڈیسی؟ تھی سگدے ایں سوال دا تعلق وی ادب نال بندا ہووے!

تکلف برطرف

قارئین کرام سے معذرت خواہ ہیں کہ ”سرائیکی“ کا موجودہ شمارہ بہت ہی تاخیر سے شائع ہو رہا ہے اس تاخیر میں ہماری کچھ مجبوریاں تھیں۔ ایک بڑی وجہ یہ ہوئی لیڈی ڈیانہ بے وقت ہلاک ہو گئی۔

لیڈی ڈیانہ خواجہ کی دیوانی نہ تھی مگر..... آپ ہماری پوری بات تو سن لیں۔ واقعہ یہ ہے کہ ”سرائیکی“ مجلے کا آخری شمارہ جس سہ ماہی میں شائع ہونا مطلوب تھا اسی سہ ماہی کے دوران میں لیڈی ڈیانہ کا فرانس کی ایک سرنگ میں خون ہو گیا۔

ہاتھی زندہ لاکھ کا، مردہ سو لاکھ کا۔ جب لیڈی ڈیانہ زندہ تھی تو ہم نے کبھی توجہ نہ دی۔ ایسی لمبی، سنہری بالوں والی لڑکیاں تو کئی پھرتی رہتی ہیں، ہمارے خوابوں میں۔ مگر جب لیڈی ڈیانہ کی موت پر پسماندگان کے ٹھٹھ کے ٹھٹھ لگ گئے، آنسوؤں کی جھڑپاں، پھولوں کے ڈھیر..... سڑکیں سو گواروں سے بھر گئیں تو ہمارا بھی دل بھر آیا۔ تب خیال ہوا کہ یارو یہ تو رونے کا مقام ہے۔ چنانچہ ہم نے بھی اپنے اس وقت کے شمارہ ”تکلف برطرف“ کو لیڈی ڈیانہ سے منسوب کر دیا۔ خدا کا کرنا ایسا ہوا پھر، کہ انہی دنوں سرائیکی ادبی مجلس کی انتظامیہ کونسل نے ہماری معاونت کے لیے ایک کرم فرما کو مدیر تجویز کر دیا۔ چنانچہ مجلہ مذکورہ کا مواد بغرض ترتیب، تدوین و اشاعت ہم نے اپنے مدیر معاون کے حوالے کر دیا۔ مگر وہ دن اور آج کا دن مجلہ کی اشاعت میں رکاوٹ ہی رکاوٹ رہی۔ یعنی کرم فرما جب رسالے کا مواد گھر لے گئے اور ”تکلف برطرف“ کا مطالعہ کیا تو ہمارے رقیب بن بیٹھے اور ایسی معاونت دکھائی کہ سارا مواد غائب کر دیا۔ ان سے اتنی بھی مروت نہ ہو سکی کہ کوئی معقول عذر ہی تراش لیتے۔ کہا تو یہ کہ کاغذات کہیں رکھے تھے شاید ملی لے گئی ہے جب کام نہ کرنا ہو تو عذر کیسا۔ بات ہوتی ہے ارادے کی، نیت کی۔ موقع کی مناسبت سے ایک لطیف بات یاد آگئی کہ، ایک دفعہ ایک لڑکا بھیک مانگ رہا تھا راہ گیر خاتون نے دیکھا تو ڈانٹ کر کہا کیوں وقت ضائع کر رہے ہو سکول کیوں نہیں جاتے؟ لڑکے نے جواب دیا فی بی جی میں سکول گیا تھا وہاں بھی کسی نے ایک پیسہ نہیں دیا۔ خاتون نے کہا بھیک مانگنے میں وقت ضائع نہ کرو، لڑکے نے کہا سکول جانے سے اس کا

وقت ضائع ہوا۔ بات ہوتی ہے ارادے کی، نیت کی۔

وقت کی قدر، کیا خوب۔ وقت کی قدر تو کوئی ڈاکوؤں سے پوچھے وہ کیسے؟ آپ نے سنا ہوگا اخبارات میں بھی پڑھا ہوگا کہ فلاں مقام پر ڈاکوؤں نے بس روک کر مسافروں سے نقدی، طلائی زیورات چھین لیے اور گھڑیاں اتروالیں۔ ڈاکو ہر ڈاکے کے دوران گھڑیوں پر ضرور ہاتھ صاف کرتے ہیں۔ اس کی یہی وجہ ہو سکتی ہے کہ انہیں وقت کی بہت قدر ہے۔

گیا وقت پھر ہاتھ آتا نہیں۔ یہ بات صرف وقت کے بارے میں ہی نہیں سائیکل کے بارے میں بھی صادق آتی ہے۔ یعنی گیا سائیکل پھر ہاتھ آتا نہیں (سائیکل کے مذکر یا مؤنث ہونے کی تکرار میں ہم نہیں پڑتے) ہمارے ساتھ گذشتہ دنوں ایک واقعہ یوں ہوا کہ ہم بیمار ہو گئے آپ سے کیا چھپانا، ہم خارش کی بیماری میں مبتلا ہو گئے۔ بیماری کتنی ہی دلچسپ ہو آخر تو بیماری ہے۔ کئی ہفتے زچ رہنے کے بعد ایک روز ماہر ڈاکٹر کے پاس گئے۔ انہوں نے معائنہ کر کے نسخہ تجویز کیا۔ نسخہ لے کر ہم قریبی میڈیکل سٹور پر پہنچے چند لمحوں بعد دوائیوں کا شاپر سنبھالے مڑ کر بوایسی اپنے سائیکل۔۔۔ کی۔۔۔ طرف، اوئے! سائیکل؟ سائیکل غائب، کوئی حضرت سائیکل لے اڑے۔

ابھی یہ کالم زیر ترتیب تھا کہ کسی نے اعتراض کیا کہ آپ نے چور کو ”حضرت“ کہا۔ بھئی ہم تو ہر چھوٹے بڑے کا احترام کرتے ہیں کیا چور حضرات کی عزت نفس نہیں؟ اگر آپ کو خدا نخواستہ آدھی رات کے وقت کسی ڈاکو سے واسطہ پڑ جائے تو ہمارا مشورہ یہی ہوگا کہ آپ ان سے مکمل تعاون فرمائیں۔

ایک دفعہ کا ذکر ہے کہ چند نقاب پوش حضرات نے ایک سنان جگہ پر ناکہ لگایا ہوا تھا اتنے میں ایک شخص گزرا۔ جو شیر ڈاکو نے بڑھ کر تلاشی لی مگر مسافر کی جیب میں صرف دس روپے اور ماچس کی ڈبیہ کے علاوہ کچھ نہ تھا اس پر ڈاکو طیش میں آگئے انہوں نے غصے میں آکر مسافر کی پٹائی کی او کپڑے اتار لیے۔ ڈاکوؤں کا کہنا تھا کہ آدھی رات کے وقت اگر گھر سے باہر نکلنا ضروری تھا تو حرام خور نے جیب میں معقول رقم کیوں نہ رکھ لی۔

بات سائیکل چوری سے چلی تھی مجھے یہ کہنے میں باک نہیں کہ چور نفسیات اور منصوبہ بندی کے ماہر ہوتے ہیں جناب چور نے جب مجھے دوائیاں خریدتے دیکھا تو اندازہ لگایا ہوگا کہ نسخے کی تیاری میں تین منٹ لگیں گے جبکہ سائیکل کھسکانے میں تین سیکنڈ۔ فرق صاف ظاہر تھا۔ چنانچہ اس کے بعد وہی ہوا جو فی زمانہ ہوتا تھا۔

خیر جی! ہم نے بھی چند ماہ میں نیا سائیکل خریدنے کے لیے رقم جوڑ لی کہ اس کے بغیر گزارہ نہیں۔ اور پھر ایک روز خوشی خوشی مارکٹ جا نکلے سائیکل خریدنے۔ دوکاندار کو رقم تھمائی اور اپنے لیے ایک چور پروف، عمدہ سائیکل کی فرمائش کی۔ بھٹی تالا مضبوط ہو، فریم کارنگ سبز، خوبصورت چاہیے۔ چین چینین۔ گھنٹی، گدی اے ون..... ابھی ہم کچھ مزید لوازمات گنوانا چاہتے تھے کہ دوکاندار نے کہا بزرگو اس رقم میں تو بے فی سائیکل ملے گی۔ اور بڑی سائیکل؟ ہم نے حیرت سے دریافت کیا۔ کیا بڑے سائیکل کی سائیکلیں کارخانوں میں بنا ہند ہو گئی ہیں؟ کارخانہ دار بے ایمان ہیں سب گل کر دیتے ہیں.....؟ دوکاندار نے کہا بھٹی صاحب غصہ میں آنے کی ضرورت نہیں بڑی سائیکل بھی دستیاب ہے مگر آپ نے پیسے تھوڑے دیے ہیں اس رقم میں بڑی سائیکل مل جائے گی مگر ایک پھی کی بغیر گدی کے، سرکس والی۔

ہم بھی اصحاب کف کی طرح مدتوں بعد بازار گئے تھے اندازہ نہ تھا کہ اشیائے ضرورت کے نرخ آسمان سے باتیں کر رہے ہیں۔ اور آسمان بھی اللہ تعالیٰ نے سات ہنچھوڑے ہیں!

سائیکل تو ہم لے لیں گے۔ ایک پیسے کا انتظام ہو گیا ہے تو مسبب الاسباب دوسرے کا بھی بندوبست کر دے گا۔ کسی زمیندار نے ہم جیسے شخص سے دریافت کیا، آپ کا رقبہ ہے؟ اس شخص نے جواب دیا رقبہ ہے مگر زمین پر نہیں آسمان پر ہے۔ انشا اللہ!

بے تکلفی کچھ زیادہ ہو گئی ہے بس اب ایک سنجیدہ بات پر کالم ختم کرتے ہیں اگر یہ کالم ہمارے چور موصوف کی نظر سے گزرے تو ان سے صرف یہ کہنا ہے کہ بھلے آدمی اس وقت آپ جلدی میں تھے کبھی مناسب دیکھ کر ہم سے آٹو گراف تو لے جاؤ ہم دانشور قسم کے لوگ ہیں۔ حال ہی میں ہمیں اسلامیہ یونیورسٹی کے وائس چانسلر صاحب کی طرف سے سیلڈ بھی عطا ہوئی ہے اور ایسے دانشوروں کے آٹو گراف، سائیکل سے زیادہ قیمتی ہوتے ہیں۔

صداق نامہ

ریلیڈ سیر سید نذیر علی شاہ مرحوم کی معرکہ آراء انگریزی تصنیف کا اردو ترجمہ

مترجم: صدایق طاہر

نظر ثانی و اضافہ: عثمان شاہ

سابق ریاست بہاولپور کی تاریخ کے گم شدہ اوراق - والیان ریاست کے افسانہ زندگی

سرائیکی ادبی مجلس کا دوسرا ایڈیشن اضافوں کے ساتھ ۱۵۲ صفحات، رنگین سرورق، سبلا قیاس، ۷/۷۰ روپے

ترہ ماہی سرائیکی بہاولپور

خواجہ فریدؒ

اگر ہمارے لے کر اب تک کے عظیم اور غیر فانی شاعروں کی گنتی کی جائے تو وہ شاید بیس پچیس سے آگے نہیں بڑھے گی اور ہمارے خواجہ فرید انہی عظیم اور غیر فانی شعرا کی صف میں شامل ہیں۔ انہوں نے انسان کے بنیادی اور جلی جذبوں کی تہذیب کی اور اتنی خوبصورتی اور توازن سے تہذیب کی کہ محبت کے ازلی وابدی جذبے کو عبادت کی حد تک پہنچا دیا۔ اور یہ سب کچھ انہوں نے اپنے گرد و پیش کے ماحول میں بس کر اور رچ کر کیا عظیم شاعروں کے بارے میں سبھی جانتے ہیں کہ ان کا کلام اور ان کا اسلوب صرف خاص خاص ذہنوں کو متاثر کرتا ہے اور اکثریت اس کلام کی گہرائیوں سے متعارف نہیں ہو پاتی۔ ان کے مقابلے میں خواجہ فرید کے کلام کی یہ خصوصیت حیرت انگیز اور بے مثال ہے کہ اس شاعری کی عظمتیں اور اس کی رسائیاں کسی صورت میں محدود نہیں ہیں۔ خواص کے لیے خاص شاعری ہے اور عوام کے لیے لوک شاعری ہے۔ یہ جوان علاقوں کا کسان بھی ہل چلاتے ہوئے خواجہ فرید کی کافیاں گنگناتا ہے اور یہ جو یہاں کے بچوں سے لے کر جوانوں اور بوڑھوں تک اور بیٹیوں سے لے کر بیویوں اور ماؤں تک کے ہاں روزمرہ کی گفتگو میں بھی خواجہ فرید صاحب کی کسی کافی کا کوئی بول ضرور دہرایا جاتا ہے اور ان کی کافیوں کے بے شمار مصرعے ضرب الامثال کے طور پر استعمال ہوتے ہیں تو یہ خواجہ فرید کی شاعری کی ہمہ گیری کے سوا کیا ہے۔

دنیا بھر کی زبانوں کی عظیم شاعری میں شاید ہی کسی شاعر کو وہ عقیدت، وہ عزت اور وہ محبت حاصل ہوئی ہو جو خواجہ فرید کو حاصل رہی ہے، حاصل ہے اور ہمیشہ، ابد الابد تک حاصل رہے گی۔ برصغیر کے بڑے شاعروں میں سے کسی کو بھی خواجہ فرید کی سی صد فی صد ہر دلعزیزی حاصل نہیں ہو سکی۔ یہ کمال صرف خواجہ فرید کی شاعری کے طلسم کا ہے کہ جو لوگ سرائیکی کو ٹھیک سے نہیں سمجھتے، وہ بھی ان کافیوں کے آہنگ کی گرفت میں آ جاتے ہیں۔ خواجہ فرید کے اثرات سے خورد و کلاں، خواندہ اور ناخواندہ، عورتیں اور مرد..... غرض کوئی بھی محروم نہیں ہے کہ خواجہ فرید کے دربار فن کا صدر دروازہ سبھی کے لیے کھلا ہے۔ اور یہ مقبولیت خواجہ فرید کے اسی طرح کے سچے اور سچے اور کھرے بولوں کی برکت سے ہے۔ چند بول دھراتا ہوں سرائیکی بولنے والوں سے معذرت کے

ساتھ کہ کہیں تلفظ کی غلطی ہو تو معاف فرمادیں :

راجنھن میڈا ، میں راجنھن دی روز ازل دا کارا
ہجر فرید النبی لائی جل بگیوم مفت وچارا

☆

کون گرم زوار تیج برہوں دی کٹھیاں کٹھیاں
راز حقیقی فاش ڈٹھوسے علم عمل توں چھٹیاں چھٹیاں

☆

کلہڑی چھڈ کے کچج سدھایوں اکھیں ملییدی اٹھیاں اٹھیاں
عشق فرید نہیں انج کل دا روز ازل دی مٹھیاں مٹھیاں

اور آخر میں :

نام اللہ دے پاندھیڑا میڈا لے سنبھڑا جا
جلدی آویں نال چر لاویں ساہ تے نہم وساہ
سوہنی نال نبھاوے ہر کوئی کو جھی نال نبھا

فتوحات فریدیہ

خواجہ فرید کی فارسی تصنیف **فتوحات فریدیہ** کا سرائیکی ترجمہ

علامہ میر حسان الحیدری چانڈیو کا ترجمہ ۵۷ صفحات کے شاہکار مقدمے کے ساتھ

خواجہ فرید کے سوویں عرس کے موقعہ پر

تصوف اور مسائل سلوک پر ایک روشن کتاب

۱۸۲ صفحات، رنگین سرورق، عمدہ کاغذ اور طباعت، مجلد قیمت = ۹۰/ روپے

منی آرڈر بھیجئے یا دی پی منگوانے کے لئے لکھیں :

ناظم مطبوعات

سرائیکی ادبی مجلس (رجسٹرڈ) - "جھوک سرائیکی" - سرائیکی چوک بہاولپور

ترے ماہی سرائیکی بہاولپور

دولتِ دلنواز

حضرت خواجہ غلام فرید علیہ الرحمة کے کلام کا انتخاب

مختصر سوانح حیات خواجہ دلنواز

بلحاظ نسبت فاروقی - آپ کا شجرہ نسب حضرت عمرؓ سے جا ملتا ہے - بلحاظ رتبہ مرشد صادق، امیر صادق محمد خان رابع فرمانروائے ریاست بہاولپور حضرت کے مرید تھے -

علمی تبحر - جون ۱۸۸۹ء میں برصغیر کی اس مجلس مناظرہ کا جو علماء ہندوستان اور علمائے پنجاب میں بعض مسائل اختلافیہ کے سلسلہ میں بہاولپور منعقد ہوئی تھی آپ کو اس کا حکم بنایا گیا تھا - اس مجلس مناظرہ میں حضرت شیخ الہند مولانا محمود الحسن اور حضرت مولانا خلیل احمد نے علماء ہندوستان کی طرف سے اور علمائے پنجاب کی طرف سے حضرت مولانا غلام دستگیر اور حضرت مولانا سلطان محمود نے حصہ لیا تھا - تفصیلات مزید کے لیے ۸۶۸ صفحات کی کتاب دیوان فرید (مترجم - مرتبہ دبیر الملک حضرت مولانا محمد عزیز ابرحمر عزیز سرپرستی اعلیٰ حضرت امیر صادق محمد خان حامس عباسی) ملاحظہ ہو - یہ ضخیم کتاب سرائیکی زبان کا ہے بہا سرمایہ ہے - اس کتاب کے متعدد نسخے انگریزی زبان میں باختصار ترجمہ کر کے سرائیکی ادبی مجلس کی طرف سے امریکہ، انگلستان، روس، جاپان، مصر (جامعہ الازہر) اور امیر ابو ظہبی کی خدمت میں بھجوائے جا چکے ہیں - بہاولپور کی تقریباً تمام درسگاہوں، صادق

سنٹرل لائبریری بہاولپور، پنجاب لائبریری لاہور، برٹش میوزم لندن، شکاگو یونیورسٹی امریکہ، یونیورسٹی ٹوکیو، یونیورسٹی ماسکو، جامعہ الازہر مصر میں اس کتاب کا آئندہ چند سالوں تک کوئی نسخہ محفوظ رہ سکا تو رہ سکا ورنہ انگریزی زبان میں یہ کتاب اب نایاب ہو چکی ہے -

منہ اردو، فارسی، انگریزی تواردات، سرائیکی کے اس شمارے میں اس کتاب کے چند عنوان جشن روہی کے سلسلہ میں اس مقصد کے پیش نظر شائع کیے ہیں تاکہ کوئی فٹز جیرلڈ رباعیات خیام کی طرح سرائیکی کی اس "دولتِ دلنواز" کو اپنی زبان میں منظوم کرانے کے لیے متوجہ کرایا جا سکے - درج ذیل انگریزی شعر کے مطابق حضرت خواجہ غلام فرید کی کافییوں کا لب لباب :

The Kafies of Khawaja Farid

Are messages of Hope-Love and Peace.

اسن عالم کے بھی خواہ ادارے

UNESCO اور UNO

اس دولتِ دلنواز کی اشاعت ترویج کر کے اسن عالمگیر کے سلسلہ میں بہت بڑی خدمت انجام دے سکتے ہیں، لیکن:

سمجھائے کون بلبلِ غفلت شعار کو

محدود کر لیا ہے چمن تک بہار کو

ترے ماہی سرائیکی بہاولپور

تواردات

گدائے ہاشامے مقابل فشیند

Love is the fulfilling of the law. (St. Paul.)

درد فرید ہے چیز مہانگی
تھیندے ونج وپار جندڑی کر قربانی

I hold it true, whate'er befall --

I feel it when I sorrow most --

'Tis better to have loved and lost

Than never to have loved at all. (Tennyson)

در بود و نبود من اندیشہ گمانہا داشت
از عشق ہویدا شد این نکتہ کہ ہستم من

"Love is more powerful than reason."

Love is a sickness full of woes,

All remedies refusing;

A plant with more cutting grows,

Most barren with best using (Samuel Daniel)

برق گرتی ہے تو یہ نخل ہرا ہوتا ہے

"Beauty is a short lived tyranny," (Socrates)

"Beauty is a privilege of nature." (Plato)

"Beauty is a silent cheat." (Theophrastus)

"Beauty is better than all the letters of recom-

mandation in the world." (Aristotle)

That is the best part of beauty which a pic-

ture cannot express." (Bacon)

کافی .

کل غیر کنور جی واندے
مٹھی ریت ، انوکھی راندے

کافی

عشق ہے ڈکھڑے دل دی شادی

عشق ہے رہبر مرشد بہادی

عشق ہے ساڈا پیر

جنمں کل راز سجھایا

ناز تبسم گجھڑے ہاسے

چالے پیچ فریب دلاسے

حسن دے چار امیر

جنمہاں چوگبوٹھ نوایا

The renderings in English

Love is joy for the heart broken

Most dependable perfect guide ;

All the secrets love reveals

Which otherwise are denied.

Deceitful dealings,

Inducements clever,

Laughters subdued,

Smiles bewitching;

With these weapons

Beauty rules the world supreme.

عشق سے طبیعت نے زیست کا مزا پایا (غالب)

Love can hope where reason would de-

spair. (Lyttleton)

بنام بہ بزم محبت کہ آنجا

ترے ماہی سرائیکی بہاولپور

کافی
 اتھ درد منداں دے دیرے
 جتھ کرڑ کنڈا ہوئی ڈھیرے
 کھپ کھاراں تے لئی لانی
 سٹھ پھوگ پھوں من بھانی
 تھل ٹپے ڈپر ٹکانیں
 ہر بھٹ بھٹ، نال بسیرے
 مڈ جھوکان تے تر تاڈے
 رس جھڑے کھیلاں کھاڈے
 واہ تکیہ گاہ اساڈے
 ہن ہوے کون نکھیڑے

The renderings in English.

Seldom there a tree is found,
 A barren waste out of bound ;
 Where the herbs and hedges too
 Grow afar and very few ;
 Here for the lovers true
 Brambles dry and bushes stray
 Provide the best rendezvous.
 Ye, sand-hills, glorious mounds,
 My last resort,
 My castles sound,
 Neat and rare,
 Who can dare
 Dislodge Farid
 From there.

بیٹھے ہیں رہگذر پہ ہم کوئی ہمیں اٹھائے کیوں
 (غالب)

" A careless shoe-string in whose tie

سینے جھوکان دیدیں دیرے
 سوہنے دوست دلاندے
 اکھیاں دے وچ قطر نہ ماوے
 سارے سچن سماندے

The renderings in English

The idea, " four freedoms " , is fraught,
 Freedom real is the freedom from all ;
 Sweet thing love
 The most unique pleasure ;
 Constantly housed in my vision,
 It lives forever in my heart.

Peacefully as friends

We can all exist,
 In as small a place
 As is the human eye,
 That nurse and retains
 All the unshed tears.

ایں طرفہ تماشہ ہیں دریا بہ حباب اندر

I walk with you, though miles from you di-
 vide me;
 Yet you are near!
 The sun goes down, soon star will shine to
 guide me.
 Would you were here ! (Goethe)
 (translation by M. Hamburger.)

تم میرے پاس ہوتے ہو گویا
 جب کوئی دوسرا نہیں ہوتا (مومن)

Follow Him through war and peace
Friend Farid who never leaves.

مسنج خود را به زر اے بندہ زر
کہ زر از گوشہ چشم تو زر شد
اگر کردی نظر بر پارہ سنگ
ز فیض آرزوئے تو گہر شد (اقبال)
It is wisdom to know others;
It is elightenment to know one's self.

.....
.....
Endurance is to keep one's place;
Long life it is to die and not perish
(Lao Tzu translation by R. B. Blakney)

فنا کیسی بقا کیسی جب اس کے آشنا ٹھہرے
Thou seest not who thou art, for thou art,
yet not "thou".

(Shaikh Al-Alavi of Algeria)
(truly great man of this century)

After extinction I came out, and I
Eternal now am, though not as I
Yet who am I, O I. but I. (Shustari)

کافی
رتھ تے بہندی دڑک نہ سہندی
ہم طبع کمزور
رتھ دھیمیں دھیمیں ٹور
میڈا دستہ نرم کرور دا
ستار ونگیں لگم ٹکور

The renderings in English

Man by nature is very weak

Do more bewitch me than when art
Is too precise in every part." (Robert Herrick)

بناوت بھی اک فن ہے جو جانتا ہو
تری سادگی کچھ ہمیں جانتے ہیں
Mixed with goatherds in dry places
Seek refreshment in Oases.
(Goethe translated by V. Watkins)

کافی
کیوں توں فرد تے جز سڈاویں
توں کلی توں کل
باغ بہشت دا توں ہیں مالک
خود بلبل خود گل
عرش وی تیڈا فرش وی تیڈا
توں عالی ان مل
روح مثال شہادت توں ہیں
سمجھ سنجان نہ بھل
یار فریدا کول ہے تیڈے
نہ بیہودہ دل

The renderings in English

Paradise and the nightingale,
Rose and the ring,
Thou art the whole
Kingdome and the King
Were not about my lofty rank
Once for all the angles hushed?
Is rocketing in and out of space
Not made for me an easy race?
Religion, reason, science and art
Must enhance the man's lot;

ترے ماہی سرائیکی بہاولپور

ٻے تے دی ٻی کل نہ کائی
الف کیتم ٻے وس وے میان جی
الف ٻکو ٻم بس وے میان جی

The renderings in English

No other story fascinates Farid,
Alif alone has won his heart ;
For X Y Z he cares not ,
Alif for him is the world at large,
The bigning and the end and all ;
Teacher kind -- !
leave Farid with Alif alone.

اک گونه بیخودی مجھے دن رات چاہیے
خوش آن راہے کہ سامانے نہ گیرد (اقبال)
Where on patriarch's air you 'ill feast !
There to love and drink and sing.
Drawing youth from Khizr's spring.
(Translated by chael Hamburger)
for Menter Book edited No. Stephen Spender

کافی

بردیسی یارا ، وا پورب دی گھلے
سانوں مینہ برسات دی واری
پھوگ پھلی کھپ پھلے
گاجار گجکن بجلیاں لسکن
ذوقوں دلڑی چلے
دھاسن کترن سنہ تے سہجوں
چتر سہاگ دا جھلے
جے تئیں پانی پلہر نہ کھٹسی
کون بھلا سندھ جلے
روز بروز فرید پیر لذت

His driving fast will end in grief
Chariot drive drive in peace
Flying rockets will not help
Look before you leap.

General References

آنہمہ شعبدہ ہا عقل کہ میگرد آنجا
سامری پیش عصا و ید بیضا میگرد (حافظ)
When Moses unto Pharaoh stood,
The men of magic strove in vain
Against his miracle of wood;
So every subtlety of brain
Must surely fail and feeble be
Before the soul's supremacy.
(rendering by professor A.J.Arberry,D.Litt.)
Lightly, O lightly, we bear her along,
She sways like a flower in the wind of our
song;
She skims like a bird on the foam of a
stream,
She floats like a laugh from the lips of a
dream.
Gaily, O gaily we glide and we sing,
We bear her along like a pearl on a string,
(Sarojini Naidu on Palanquin Bearers)

آن سہل سبک سیرم ہر بند گسستم من (اقبال)
موج خرام یار بھی کیا گل کتر گئی (غالب)

کافی

ہور کہانی مول نہ بھائی
الف گیم دل کھس وے میان جی

ترے ماہی سرائیکی بہاولپور

People , stragers or my own
Are all to me my friends.

About Mullah and Mansoor
Why should I care?

About the log , rope and gallow
I am-not unaware.

Of the facts and defects,

About the "yes" and "no"

What I have heard,

And What I see

I quite agree.

Captain ! Here is the Test of Your Vow to
save mankind.

"Are they Coloured or White?

Who asks this question?

Captain say : Man is drowning--
the sons of Adam!"

(Nazar-ul-Islam, translation By Mizah-ur-Rahman.)

Note:- The Kafi "جھوکاں تھیں آباد ول" was
autographed by Captain Manes of the city
of Brisbain at 35000 feet during flight over
the homeland of the greatest German poet
(Goethe). About him (writing for Mentor
Book) Thomas Mann says, "... the darling
of mankind."

"... The passage from his poem 'Hegira' quoted
below shows the breadth of his vision:-

North and West and Suoth are breaking,
Thrones are bursting, Kingdom shaking:

Flee , then , to the essential East.

طبع ڈینہو ڈینہہ کھلے

The randrings in English

My friend in foreign land , the Eastwind
gently blows.

Season of rains has come, This wild land
grows

Green' wild blossoms blow; clouds roar and
lightenings flash

Desires storm the heart.

The wild bushes all are decked in bridal
hues.

And who will leave this place for kider lands
Before these rain-fed pools become quite
dry?

It turns more pleasent here, day after day
And greener grows my heart.

(Sleem-ur-Rahman, Asstt. Editor "Nusraf" Lahore.)

ایہا نینگر بھل جو پائی کھڑی اے
جٹے ڈینہہ دے چندر چڑھائی کھڑی اے
(مولانا نصیر الدین خرم)

کافی

ہر صورت وچ دیدار ڈٹھم
کل یار اغیار کون یار ڈٹھم
کتھ ملان تے منصور ڈٹھم
کتھ چوب رسن تے دار ڈٹھم
معقول ڈٹھم مقول ڈٹھم
اقرار ڈٹھم انکار ڈٹھم

I see Him every where,

And in every thing.

ترے ماہی سرائیکی بہاولپور

فریدیات سرحد پار

شاعر مشرق علامہ اقبال نے خواجہ صاحب کے پیغام اور کلام کے بارے میں فرمایا تھا کہ یہ افسوس ناک صورت حال ہے کہ خواجہ صاحب کی شاعری ایک علاقے تک محدود ہو کے رہ گئی ہے۔ ان کا کلام گہرے مطالعہ کا محتاج ہے۔ مجھے اس میں بین الاقوامی حیثیت اور اہمیت کے عناصر نظر آتے ہیں۔ فرید اور اس کے خاندان کے موجودہ ہندوستان کے علاقوں میں جہاں ارادت مندوں کی خاصی تعداد تھی وہاں فرید کی شاعری کے متوالوں کی بھی کبھی کمی نہیں رہی۔ مشرقی پنجاب میں دیگر صوفی شعراء کے ساتھ خواجہ فرید پر خاصا تحقیقی کام ہوا ہے اور یہ کام ذاتی سطح کے علاوہ تعلیمی اداروں میں بھی ہوا ہے۔

ہندوستان میں فریدیات پر جو کام ہوا اس سلسلے میں میرا حنیف چوہدری صاحب سے رابطہ ہوا تو انہوں نے بھرپور تعاون کیا۔ ان کے بقول پاکستانی سرحد سے پار کے لوگ بھی روہی کے ٹیوں، ڈھروں اور ٹوبھوں سے اسی طرح پیار کرتے تھے جتنا پاکستان میں بننے والے کرتے ہیں۔ فرماتے ہیں جالندھر میں رام پال کے ہاں گئے تو انہوں نے خواجہ فرید کی کافیوں کی دو درجن کیٹیں دکھائیں۔ اسی طرح کلام فرید پیش کرنے والے فنکاروں کے بارے میں ماہنامہ ”لو“ امر تسرنے ایک بھرپور مضمون بھی چھاپا تھا۔ پنجابی یونیورسٹی پٹیالہ نے ”کافیاں خواجہ غلام فرید“ کے نام سے ایک ضخیم کتاب شائع کی ہے جسے ڈاکٹر کالاسنگھ میدی نے مرتب کیا ہے جو اٹھارہ ابواب پر مشتمل ہے۔ تفصیل ابواب اس طرح ہے۔ (۱) خواجہ فرید دا ونش (نسب)۔ (۲) خواجہ فرید دی جیونی۔ (۳) خواجہ صاحب خود شناس دے روپ وچ۔ (۴) خواجہ صوفی دے روپ وچ۔ (۵) خواجہ کوی (شاعر) دے روپ وچ۔ (۶) خواجہ صاحب دی قصیدہ گوئی۔ (۷) خواجہ صاحب دی پنجابی شاعری۔ (۸) کلامک و شیشاواں (شعری خصوصیات)۔ (۹) بولی۔ (۱۰) توحید و جود۔ (۱۱) پیار جذبہ۔ (۱۲) عشق مجازی۔ (۱۳) برہوں فراق تے وچھوڑا۔ (۱۴) منجھ۔ انسان۔ (۱۵) آشاتے نراشا۔ (۱۶) روہی۔ (۱۷) برکھا رت۔ (۱۸) سنسار انہو (دنیا دی تصویر کشی)۔ اس کتاب کا دیباچہ یونیورسٹی کی وائس چانسلر ڈاکٹر اندر جیت کور نے لکھا ہے۔ اس میں کافیاں غزلیں اور دوہڑے شامل کیے گئے ہیں اور ان کی تشریح بھی کی گئی ہے۔

پرفیسر پیار سنگھ پھوگل اپنے ایک مضمون ”پنجابی صوفی سہت دا اتہاس“ میں لکھتے ہیں کہ خواجہ صاحب کی شاعری انسانی قدروں کے اتنے قریب ہے کہ ہر پڑھنے والا اسے اپنے دل کی بات سمجھنے لگتا ہے۔ اور ان کی شاعری میں لوک رنگ زیادہ ہے۔ ان کی زبان پر ہندی کا اثر زیادہ اور مقامی رنگ زیادہ گہرا ہے۔ ڈاکٹر اجیت سنگھ ناہر نے اپنی کتاب ”خواجہ غلام فرید صوفی مت دے آخری شاعر“ میں یہ ثابت کرنے کی کوشش کی ہے کہ خواجہ غلام فرید صوفیانہ شاعری کے آخری بادشاہ تھے وہ لکھتے ہیں بابا فرید گنج شکر (۱۲۶۶-۱۱۷۳) پہلے صوفی شاعر تھے اور ان کے بعد شاہ حسین (۱۶۰۰-۱۵۳۸)، سلطان باہو (۱۶۹۱-۱۶۲۴)، بابا ایلے شاہ (۱۷۵۸-۱۶۸۰)، علی حیدر (۱۷۸۵-۱۶۹۰) ہاشم شاہ (۱۸۴۳-۱۷۳۵) آئے۔ ان صوفی شعراء کے لگائے ہوئے پودے کی خواجہ غلام فرید نے آبیاری کی۔ اس کتاب کے درج ذیل پانچ ابواب ہیں (۱) صوفی ازم دائدھ۔ (۲) صوفی کوی (شاعر) محیثیت مبلغ۔ (۳) اسلام تے صوفی مت۔ (۴) خواجہ صاحب دا صوفی کاء (صوفیانہ کلام)۔ (۵) خواجہ صاحب محیثیت پر چارک۔

ڈاکٹر ہر چندر سنگھ ڈھلوں اپنے پی ایچ ڈی کے مقالے میں لکھتے ہیں ”خواجہ صاحب نے ”ملا“ کی عبادت کو کسی اور نظر سے دیکھا ہے ”ملا“ کا اپنا الگ مسلک ہے۔ خواجہ صاحب ہر حال میں یار کا جلوہ دیکھنے کا قائل ہے۔“ رام پرشاد تونسوی کی کتاب ”یار فرید“ میں درج ذیل تین ابواب ہیں (۱) خواجہ صاحب داروہی نال عشق۔ (۲) خواجہ صاحب دا ورتارا۔ (۳) روہی اک علامت۔ ڈاکٹر پرشاد لوچن (پنڈت) کے پی ایچ ڈی کے مقالے کا عنوان ”خواجہ فرید دی شاعری سبھاتے ریت“ تھا۔

ڈاکٹر گورچن سنگھ متوانے خواجہ فرید پر مقالہ ”فرید دی شاعری تے سندھی اثرات“ لکھ کر ڈاکٹریٹ حاصل کی۔ جگجیت موہن جتوئی نے ”فرید دا مقام“ لکھ کر پی ایچ ڈی کی ڈگری حاصل کی۔ اسی طرح چند گڑھ کی رام دلاری سنہانے ”خواجہ فرید دی صوفیانہ لہر“ رگھیر سنگھ مترا نے ”مہان کوی فرید دی اردو کویتا“ بلدیو کمار یوری نے ”فریدی دوہڑیاں وچ لوک روایت“ ایم فل کے مقالات لکھے۔ اس کے علاوہ جن اخبار و رسائل میں خواجہ صاحب پر وقتاً فوقتاً مضامین شائع ہوئے ان کا تذکرہ کچھ اس طرح ہے۔ پنجابی ادبی دنیا بھاشا و بھاگ پٹیا، نیل منی جالندھر، ”لو“ امرتسر، روزنامہ اجیت امرتسر، پنجابی سہت دلی، جاگرتی چند گڑھ، سہت کار امرتسر، ترنجن لدھیانہ، پرندہ انٹی دلی اور پنجابی دنیا لدھیانہ شامل ہیں۔ یہاں یہ وضاحت ضروری ہے کہ یہ تمام کام گورکھی رسم الخط میں ہوا ہے۔

ترہ ماہی سرائیکی بہاولپور

رتھ ڈھیہیں ڈھیہیں شور

میکوں فخر ہے تے ایہہ میڈے کیتے یادگار لمحہ ہے کہ انج میں سرانیکی کلاس دے طالبعلماں نال مخاطب آں۔ میکوں خوشی ہے جو تھاڈے استاد محترم میکوں یاد کیتے تے تھاڈے نال گالھ مہاڑ کرن دا موقع عطا کیتے۔ میں سمجھداں جو ایہہ کلاس زمانہ تاریخ دا حصہ ہے۔ کیونکہ اے پہلی کلاس اے جنہاں انج سرانیکی دانش، علم و دانش، سرانیکی زبان و ادب، یونیورسٹیاں دی سطح تے پڑھانوں دا تجربہ کیتا گئے اور بڑا کامیاب تجربہ ثابت تھیدا پئے۔ ایں واسطے میں سمجھداں کہ جس تاریخی عمل توں تساں گزر دے پئے او تھاکوں اے آگئی ہووئی چاہیدی اے اور ہوسی کہ تساں او پہلے طالبعلم ہیوے، سرانیکی شعر و ادب دے اولین طالبعلم ہیوے اور ایہہ تھاڈا مقام تاریخ وچ ہمیشہ یاد رکھیا ویسی۔ ایویں ہی جیہڑے اساتذہ تھاکوں پڑھیدے پئے ہن انہاں دا وی ایہہ تاریخی مقام ہے۔ ایں زبان دی تاریخ جیں وی لکھی ہوئی اوندے انج ایں گالھ دا تذکرہ ضرور کیتا ویسی کہ پہلے لوگ کون ہن جنہاں نے پڑھایا او پہلے لوگ کون ہن جنہاں نے سرانیکی شعر و ادب دی تاریخ لکھی میکوں آکھیا گئے کہ میں خواجہ صاحب دی کافی دے بارے انج تھاڈے نال گفتگو کراں۔ اوکوں تساں سمجھن دی کوشش کرو ایہہ کافی خواجہ صاحب دے بہترین نمائندہ کافیاں اچوں ہے۔

اساں ایکوں **Analyze** کروں بطور متن دے۔ ہک ڈو گالھیں میں بطور وضاحت دے عرض کرن چاہنداں، تھاڈے اساتذہ کرام تک، کہ اے انہاں دی قدر شناسی ہے کہ انہاں میڈے حوالے نال بڑیاں محبت بھریاں گالھیں کیتیں۔ میں سرانیکی زبان و ادب دا بہوں کمتر طالب علم آں اور سرانیکی علم و دانش وچ میڈا کوئی **Claim** کینہی، میڈا اصل فیلڈ جہڑا ہے اوار دو زبان و ادب تے اوند اظہار ہے۔ سرانیکی زبان مادری زبان ہووے دا مطلب ایہہ نہیں جو ہر آدمی چیدی مادری زبان سرانیکی ہے او سرانیکی شعر و ادب کوں چاند اہو وے لیکن اتفاق ہے جو میکوں اپنی مادری زبان دے شعر و ادب نال بہوں عرصے تک دلچسپی رہی ہے اور اینکوں علمی سطح تے وی کچھ نہ کچھ ڈھدا بھلیدا رہ گیاں۔ ایں واسطے بغیر کہیں دعوے دے تے بغیر کہیں مدعا دے میں بطور طالب علم دے، خواجہ صاحب دے کلام دے طالب علم دی حیثیت نال ایں کافی کوں تھاڈے سامنے سمجھن اور

سمجھاؤں دی کوشش کریاں تے اساں اے رل مل کے کوشش کریوں تے ایندے وچ کوئی گلہ
 جیہڑی میڈے کولوں رہ ونجے او تاں میکوں ڈساڈوائے جو اے گلہ رہ گئی اے۔

ایہہ تاں تماکوں پتہ ہے کہ کافی دی ہیئت جیہڑی ہے ، کافی دی صنف اچ۔ کافی تاں سُن
 چکے ہو سو تے ایندے بارے تہاڈے ذہن اچ کئی دلائل ، بہوں ساریاں آراء بن چکیاں ہو سن جو کافی
 کیا چیز ہے ؟ اور میڈا خیال ہے جو ایہہ ہک مسلمہ گلہ ہے ایہہ گلہ تقریباً طے تھی چکی ہے کہ کافی ہک
 بہوں وڈی صنف ہے ، بہوں وڈی ریت ہے بہوں وڈی Tradition ہے سرائیکی شاعری دی ،
 ساڈی علاقائی شاعری دی ، لیکن ایہہ گلہ منی ہوئی ہے کہ ایندی کوئی متعین شکل کینی جیویں ہک
 غزل دی ہک متعین شکل ہے کہ پہلے مطلع ہونسی تے ول ہر مصرعے وچ قافیہ ، ردیف دہرایا ویسی۔

ایہہ غزل دی ہیئت ڈتی ویندی ہے ایویں ہی شاید سرائیکی اچ کافی دی ہیئت ہووے۔ ایہہ گلہ کینی
 بلکہ ہر قسم دی ہیئت وچ کافیاں لکھیاں گئیں۔ ایویں ہی خواجہ صاحب نے نظم دیاں جیہڑیاں ہیئتاں تھیں
 سگھ دیاں ہن ، فارمز تھی سگھدے ہن کافی دی ہیئت اچ انہاں کوں استعمال کیتے۔ ہن ایہہ سوال پیدا
 تھیدے جو اگر کافی دی ہیئت متعین کینی تاں ول کافی کیا ہے ؟ ایہہ کیمڑی چیز داناں ہے ؟ او کیا چیز
 ہے جیکوں اساں آہدے ہیں کہ اے کافی ہے اور ایہہ نظم ہے ؟ Poem دے وچ تے کافی دے وچ
 اساں کتھاں آن کے تفریق کریوں کیونکہ جدید لوگ وی بعض نظماں لکھ کے اوکوں اہدن جو کافی ہے
 تے ول اساں وی اوکوں کافی پڑھن کیتے مجبور ہیں ایویں ہی اگر کوئی شخص گیت لکھدے تاں تاں
 لکھدے ”کافی“۔ اساڈے کول کیمڑی چیز ہے ، کیا معیار ہے ، کیا پیمانہ ہے جیدے اتے پرکھ کے اساں
 آکھ سگھدوں جو ایہہ کافی نہیں اے گیت ہے ، ایہہ نظم ہے۔ میڈا خیال ہے جو اے ہک بڑا سی اچھا
 سوال ہے اور ایندے اچ ادب دے بہوں ساریاں حثاں شامل ہن۔ ہن چند مختصر گلہیں کافی دی پہچان
 دے بارے اچ عرض کریاں۔ ہک تاں اے ہے کہ اے ساڈی کلاسیکل ریت ہے ، صنف ہے۔
 سرائیکی اچ ساڈی کلاسیکل شاعری دی سب توں وڈی صنف ”کافی“ ہے۔ او اپنے مواد دے ذریعے ،
 اپنے لہجے دے ذریعے ، اور اپنے اسلوب دے ذریعے سنجاتی ویندی ہے یعنی اپنی ہیئت دے ذریعے نہیں
 بلکہ اپنے مواد ، اپنے اسلوب تے اپنے لہجے دے ذریعے سنجاتی ویندی ہے کہ ایہہ کافی ہے اور ایہہ
 نظم ہے یا کوئی بےسی چیز ہے یا گیت ہے۔ ہن او مواد ، اسلوب یا لہجہ کیا چیز ہے جیہڑا کافی کوں انج
 کریندے ؟ ایہہ بہوں اہم سوال ہے ایس سوال دا جواب ڈیون کنوں پہلے میں ہک ہیا سوال پچھداں اور
 اپنے آپ کولوں پچھداں جو اساں ریڈیو ، ٹی وی تے اکثر سُن دے ہیں جو ہن سُنو خواجہ فرید دا

ترہ ماہی سرائیکی بہاولپور

”عارفانہ کلام“، یا ہنٹ سٹوبابا لے شاہ دا ”عارفانہ کلام“، یا فلاٹے شاعر دا ”عارفانہ کلام“۔ ایہہ ”عارفانہ کلام“ کیا ہوندے؟ ایس چیز تے کڈا ہیں کہیں روشنی نہیں پاتی کیا چیز ہے جیہوں اساں ”عارفانہ کلام“ آہدے ہیں کیونکہ بظاہر جیہڑی چیز کوں اساں ”عارفانہ کلام“ آہدے پئے ہوندے ہیں اوندے اچ عشق دا جذبہ، محبت دا جذبہ یا کوئی ڈکھ سکھ دا جذبہ موجود ہے او کیا چیز ہے جتھاں پہنچ کے اساں آہدے ہیں جو ایہہ عارفانہ کلام ہے ایندا کیا معیار ہے؟ ایندا آسان جیہاں سوکھا جیہاں معیار میں ڈس ڈینداں امید ہے کہ تساں سمجھ سوسو، پسند کریو تے **Appriciate** کریسو۔

او شاعری جیدے وچ بظاہر مجازی عشق کوں بیان کیتا ونجے، ہجر، وصال دا کوئی مسئلہ ہووے، بھانویں ہجر دا جذبہ ہے یا وصال دا تجربہ ہے یا انتظار دا تجربہ ہے، دیدار دی خواہش دا تجربہ ہے کوئی وی موضوع ہووے عشق دے نال تعلق ہووے انسانی عشق دے نال، انسان دا انسان نال عشق، جیہوں اساں مجازی عشق آہدے ہیں مجازی عشق دی کوئی وی ایسی کیفیت کہ جیدہ ادراک اساں عشق حقیقی تے کر سگھدے ہیں او کوں اساں آہدے ہیں ”عارفانہ کلام“۔

فوری طور تے ساکوں محسوس تھیدے کہ اے شدت، ایہہ جذبہ، ایہہ دیوانگی، ایہہ فدا کاری انسان واسطے نہیں بلکہ او انسان کنوں کہیں برتر ہستی واسطے ہے۔ او کوں اساں آہدے ہیں ”عارفانہ کلام“ یعنی او کلام جیدے ظاہری سطح فوری طور تے عشق مجازی سمجھ آندی ہے پر جو نہی اساں اوندے اتے توجہ کریندے ہیں اور اوندے معنی تے غور کرٹ دی کوشش کریندے ہیں تاں ساکوں فوراً محسوس تھیدے کہ اے او محبوب نہیں جیہڑا عام ہے ایہہ گوشت پوست دا انسان نہیں بلکہ ایہہ محبوب ہک برتر عظیم ہستی ہے اور او خدا دی ہستی ہے اور ایسے کلام کوں اساں ”عارفانہ کلام“ آہدے ہیں۔ میں عرض کیتا ہئی جو اساں کافی کوں ہک ہیئت دے ذریعے نہیں سچاں سگھدے بلکہ کافی کوں اساں مواد، اسلوب تے لہجے توں سچاں سگھدے ہیں۔

ہر او تخلیقی نظم، شاعری جیدے اچ عشق مجازی دی سطح تے عشق حقیقی دا شائے گزرے ساکوں ایہہ محسوس تھیوے کہ ایندے اچ جیہڑا عشق دا جذبہ میان کیتا ویندا پئے او مجازی عشق نہیں بلکہ حقیقی عشق ہے او کوں اساں کافی آکھوں۔ ایندیاں بیاں شرائط دے نال۔ ایہہ بہوں ساریاں شرائط ہن۔ پہلی شرط کلاسیکی موسیقی دے اعتبار نال ایہہ ہے کہ ایندے اچ بظاہر تذکرہ عشق مجازی دا ہوسی لیکن جتنا تساں اوندے اتے غور کریو تاں تما کوں محسوس تھیسے کہ اے ہک صوفی دی واردات ہے، صرف اور صرف عاشق دی واردات نہیں بلکہ سالک دی، صوفی دی خدا نال محبت دی

واردات ہے جیہوں اساں مجازی عشق آہدے پئے ہیں ایہہ ہک پہلو ہے اکیوں اساں کافی آکھن اچ مائل تھیسوں۔ ڈو جھی گالھ ایہہ ہے کہ اوندھے اچ لطافت میان، نزاکت، لفظاں دی لطافت، نرمی، ملائمت وی کافی دے اسلوب دا ہک حصہ ہے ایندے اچ الفاظ نرمی دے نال ورتے گئین۔ انہاں دے لہجے اچ گداز ہے، پگھلاؤ ہے، جذبے دا اظہار ہے۔ الفاظ جذبے کوں ظاہر کریندن فکر کوں اتنا ظاہر نہیں کریندے جتنا جذبے کوں ظاہر کریندن، احساسات کوں ظاہر کریندن، اندر دی دنیا کوں ظاہر کریندن، باہر دی دنیا نال اتنا تعلق نہیں ہوند جتنا کہ اندر دی دنیا نال ہوندے اور اگر باہر دی دنیا نال تعلق ہے، کافی دا شعر اگر باہر دی منظر نگاری کریندا وی پئے ول وی کافی دی خصوصیت ایہہ ہے کہ جوں جوں تساں غور کریو تہا کوں محسوس تھیسے کہ باہر دا منظر جیہڑا ہے دراصل اندر دے منظر کوں بیان کرن دی کوشش ہے۔ کچھ خصوصیات ہن کہ جیدی بناتے اساں آہدے ہیں کہ فلاں نظم یا فلاں چیز کافی ہے۔ ہک ہئی اہم خصوصیت ایہہ ہے کہ اوندے اچ اسا کوں الفاظ دا ترنم ملے۔ الفاظ دی موسیقی۔ لفظ جیہڑے ہن مائل بہ غنا ہوسن۔ لفظ جیہڑے ہن نغمے دی طرف مائل ہوسن لفظ خود خود نغمہ بن، گاؤں بن دے آتے گیت بن تے مائل ہوسن۔ لفظاں دے ذریعے کافی وچ جیہڑی موسیقی ہے، خاص طور تے خواجہ صاحب دیاں کافیاں اچ، او اجاگر ہوسی، نمایاں ہوسی، تساں محسوس کریو کہ ایندے اچ نغمگی ہے اگر اساں اکیوں گاؤں تاں ایہہ نغمگی مزید اجاگر تھیسے۔

غنائیت (Musicality)

Musicality of words لفظاں دی غنائیت، لفظاں دا مائل بہ موسیقی ہووٹا۔ ایہہ

کافی دی ہک شان ہے، کافی دی سبھاں ہے اور خواجہ صاحب دی کافی دی ہک خصوصیت ہے۔ کافی دا متن ایہہ ہے

رتھ دھیں دھیں ٹور
میڈا دستہ نرم کرور دا
متاں ونگیں بگم نکور
رتھ تے بہدی دڑک نہ سہدی
ہم! طبع کمزور
روز ازل دی پاتم گل وچ
برہوں حیڈے دی ڈور
شالا مولہ سلامت نیواں
راہ اچ لڑون چور
جیکر رتھ پیٹھیں تھک پوساں
گھوڑا گھساں یور

ترے ماہی سرانیکے بہاولپور

سوکھا تیز لغام دا کولا نہ . اوکھا سر زور
 رانجن تے میں جوڑ کوں جوڑوں جوڑ جوڑ
 سک تے طلب ملن دی سینے روز نواں ہم شور
 پندھ اڑانگے ، دلڑی تانگھے جلد پچانوئیں توڑ
 میں تے یار فرید میٹوں رل مل شہر بھنھور

ہن پہلی گالھ تاں ایہہ ہے کہ ساکوں ایں کافی دالفظی مطلب آؤنا چاہیدے کہ ایندالفظی مطلب کیا ہے؟ ایں کافی دالفظی سانچہ کیا ہے؟ او ایہہ ہے کہ ہک امیج ابھاریا گئے، ہک تصویر رگی مورت کڈھی گئی ہے جیہڑی لفظاں اچ ہے اور اوہے ”رتھ“ اور رتھ دے نال، رتھ دے سفر دے نال نسوانی جذبات وابستہ کیے گئے۔ تماکوں معلوم ہے کہ کافی جیہڑی ہے عام طور تے نسائی، نسوانی جذبات بیان کریندی ہے یا ایں آکھنا چاہیدا ہے کہ زندگی دے تمام مطالب نسائی محاورے دے وچ اور نسوانی احساسات دے آئینے دے وچ ہوندن ایہہ ہک کافی دی خصوصیت ہے کہ اوندے اچ اوندہ ”میں“ جیہڑا ہے، ”ا“ جیہڑا ہے اوندہ اسیغہ واحد متکلم جیہڑا ہے او مرد دی جائے عورت ہے۔ گویا زندگی کوں عورت دے نقطہ نظر نال ڈیکھن دی کوشش ہے، گویا زندگی دے تجربے کوں نسائی حوالے نال ڈیکھن دی کوشش ہے تے کیوں ہے ایہہ ہک لمبی بحث ہے۔ ہک کافی داجیہڑا مرکزی امیج ہے، مرکزی تصور ہے او ”رتھ“ ہے اور ”رتھ“ اپنے علاقے دی علامت وی ہے، اپنے علاقے دے سفر دی علامت ہے اور لینڈ سکیپ کوں ظاہر کریندی ہے، اپنے علاقے دے ماحول کوں ظاہر کریندی ہے تے ہک سفر دی علامت ہے اوں ماحول اچ جیہڑے ماحول اچ خواجہ صاحب نے ایہہ کافی لکھی ہے۔ ہک جاہ توں ڈوجھی جاہ سفر کرن دی جیہڑی علامت ہے او ”رتھ“ ہے محفوظ سفر ہے آرام دہ سفر ہے اور او کیا ہو سی۔ ہن ایندے اچ فوری طور تے جیہڑی گالھ ساڈے ذہن اچ آندی ہے او ایہہ ہے کہ او سفر جیہڑا ہے یقیناً زندگی داسفر ہے جیدے واسطے شاعر نے آکھے کہ ایہہ سفر احتیاط نال کرنا چاہیدا ہے۔ زندگی دالایہہ سفر اخلاقی وی ہے تے روحانی وی، یعنی زندگی احتیاط نال بسر کرنی چاہیدی ہے۔ اخلاقی طور تے وی تے روحانی طور تے وی۔ میر تقی میر دا ہک شعر ہے ۔

لے سانس بھی آہستہ کہ نازک ہے بہت کام

آفاق کی اس کارگہ شیشہ گری کا

گویا ایہہ سفر احتیاط نال کرن دی خواہش ہے۔ ہن ایں سفر اچ جیہڑے لوازمات ہن اووی

حقائق کوں گولیدن - حقیقی زندگی کوں گولیدن - مثلاً کہ کیوں ”رتھ بان“ نال مخاطب ہے او خاتون، او عورت، او مرکزی کردار، او محبوبہ یا دو شیرہ یاد ختر سر زمین، او نیگر یا جو کھ دی آکھو او ”رتھ بان“ نال مخاطب ہے۔ ایہہ ساری کافی اوں نے ”رتھ بان“ کوں مخاطب کر کے آکھی ہے او ندا مخاطب جیوں اوں ایڈر لیس کیتے کوئی پیاٹیں او ”رتھ بان“ ہے رتھ چلاؤن والا ہے۔ رتھ بان کون ہے؟ ایہہ وی ہک مسئلہ ہے رتھ بان خود اوندی ذات دا ہک حصہ ہے او ندے شعور دی ہک خاص سطح ہے او ندا سپر کانشینس او ندے شعور دی ترقی یافتہ شکل ہے جیوں اوں رتھ بان سمجھ کے مخاطب کیتے۔
 کچھ بیاں وی ایندیاں معنوی پرتاں ہن، کچھ بیاں وی تھواں ہن۔ خیر! کیوں رتھ دھیمیں دھیمیں ٹورنی چاہیدی ہے؟ ایندے واسطے جواز ہے، انسانی جواز ہے، جذباتی جواز ہے کہ میڈا دستہ جیہڑا ہے میڈیاں چوڑیاں جیہڑیاں ہن او نرم کرور دیاں چوڑیاں ہن۔ کرور خود کالج کوں آہدن تے او نرم قسم دی کالج۔ اے جید میں دستہ پاتا ہویا ہے اور جیدیاں چوڑیاں پاتیاں ہویاں ہن لہذا کوئی جھٹکا سفر دے دوران نہیں تھیوٹا چاہیدا تاکہ میڈیاں چوڑیاں نہ ترٹن۔ چوڑیاں اگرچہ آرائش جمال دی علامت ہے اور عورت آرائش جمال کوں عزیز رکھدی ہے ایندے باوجود چوڑیاں کچھ امھیاں شرائط ہن جیدے تحت انسان کوں اپنا سفر طے کرنا چاہیدا ہے چوڑیاں او اخلاقی شرائط ہن جنہاں دے واسطے احتیاط کرنی چاہیدی ہے کہ ایہہ شرائط نہ ترٹن۔ چنانچہ اور تھ بان نال ایس مخاطب ہے جو رتھ کوں ایس واسطے دھیمیں دھیمیں ٹور جو میڈا نرم کرور دا دستہ ہے۔ تے میڈیاں چوڑیاں ترٹ پوسن۔ زندگی دا سفر اتنی احتیاط نال چلنا چاہیدا ہے کہ او پامدیاں اخلاقی اور روحانی اور انسانی تہذیب اور شائستگی دیاں او پامدیاں جنہاں دے تحت انسانی زندگی گزارنی پوندی ہے او پامدیاں ختم نہ تھی وئجن، گویا ونگاں علامت ہن اخلاقی تصورات دیاں۔ اخلاقی پامدیاں دی، تہذیب اور شائستگی دی اور انسان دے بہتر تصورات دی علامت ہن۔ ونگ ہک پامدی ہے اور ہک علامتی پامدی ہے چوڑی جیہڑی ہے محض ہک - Sym bolic chain ہے علامتی طور تے، کوئی مضبوط زنجیر نہیں۔ کوئی ہتھکڑی نہیں لیکن چوڑی جیہڑی ہے عورت واسطے اوندی عفت اوندی شہرت، عزت، او ندے کردار، اوندی شخصیت دی ہک علامتی محاذ ہے کیونچہ اگر زندگی اچ او کوئی وی ایسا کم کر لسی جیدے نال اوندی چوڑی کوں ضرب پچے تاں اوندی زندگی اچوں احتیاط دا پہلو خارج تھی ویسی چنانچہ چوڑیاں، ونگاں جیہڑیاں ہن، نرم کرور دا دستہ جیہڑا ہے ایہہ او اخلاقی اصول ہن جیہڑے انسان کوں عزت و وقار عطا کریندن۔ تہذیب و شائستگی عطا کریندن ایس Concept دی اگوں تشریح ہے جو:

ر تھ تے بہدی دڑگ نہ سہدی ہم طبع کمزور

یعنی میڈی خواہش تاں ہے ر تھ تے بہوں دی اور میں ر تھ تے بہدی وی آں کیونکہ سفر کرنا مجبوری ہے۔ سفر کرنا پوندے انسان کوں۔ لیکن میں جھٹکا نہیں برداشت کر سگھدی کیونکہ انسانی سیرت چہڑی ہے او کوئی دڑا جھٹکا نہیں برداشت کر سگھدی۔ انسان دا اخلاقی وجود چہڑا ہے او سچ پچھو تاں شیشے دا بنیا ہویا ہے چہڑا ہک جھٹکا دی نہیں برداشت کر سگھدا۔ ہک جھٹکا لگسی تاں اے ترٹ کے کرچی تھی ویسی ایں واسطے :

ہم طبع کمزور

میں عرض کیتے جو زندگی کوں نسائی خوالے نال ڈیکھن دی کوشش کیتی گئی ہے یعنی زندگی کوں عورت دی نظر نال ڈٹھا گئے کہ میڈی طبیعت کمزور ہے I am delicate کہ میں کمزور ہاں، میں نازک ہاں۔ او ہک انسان ہے، اگرچہ کائنات دے سفر دے وچ بہوں طاقتور چیز چہڑی ہے او انسان ہے کیونکہ انسان دا ذہن، انسان دا شعور جتنا طاقتور ہے اتنا ہی نازک ہے ایں نزاکت کوں بیان کرن واسطے خواجہ صاحب کمزور دا لفظ استعمال کیتے : ہم طبع کمزور یعنی طبیعت کمزور ہمیں I am very delicate میں بہوں کمزور آں، بہوں نازک آں لہذا میں ر تھ تے کو دھیمیں دھیمیں ٹور۔ اگر لفظی معنیاں وچ ڈٹھاوئے تاں آہستہ آہستہ وی آکھ سگھدے ہیں، ہولے ہولے وی آکھ سگھدے ہیں لیکن اے چہڑی ”دھ“ اور ”بی“ اور ”م“ اور ”نون غنے“ دی آواز ہے ایندے وچ ر تھ تے دے پھی دی ”روں روں“ چہڑی ”ریں ریں“ ہے او کوں خواجہ صاحب نے شامل کیتے اور اوندے وچ چہڑا ردھم ہے ر تھ تے دے وچ، او کوں لفظ دھیمیں دھیمیں دے اچ بیان کرن دی کوشش کیتی ہے تے بڑی کامیاب کوشش ہے یعنی الفاظ دے ذریعے sound دے ذریعے، آواز دے ذریعے ر تھ تے دے پھی دی ”ریں ریں“ کوں بیان کیتے۔ اساں ہولے ہولے وی آکھ سگھدے ہیں۔ ر تھ تے ہولے ہولے ٹور۔ کوئی وجہ نہیں، خرافی نہیں تھی سگھدی لیکن اوں ایسہ کیوں آکھے ”دھیمیں دھیمیں ٹور“ یعنی ”دھیم“ دے لفظ اچ اور ایویں ہی پورے لفظ اچ پھی دی ریں ریں اور ایندے ردھم کوں ہک میوزک نال بیان کیتے۔ ایسہ وڈے شاعر دی وڈی پہچان ہے کہ لفظ دا استعمال غیر حیران کن طریقے نال کیتے۔

ر تھ تے بہدی دڑگ نہ سہدی ہم طبع کمزور

ہن واردات شروع تھیدی پئی ہے ہن پچھلیاں گالھیں وی یاد آندیاں ہن۔ ہک گالھ اتھاں بیان تھی

گئی ہے معنی داک مر طے طے تھی گیا پہلا اتلاک بول رتھ دھیں دھیں ٹور، ہیاک مصرعہ، ہک شعر :

میڈا دستہ نرم کرور دا متاں و تکیں لجم کلور اور
رتھ تے بہدی دڑگ نہ سہدی ہم طبع کمزور
اتھاں ہک گالھ مکمل تھی گئی ہے ہک سطح تے پہنچ گئی ہے۔ پٹی گالھ ایسہ ہے جو ہن اتھوں واردات دا
میان شروع تھیدے کہ :

روز ازل دی پاتم بگل وچ برہوں تھیدے دی ڈور
ہن شاعر دے دل اچ ایسہ خیالی پیدا تھیدے کہ ایسہ کیا مرحلہ اور کیوں میں سفر کرن تے
مجبور آں۔ آخر ایسہ سفر میکوں کیوں کرنا پئے۔ کیوں میں بہواں رتھ دے اتے، تے کیوں سفر
کراں؟ اوںدا جواب ہے کہ روز ازل توں چہڑے ڈینہہ جدائی دا مرحلہ درپیش تھی گیا ہئی جیں
وقت روحاں تخلیق کیتیاں گیاں ہن تاں او اپنی اصل کنوں جدا تھی گیاں ہن۔ مولانا روم آہن :
بشنواز نے حکایت می کند وز جدائی ہا شکایت می کند

جب سے مجھے بانسری کے، بانس کے جنگل سے کاٹ کے لائے ہو، تب سے میری فریاد سن
کے مرد اور عورتیں فریاد کرتے ہیں، جدائی کا مرحلہ اسی روز اول سے پیش ہو گیا تھا، تمام روحیں اپنی
اصل سے جدا ہو کے ہی وجود میں آئی ہیں۔ ان کا وجود میں آنا دوسری طرفہ عمل ہے وجود میں آنے سے ان
کو یکتائی ملی ہے لیکن اس کے ساتھ ہی یہ اپنی اصل سے جدا ہو گئے ہیں تو جدائی کا احساس جو ہے ان کے
وجود کا حصہ ہے۔ ان کی ساخت کا حصہ ہے۔ انہاں دی ہنت دا حصہ ہے۔ روحاں چہڑیاں خلقیاں گہن
جدائی دے احساس دے ذریعے خلقیاں گہن انہاں دی خلقت دے اچ، انہاں دی ہنت دے اچ جدائی
دا احساس شامل ہے اور اس احساس کو مٹاؤن واسطے انسان مختلف حیلے کرے کرے۔ عشق مجازی
دی اوں احساس کو مٹاؤن داک ذریعہ ہے۔ چنانچہ اوں احساس کو مٹاؤن کیتے ہر بلند، ترقی یافتہ روح
چہڑی ہے مجبور ہے کہ اپنی اصل دی طرف رجوع کرے، پلٹے، لوٹے، پھر کے آوے اور اپنی اصل
کوں گولے اور ایندے وچ داخل تھیوے۔۔۔ وصل چہڑا ہے وصل کامل، ہر روح دا نصب العین ہے
اور اوندی طرف اوولٹا چاہندی ہے اے وجہ میان کیتی ہے خواجہ صاحب نے کہ میں کیوں باہواں،
کیوں اے سفر کراں کیونکہ :

روز ازل دی پاتم بگل وچ برہوں تھیدے دی ڈور

ترے ماہی سرائیکی بہاولپور

میڈے گل وچ روز ازل توں میڈی جدائی نے ڈور پاڈتی ہئی تے میکوں ڈور پا کے جھکی رکھے۔ بڑا ہی جمالیاتی لفظ ہے کہیں چیز دی ملکیت کوں ظاہر کرن (کیتے) کہیں دے گلے دے وچ حلقہ، غلاماں دے گلاں دے وچ ”پٹہ“ پاڈتا ویندا ہئی اور ڈور پاڈتی ویندی ہئی، ہار پاڈتا ویندا ہئی اوندی ملکیت کوں ظاہر کرن دے کیتے۔ ایس واسطے میڈی گردن اچ روز ازل توں میڈی جدائی دی ڈور پاڈتی ہئی ایسہ ہک ڈو طرفہ عمل ہے۔ ڈور ملکیت ہے لیکن جدائی دی ڈور ہے Belonged دی ہے میکوں اپنا ہنگھدا گئے میکوں اے Declear کر ڈتا گئے کہ تہاڈا اے لیکن نال نال جدائی وی عذاب رکھدی ہے تاں ایسہ ہے روز ازل دا معاملہ درپیش

پندھ اڑانگے دلڑی تانگھے جلد پچاویں توڑ

سدھے فاصلے بذات خود مشکل ہن۔ صحر اوں دا عبور کرن وی مشکل ہے لیکن جیڑھلے پندھ جیڑھا ہے او Simple Distance نہ ہووے بلکہ پیچیدہ راستے ہوون، اونچ نیچ ہووے، پیچیدگی ہووے، اوکھائی ہووے، راہ دیاں اوکھائیاں ہوون، دریا ہوون، پہاڑ ہوون ایس کیفیت کوں ظاہر کرن واسطے خواجہ صاحب نے ”اڑانگے“ دا لفظ استعمال کیتے۔ ”پندھ اڑانگے“ یعنی ایس لفظ دے وچ وی ایس رستے دی پیچیدگی ظاہر تھیدی پئی ہے کہ فاصلہ صرف فاصلہ ہی نہیں بلکہ راہ دی پیچیدگی، اوکھائیاں وی ہن کہ پندھ اڑانگے ہن مگر دلڑی کوں تانگھ ہے۔ اے وی Fact ہے کہ دل دی طلب جیڑھی ہے بڑی زبردست ہے I know میں جانتا ہوں کہ فاصلہ طویل ہے سفر مشکل ہے لیکن دل دی طلب وی شدید ہے۔

پندھ اڑانگے دلڑی تانگھے جلد پچاویں توڑ

ہن اچانک پٹی علامت آندی ہے

میں تے یار فرید منیسوں رل مل شہر بھنھور

یار دے بعد کاماں (،) ہے فرید دے بعد کاماں (،) ہے۔ میں تے یار فرید منیسوں رل مل شہر بھنھور۔ فرید کوں صرف خطاب کیتا گئے۔ بطور شاعر، بطور تخلص استعمال کیتا گئے۔ یار فرید مخاطب نہیں میں اور میرادوست رلے، فرید میں تے میڈا دوست اساں رل مل تے شہر بھنھور منیسوں۔ انگریزی اچ اساں آکھ سگھدے ہیں we would enjoy اساں لطف اندوز تھیسوں۔ شہر بھنھور رل مل کے اساں ایندے اچ اباد ونج تھیسوں۔ اوندے اچ رہوٹا اساں enjoy کریسوں اینکوں۔ شاعر نے فوری طور تے آخر اچ اپنے آپ کوں سہیٹاڈتے۔ اور ہن میں گزارش کریاں کہ ایس مصرعے توں

آخری سفر تئیں ساری کافی کون پلٹ ڈیوں، پر تاڈیوں۔ کیونجو صاحب نے ساری کافی چھڑی ہے او کسی دے حوالے نال میان کیتی ہے ہیر دا تذکرہ ضمنی ہے مثال تے تشریح دے طور تے۔ ورنہ انہاں دے دل دی چھڑی کیفیت ہے میان کرن دی چھڑی علامت ہے او کسی ہے اور کسی کیا پئی ڈہدی ہے بہر حال ایہہ ہن ساری چھڑی ہے انگریزی دی ہک گالھ ہے ”fantacy“ ”خواب و خیال دی دنیا“ کسی ایس وقت ایس مرحلے اچ خواب و خیال دی دنیا اچ ہے۔

ماہرین نفسیات آہن کہ جس وقت کوئی خواہش پوری نہ تھیوے اور خواہش وی شدید ہووے تاں ایکوں دل اچوں کڈھن مشکل تھی ویندے۔ اوندی تکمیل نہیں تھی سگھدی اور اوکوں دل اچوں وی نہیں کڈھیا ونج سگھیدا۔ کیا کیتا ونجے کیونکہ قدرت انسان کوں باقی رکھنا چاہندی ہے اوندے واسطے کئی رستے کڈھنے پوسن۔ چنانچہ او خواہشاں چھڑیاں پوریاں نہیں تھی سگھدیاں مگر او خواہشاں انتیاں شدید ہن کہ انسان انہاں کوں باہروی نہیں کڈھ سگھدے کیوں جو انہاں کوں کافی حسرت نال دل وچ وسایا گئے۔ حسرت او آرزو ہے چھڑی دلوں وی نہیں نکدی تے پوری وی نہیں تھیدی۔ انسان اپنیاں شدید خواہشاں کوں پورے نہ تھیون والے خواہشیاں نال کیا ورتا کریندے ماہر نفسیات آہن کہ اوکوں اسان خواب و خیال دی سطح تے پورا کرن دی کوشش کریندے ہیں۔ کسی دی شدید خواہش ہے شہر بھنھورو بنج دی او پوری نہیں تھی۔ ایس خواہش کوں پورا کرن واسطے اوں نے خواب و خیال دی دنیا آباد کیتی ہے ایس دنیا اچ گھوڑے available ہن ایس دنیا اچ رتھ بان ہن اوندے اچ سفر کرن والے ہن رستہ اگرچہ او کھا ہے پر پہنچنا وی ضروری ہے دل دی طلب شدید ہے۔ ہک دنیا آباد ہے اور ایہہ دنیا ہے صحرا دے وچ۔ شہر دا کوئی تصور کینہی اتھاں، ایہہ سارا لینڈ سکیپ Desert دا ہے اور اے ذہن کسی دا ہے کسی دے ذہن دے ذریعے اے ساری گفتگو کیتی ویندی پئی ہے اور کسی جاگدی اکھ نال خواب پئی ڈہدی ہے کہ او ”رتھ“ تے باہندی پئی ہے اور رتھ تے پہرے کے او سفر طے پئی کریندی ہے چھڑا کڈا ہیں اوں نے حقیقی زندگی وچ پیدل کیتا ہئی تے پیراں تے چھالیاں نال کیتا ہئی۔ ایس واسطے اوندی خواہش ہے کہ کاش اے سفر رتھ تے کرے اور رتھ چھڑے ویلے تھک پوے تاں ول اوکوں available sources اچھے ہوون کہ اوکوں گھوڑا ملے۔ او گھوڑے تے پہرے کے سفر کرے اور ایہہ گھوڑا جہڑا ہے دراصل او پرواز ہے او dimention ہے ساڈی روح دا جہڑا عام زندگی توں ہٹ کر اپن روحانی بلندی دی گالھ کریندے اور ایہہ ہے اوندی نفسیاتی تانا بانا اور جہڑا ہن اسان ایہہ ثابت کیتا ہئی کہ ایہہ کسی دی زبان اچ آکھیا گئے اور ایہہ وی

ترے ماہی سرائیکی بہاولپور

ثابت تھی گئے کہ ایسہ عشق مجازی نہیں بلکہ عشق حقیقی ہے۔ ہن ایندیاں کچھ تہواں ہن، پرتاں ہن او
میں عرض کر ڈتن، روحانی پہلو عرض کر ڈتن تے مجموعی طور تے سسی دی زبان اچ آکھیا گئے۔ اصل
گالھ ہے جو ایسہ سسی دی بذات خود سسی نہیں بلکہ ہک صوفی ہے، سالک ہے، خدا دے نال محبت کرن
والا انسان ہے چیدی ساری واردات ہے جدائی دی۔ روز ازل دی جدائی دی اور اوں نے صحرائے
وجود کوں عبور کر شہر بھنھور پہنچنے، شہر وصال۔ لہذا اوندی آخری معنوی سطح چیمہ دی ہے او-**mys**
tical ہے، صوفیانہ ہے، عارفانہ ہے اور سلوک دے مراحل ظاہر کریندی ہے، ایسہ سلوک دا او
مرحلہ ہے چیمہ اچ سالک اوں مرحلے دے مقام تے ہے چیمہ اوصال دی آخری سطح دی ضمانت
ڈیون تے کھڑے تھیاتے اتھاں شہر بھنھور دا تصور موجود ہے اور دشت وجود دی اوندے سامنے ہے
اور اوں نے عبور کرنے اور اپنے محبوب تیں پہنچنے۔

(پروفیسر ڈاکٹر اسلم انصاری ہوریں اے لیکچر شعبہ سرائیکی، اسلامیہ یونیورسٹی بہاولپور دی
دعوت تے ایم اے سرائیکی دے شاگردیں کوں ۲۰ جنوری ۱۹۹۳ء کوں ڈٹا ہئی جینکوں ایم اے
سرائیکی دی ہک شاگردیانی صادقہ سلطانہ کیسٹ کنیں **Transcribe** کہتے)

حکومت پنجاب کنوں کالہیں تے لائبریریئیں کیتے منظور تھیاں ہوئیاں کتاباں

۱	لغات فریدی	۴۰/=	۱۰	فردوس ٹھگالی	۵۰/=
۲	سرائیکی اردو ڈکشنری	۲۵/=	۱۱	خولباں وچ خیال	۲۰/=
۳	سرائیکی اردو بول چال	۳۰/=	۱۲	بیج پھلاں دی بیج ڈکھاں دی	۲۰/=
۴	سرائیکی قواعد تے زباندانی	۴۵/=	۱۳	رستم تے سہراب	۱۵/=
۵	سرائیکی اور اس کی نثر	۵۰/=	۱۴	ککالیاں	۱۵/=
۶	سرائیکی زبان تے ادب	۵۰/=	۱۵	توبہ زاری	۳۰/=
۷	سرائیکی شاعری دے اوزان تے قوافی	۲۰/=	۱۶	کوڑا خواب	۱۵/=
۸	سرائیکی سہل	۱۵/=	۱۷	سوہنے دا خلق	۳۰/=
۹	سرائیکی مطالعے دے موسم	۵۰/=	۱۸	خیابان خرم	۴۰/=

ملن دا پتہ :- جھوک سرائیکی • سرائیکی ادبی مجلس بہاولپور

ملن دا پتہ :- جھوک سرائیکی ● سرائیکی ادبی مجلس بہاولپور

کلام فرید اچ ردیفان دا ورتارا

شعر اپنے سوہٹ دلی جذبیاں دی ترجمانی۔ لفظیں دی ترتیب دی وجہ توں پانی وانگر ٹھلدا ہویا ہال اچ لہ ویندے۔ تے پوری دنیا دا ادب سب توں ڈھیر مقدار اچ شاعری دے حوالے نال محفوظ ہے۔ تاریخ طبری موجب جڈاں ہامیل قایل دے ہتھوں ماریا گیا تاں بشر اول حضرت آدم ایں ڈکھ اچ کچھ شعر آکھئے جنہاں دا مطلب کچھ ایں اے ”میں مکانی ہاں اپنے پتر ہامیل تے جیہڑا جو ماریا گیا تے بھوئیں اچ ونج پچیا، وسیب دے بھے رنگ بدل گئے۔“ [۱]

ہن وی جییں ویلے کوئی مونجھا ہووے یا بہوں خوش تاں اوہیت ایں گاسی بقول مرزا صاحب :

آنکہ اول شعر گفت آدم صفی اللہ بود

طبع موزوں حجت فرزند ی آدم بود

علم عروض دامنڈھ تاں خلیل بن احمد بصری (مرن - ۷۵ھ) پدھا پر شاعری کہیں ناں کہیں صورت ہر دور اچ موجود رہی تے ایندیاں فنی تکنیکی لوڑاں اچ وادھا تھیدا رہیا۔ کوئی وی ہولی ہووے قافیہ شاعری دی ہمیشاں لوڑ رہی اے پر ”ردیف ایرانیاں دی ایجاد اے“ [۲]۔ ”ردیف اوں لفظ یا لفظاں دا ناں ہے جیہڑے قافیہ توں بعد اچ آندن تے ہر شعر اچ واولاد ہر اے ویندن“ [۳] فارسی، ترکی عروض اچ ردیف مصرعے دا او جزا اے جیہڑے ہاں بیت بنا ہے۔ عربی شاعر ردیف بہوں گھٹ ورتیندے ہن ردیف نال پدھج تے خیالاں دا ہنچھی چنگی اڈاری نہیں مار سگدا۔ شیت ایہہ وجہ ہے جو ساڈے صوفی شاعر مردف شاعری دی بجائے مقفی کلام کوں ترجیح ڈیندن۔ جیکر کھائیں ردیفان استعمال تھن تاں بہوں بھیاں بھیاں ہن لمبیاں تے وڈیاں ردیفان نہیں ملدیاں۔ عجمی استاد تاں چوتھائی شاعری سوہٹی ردیف دے چٹن تے ورتن کوں سمجھدن۔

حضرت فرید الدین گنج شکر، شاہ حسین تے شاہ عبداللطیف بھٹائی دا ڈھیر کلام بغیر ردیف دے ہے تے ابیات باہو اچ وی ”ہو“ ردیف اے۔ ایں گالھ امماڑ دے سو جھلے اچ جے اساں دیوان فرید کوں ڈیکھوں تاں ساکوں ۲۷۲ کافیاں اچوں ۱۶۲ کافیاں ردیفوں بغیر نظر آندن گویا ۶۰ فیصد کلام مقفی اے۔ دیوان دامنڈھ پاند ڈوہیں کافیاں اچ ردیف کینی۔

ترے ماہی سرائیکی بہاولپور

- ☆ انج سانو لڑے مکلايا سر بار ڈکھاں دا چایا (۱)
☆ یار کراڑا حال دے سانوں مار نہ طعنے (۲۷۲)

خواجہ غلام فرید جنہاں کافیاں انج قرآنی آیات یا عربی حوالے ڈیندن اووی زیادہ تر عربی مزاج وانگر ہن۔

- ☆ لیس کٹم شے سب شے اس نوں چاٹ (۱۳۹)
☆ ہے لا یدرکہ، الابصار بے حد مطلق، مطلق بے حد (۳۰)

جیہڑی جیہڑی جاہ تے سبھدی تے برج بھاشا ڈھیر استعمال تھئی اے اتھاں او جھے لسانی تے علاقائی رنگ ملدن۔

- ☆ بچ لوئی کین اوتاریند لیس تنہا خمل بھاہ میں پاریند لیس (۶۳)
☆ تم جھڑت موہے چین نہ آوے پاپ مٹاؤ انگن سہا کے (۲۶۱)
خواجہ فرید ہوراں سب توں زیادہ ”ہے / دا ہے / دی ہے“ ردیفوں ورتن۔ اے گنتی وچ
دیہ (۲۰) ہن انہاں اچوں ڈاہ (کافی نمبر ۱۶۰، ۱۶۳، ۱۸۵، ۱۸۸، ۱۹۰، ۱۹۳، ۱۹۵، ۲۱۰، ۲۵۵،
۲۶۶) انج وچھوڑے دی کیفیات دا بھر پور اظہار ہے۔

- ☆ انج پھلوں بیج سڑیندی ہے تتی تول سڑی چک پیندی ہے (۱۶۰)
اٹھ کافیاں ۱۶۱، ۱۶۲، ۱۶۳، ۱۶۸، ۲۱۸، ۲۳۴، ۲۴۵، ۲۵۴ ”آس پنی تے یاس
سدھائی“ دیاں علمبردار ہن۔ اے آون والے ملاپ دے گیت تے خوشیاں دے جذبیاں دا مترنم
لفظی پیکر ہن۔ شاعر دے طریقہ موڈ کوں ظاہر کریندن۔

- ☆ انج رنگ رخ تے ولیا ہے متاں ماہی ماٹھوں گھلیا ہے (۱۶۲)
☆ سوٹ شگون سہندا ہے متاں سانول اساں دل آندا ہے (۲۳۴)
ایں ردیف دیاں ڈوکافیاں وعظ نصیحت تے توحید دے سوجھلے نال منور ہن۔
☆ سب سر اسرار قدم دا ہے اتھ دخل نہ محض عدم دا ہے (۲۲۵)
☆ ہک ہے ہک ہے ہک دی دم دم سک ہے (۲۶۸)
”وے“ کلمہ ندا سیہ ہے جیہڑا کہیں کوں اپنے پاسے توجہ یا کم کار انج مدد ڈیواون کیتے پو لیا ویندے۔
سرائیکی کلچر انج اے ڈاڈھی گھاٹی یاری تے بے تکلفی دا سمبل وی ہے ترسمتیں زیادہ پو لیدن۔ ۱۲
کافیاں (۱۵۸، ۱۶۵، ۱۶۶، ۱۶۷، ۱۷۲، ۲۰۳، ۲۲۲، ۲۲۹، ۲۳۳، ۲۳۸، ۲۳۹، ۲۶۳)

☆ روہی وٹھری ٹوہا تار وے آمل تو سینگا یار وے (۲۲۲)

☆ شہ رانجھا ابیلا ہیں دلیں دا ٹھپ وے (۲۳۹)

”وے میاں“ حث مباحثہ یا کہیں وے موقف دی نفی کیتے دلائل ڈیندے ویلے ورتیا ویندے۔
”میاں جی“ ساڈے وسیب دا اٹھھا کردار ہے جیہڑا ہر دور اچ احترام دے نال نال سماج دے خلاف سخت الاونٹ پاروں نکتہ چینی تے تکرار دا شکار تھیندے۔

☆ نینہ لایم کارنٹ سکھ وے میاں پئے پلڑے ڈوڑے ڈکھ وے میاں (۱۳۵)

☆ ٹھپ رکھ فقہ اصول دے مسئلے باب برہوں دا ڈس وے میاں جی (۱۷۰)

کافی نمبر ۳۳، ۳۴ اچ ”وے یار“ دیاں ردیفیں پڑھن کوں ملدن سرائیکی دے محقق جاوید چانڈیو لکھدن ”چونتر یہویں کافی وچ تاں ایویں لگدے جیویں ڈو Garnd Masters وچ مکالمہ تھیندا پیا ہووے۔ کوئی رمز دیاں گالھیں دی آپت وچ ڈے گھن تھیندی پئی ہووے۔ ایں سارے مکالمے دی جس چاؤن کیتے ضروری اے جو ہمدہ سیفل نامے تے دیوان فرید دے روحانی پندھ وچوں لنگھیا ہووے۔ چونتر یہویں کافی وچ کتھائیں لطف علی داناں تاں کوئی لکھیا کھڑا۔ کتھائیں اوندے حق وچ یا اوندے خلاف کوئی بیان وی کوئی نہی۔ پر اے ساری کافی لطف علی نال مکالمے تے سیفل دی داستان کوں پدھر اکریندی ہے۔ ”وے یار“ دا سبڈ میکوں ایویں لگے جیویں خواجہ فرید لطف علی کوں محرم راز بٹایا ہووے۔ اٹھھا محرم راز جیڑا فرید دی کیفیت کوں صحیح طراحوں سمجھ سکھدے“ [۵]

☆ پردیس ڈھوں دیدال اڑیاں وے یار ساڈیاں وطن کنوں دلیں سڑیاں وے یار (۳۴)

”وو“ وی حرف ندا ہے پر ایندے اچ ڈکھ تے غمی دا عنصر ڈھیر ہوندے۔ اے ڈو جھ دی بے مہری تے بے مروتی دا احساس بڈیا کراہیں اپنے دل دی گالھ مناوٹ دا حیلہ وی ہے تے ہاں دابار ہولا کرن دا وسیلہ وی۔ چھی کافیاں (۴۱، ۴۲، ۴۵، ۴۶، ۴۹، ۵۵) ”وویار“ تے ۱۴۹ کافی صرف ”وو“ دی ردیف اچ ملدن

☆ توں باجھ تھئے سنج ویڑھے دو یار ول دس وو سچن آنیڑے وویار (۴۱)

☆ کر یار اساں ول آوٹ دی اچ سچ کنوں اکھ پھر کے وو (۱۴۹)

”ڑی“ اڑی دا مخفف رے دی مؤنٹ تے نکڑی صورت ہے حرف ندا، متوجہ کرن آلا کلمہ ہے۔ اپنی سینگے تے بہوں close سہلی کوں گجھسی گالھ ڈس کیتے بولیا ویندے۔

☆ روہی وٹھری ٹوبھاتار وے آل تو سینگا یار وے (۲۲۲)

☆ شہ رانجھا البیلا ہیں دلیں دا ٹھک وے (۲۳۹)

”وے میاں“ حٹ مباحثہ یا کہیں دے موقف دی نفی کیتے دلائل ڈیندے ویلے ورتیا ویندے۔
”میاں جی“ ساڈے وسیب دا انتخا کردار ہے جیہڑا ہر دور راج احترام دے نال نال سماج دے خلاف سخت الاونٹ پاروں نکتہ چینی تے تکرار دا شکار تھیندے۔

☆ نینہ لایم کارٹ سکھ وے میاں پئے پلڑے ڈوڑے ڈکھ وے میاں (۱۳۵)

☆ ٹھپ رکھ فقہ اصول دے مسئلے باب برہوں دا ڈس وے میاں جی (۱۷۰)

کافی نمبر ۳۳، ۳۴ اچ ”وے یار“ دیاں ردیفیاں پڑھن کوں ملدن سرائیکی دے محقق جاوید چانڈیو لکھدن ”چونتریہویں کافی وچ تاں ایویں لگدے جیویں ڈو Garnd Masters وچ مکالمہ تھیدا پیا ہووے۔ کوئی رمز دیاں گالھیں دی آپت وچ ڈے گھن تھیدی پئی ہووے۔ ایں سارے مکالمے دی چس چاؤن کیتے ضروری اے جو بندہ سیفل نامے تے دیوان فرید دے روحانی پندھ وچوں لنگھیا ہووے۔ چونتریہویں کافی وچ کتھائیں لطف علی داناں تاں کوئی لکھیا کھڑا۔ کتھائیں اوندے حق وچ یا اوندے خلاف کوئی بیان وی کوئی نہی۔ پر اے ساری کافی لطف علی نال مکالمے تے سیفل دی داستان کوں پدھرا کریندی ہے۔ ”وے یار“ دا سبڈ میکیوں ایویں لگے جیویں خواجہ فرید لطف علی کوں محرم راز بٹایا ہووے۔ اچھا محرم راز جیہڑا فرید دی کیفیت کوں صحیح طراحویں سمجھ سکھدے“ [۵]

☆ پردیس ڈھوں دیدال اڑیاں وے یار ساڈیاں وطن کنوں دلیں سڑیاں وے یار (۳۴)
”وو“ وی حرف ندا ہے پر ایندے اچ ڈکھ تے غمی دا عنصر ڈھیر ہوندے۔ اے ڈو جھے دی بے مہری تے بے مروتی دا احساس بڈیا کر اہیں اپنے دل دی گالھ مناؤن دا حیلہ وی ہے تے ہاں دابار ہولا کرن دا وسیلہ وی۔ چھی کافیاں (۴۱، ۴۲، ۴۳، ۴۴، ۴۵، ۴۶، ۴۷، ۴۸، ۴۹، ۵۰) ”وو یار“ تے ۱۴۹ کافی صرف ”وو“ دی ردیف اچ ملدن

☆ توں باجھ تھئے سنج ویڑھے وویار ول وس وو سجن آنیڑے وویار (۴۱)

☆ کر یار اساں ول آؤن دی اچ سنج کنوں اکھ پھر کے وو (۱۴۹)

”ڑی“ اڑی دا مخفف رے دی مؤنث تے نکڑی صورت ہے حرف ندا، متوجہ کرن آلا کلمہ ہے۔ اپنی سیگی تے بہوں close سہلی کوں گجھسی گالھ ڈس کیتے بولیا ویندے۔

ترے ماہی سرائیکی بہاولپور

- ☆ آپے بار محبت چایم ڈی ونج آپ کوں آپ اڑایم ڈی (۱۵۱)
- ☆ سوہٹاخن اقرب ڈسدا ڈی ساڈے نال نہ ہس رس وسدا ڈی (۲۳۵)
- ☆ ہکے دید فرید خرید تھیا بن ڈھولن گھر ور تاوم ڈی (۲۶۷)
- ☆ پرم نگر ہے دیس تمہارا پھرتے کہاں اداسی رے (۲۴۸)

انہاں کافیاں ایچ مایوسی دا اثر ضرور ملدے، پر ناامیدی دی کوئی گالھ نہیں لکھدی کیونجو انہاں واسطے دلی ڈھائی کوہ تے تھل ماروہک پلہانگ ہے۔ کافی نمبر ۳۸، ۴۲، ۵۸، ۱۵۲، ۲۲۷ دی یار نال گالھ مہارتے اپنیاں اندرونی کیفیات دا بیان ہن۔ ”نیں“ مؤنٹ کلمہ ندا ہے، نی وے دا مطلب وی ڈیندے۔ کچھ علامتیں ایچ وٹن چھوہر (اری لڑکی) بولیا ویندے کچھ جاہ تے ”ہو وٹن“ مصدر توں نکلن والے لفظ ہمیں (تیرے لیے ہی) دا مفہوم وی ملدے۔ [۶]

- ☆ تتی نینہ دے پندھ اڑانگے نیں ڈکھے ڈوگر اوکھے لانگھے نیں (۹۸)
 - ☆ تول تلیدی تیج سڑیدی جلدی تھئی پر بھات نیں (۹۹)
 - ☆ ڈکھے عشق دے ڈکھڑے گھائے نیں سر پھڑا ترٹوے گائے نیں (۱۰۸)
 - ☆ پاروں ڈسدی جھوک سجن دی کیوں رہساں اروار نیں (۱۴۵)
- حضرت خواجہ سیں ایں کیفیت کوں چاندن۔ دل دے اندر جیڑھے آرے چلدے پین اوندی چراٹ کوں وی سچاندن انہاں دی فراقیہ شاعری ہک طرح دی خود کلامی ہے تاہم فن شاعری دے لحاظ نال اے منہ مہاکڑیاں ادب عالیہ وچ اتنا اچا مقام رکھیندین جو انہاں دی مثال بہوں گھٹ مل سگھدی اے۔ [۷]

جے اسال کلام فرید دا گویڈ کروں تاں مجموعی تاثر ایہو ملدے جو او اپنے محبوب و سب، سنگتی ساتھی سبھے نال الا کر اہیں ڈکھ درد کوں share کریندن تے روحانی، نفسیاتی داروں سمجھیندن ”وے، وو، یار، ڈی، رے، نیں، نی وے“ ردیف آلیاں ۳۱ کافیاں ہن۔

”سائیں“ جنوبی پنجاب تے سندھ ایچ بھرت بولیا ویندے۔ خواجہ سائیں نے چھ کافیاں (۱۰۲، ۱۰۴، ۱۱۶، ۱۴۲، ۱۴۳، ۱۴۴) ایں ردیف ایچ لکھیں۔ جیڑھیاں شاعر دی انکساری، لجاجت، التجا تے حاکم محبوب دی فوقیت کوں ظاہر کریندین

ہن دل بد لایم سُر سائیں بگیار دوں جیڑا جھر سائیں (۱۴۲)

کہیں واقعے یا گالھ تے حیرانگی تھیدی اے تے اچن چپہتی منہ وچوں ”عجب“ نکلدے۔ ہک

لمبی کافی نمبر ۲۳ پرہ باکھ توں دیگر ڈینہہ لہوٹ توٹیں، قطرات توں بحر، لہر، نہر تیکر تقریباً ۱۶۶ چیزاں تے کلمہ تعجب دا اظہار ہے۔ سبحان اللہ، بھلو تعریفی کلمات ہن۔ اپنے آپ منہ وچوں نکل ویندن ڈوکافیاں ایس ردیف اچ ہن :

ہے عشق دا جلوہ ہر ہر جا سبحان اللہ سبحان اللہ (۱۵۵)

نینہ نبھایا سخت پڑا ہے بار اجل بھاری بھلو (۱۵۱)

کیس چیز دی بہوں تاکید کرنی ہووے تاں اوں گالھ کوں بار بار دہرایا ویندے۔ شاعری ایچ اینکوں ٹیپ دامصرعہ آکھیا ویندے۔ کافی نمبر ۴ ”تاں وی کیا تھی پیا“، کافی نمبر ۹۴ ”ہذا جنون العاشقین“ ایس زمرے وچ آندن۔

”تے“ پر، لیکن، کر، ہیا (اور) دے معنی اچ استعمال تھیدے۔ پنج کافیاں (۱۹۶، ۱۹۷، ۱۹۸، ۲۰۲، ۲۰۳) ”تے“ اتے ہک کافی ۳۵ ”کر“ دی ردیف اچ ہے۔ دا، دے، دی، دے ساگ، کو، کے حروف اضافت تے علامت مفعول دی صورت اچ پندرہ کافیں (۶، ۱۵، ۶۶، ۶۷، ۱۵۰، ۱۷۱، ۱۸۶، ۲۳۶، ۲۴۱، ۲۴۳، ۲۴۷، ۲۵۶، ۲۶۰، ۲۶۱) وچ اے ردیفاں نظر دن۔ ڈوڈوکافیاں ”وچ“ (۲۷، ۲۸) ”ہن“ (۸۶، ۸۷) ”پہوں“ (۱۰۵، ۱۰۹) ”کنون“ (۹۲، ۱۴۱)۔۔۔۔۔ ترائے کافیاں ”میں“ (۱۱۸، ۱۲۰، ۱۲۹)۔۔۔۔۔ ہک ہک کافی ”آیا“ (۳) ”پیا“ (۱۰) ”وسریا“ (۱۳) ”ہم“ (۸۱) ”ڈٹھم“ (۸۴) ”ہوں“ (۸۸) ”کہوں“ (۹۱) ”نوں“ (۱۱۹) ”اساہاں“ (۱۲۵) ”وی توں“ (۱۳۲) ”تھی“ (۱۶۹) ”اساڈے“ (۱۷۷) دیاں ردیفاں اچ ملدن۔

کلام فرید اچ ۱۱۰ ردیفان و اخلاصہ ایں ہے۔

۳۱	۱	وے یار ، دو یار ، وے ، وو، وے میاں جی، وے میاں، وے فی، ڑی، رے، نیں
۵	۲	ہے یار، یار، گیوں سوہٹا یار، یار منہ منہ جو، ڈھولا ماہی
۶	۳	ساکیں
۲۰	۴	ہے، دا ہے، دی ہے۔
۶	۵	تے، کر

۶	دا، دی، دے، دے ساگ، کو، کے، نوں
۷	اساہاں، اساڈے، میں
۸	ہم، ہن، ہو، تھی، ہوں
۹	وچ، بہوں، کنوں
۱۰	سبحان اللہ، عجب، بھلو
۱۱	آیا، پیا، وسریا، ڈٹھم، ہوں، کھوں

انہاں ردیفاں اچ جتھاں مقامی ثقافت، سمل، زبان دا رچیا کچیا ہووٹ، روزمرہ دی چاشنی، تکیہ کلام دی چس ملدی ہے اوندے نال نال شعری آہنگ، سوہٹ دے نرے تصور ساکوں جمود دی بجائے دھمال تے حرکت آ لے پائے و نچن کیتے مجبور کر بڈیندن۔ واقعی حضرت خواجہ درست فرمائے جو دیوان دی ترتیب احادیث تے اسماء الرجال توں اخذ کیتی گئی ہے۔ ایندی خوبی اے ہے جو کروڑاں کافیاں وی لکھیاں و نچن تاں وی تندرینہ کھٹھسی۔ جیڑھے ویلے ردیف ”ی“ آسی تاں ول ”الف“ دامنڈھ پدھج ویسی۔

حوالہ جات

- ۱۔ نجم الغنی، بحر الفصاحت، لکھنؤ، ۱۹۲۶ء، ص ۳۵
- ۲۔ ابوالاعجاز حفیظ صدیقی، کشاف تنقیدی اصطلاحات، اسلام آباد، ۱۹۸۵ء، ص ۸۷
- ۳۔ نواز شہانوی، شاعری دے گر، بکھر، ۱۹۸۷ء، ص ۳۸۴
- ۴۔ جاوید چانڈیو (مرتب)، دیوان فرید، بہاولپور، ۱۹۹۸ء، ص ۷۵ تے ۲۵۷
- ۵۔ جاوید چانڈیو، چونتریسویں کافی (مقالہ مشمولہ تحقیقی مجلہ ”سویل“ شعبہ سرائیکی، اسلامیہ یونیورسٹی)، بہاولپور، دسمبر ۱۹۹۵ء، ص ۲۵
- ۶۔ ڈاکٹر مر عبدالحق، لغات فریدی، بہاولپور، ۱۹۸۴ء، ص ۹۵
- ۷۔ ڈاکٹر مر عبدالحق، خواجہ فرید سائیں دے کلام وچ ترسمتاویں روپ (مقالہ مشمولہ سہ ماہی ”پاکستانی ادبیات“ اکادمی ادبیات پاکستان)، اسلام آباد، ستمبر ۱۹۹۴ء، ص ۳۶-۳۵
- ۸۔ پکتان واحد بخش سیال (مترجم)، مقایس المجالس، لاہور، ۱۹۷۹ء، ص ۳۲۴



خواجہ فرید دی شاعری اچ مثنوی سیف الملوک دا اولڑاں

اجو کے ترقی دے دور اچ جیڑھے کم کار اساں آ کتین او ساڈے پیو ڈاڈے تے وڈ
وڈیریاں دے بٹیل جڑیل تے ٹھہل پکے ایریاں تے پدھل ہن۔ انج اساں جیہو جتی وی ترقی کر
گیوں ایہ سموری ترقی ساڈیاں وڈکیاں دی بچ دھڑک دا کھٹیا وٹیا ہے۔ اسمائیں کول گل لیدیاں
ماڑیاں، وٹکونکی دیاں مشیاں تے بجے علم تے فن دیاں ایجاداں انہاں سھنائیں شہیں دا کچھ نہ
کچھ کم تے بن بٹیاں ساڈے وڈکیاں دی پدھل اے چچھوں ہن آساں اپنی عقل تے سوچ سمجھ نال
بیا سوٹھنا کیتے، سنگاریے پنگاریے۔ اینکوں ایویں جانو جو اجو کی ترقی یافتہ دنیا ساڈے وڈ وڈیریاں
دے کیتے پورھے دا کھٹیا ہے۔ گزریل وقتاں دے ہک پدھڑے ایرانی چٹ دی ولدی من کول
لگدی اے (جئیں اپنے بڈھے وچ نواں ون لیدے ہوئے بادشاہ کول ڈتی ہئی) بادشاہ دے
پچھن تے اوں آکھیا ہا:

”جیڑھے ون آساڈے پیو ڈاڈے رہائے ہن انہاں دا پھل اساں کھادے تے جیڑھے ون ہن
اساں زبسون انہاں دا پھل امڈ نسلان کھاسن“

علم تے فن دیاں اجوکیاں ترقیاں اساڈے وڈ وڈیریاں دے لائے وٹاں دا مٹھا میوہ ہن۔ جنہاں
دے طفیلوں اساں اپنے وڈیریاں دے تھورائیت سے۔ کچھ سیانے سوڈھے اپنی بٹیل تے جڑیل
شیں کول بالکل اپنی ہٹ تے جڑت سمجھدن تے ایں ہٹ تے جڑت دے منڈھلے سیو جھلے تے
سوچ سمجھ دی سدھی یا پٹھی شارت یا ان معلوماں اولڑاں جیڑھا انہاں دے وڈے کم دا منڈھ
بٹے اونکوں نن دانناں ای نہیں گھدے۔ ایہا انہاں دی بھل اے تے ماڑی گالھ اے۔
عرب شریف دے ہک وڈے نال آلے شاعر ابو العلاء المعری دے نال آہدن جو اونکوں اپنے علم
تے ادب تے وڈا مان ہا۔ ہک ڈیہاڑے اوں کنوں ہک نویں نویل چھو کرے پچھیا کیوں چاچا سیں
ایہ شعر تہاڈا ہے

وانی وان کُنتُ الا خیر زمانہ - ولات بمالم تستبطیعہ اورائل
(تو نے جو میں دنیا دے مہاندرے لوکاں دے بعد جمیا جایاں پر جیڑھے کم میں آن کتین میں توں
ترے ماہی سرانیکسی بہاولپور

اچھے آوڻ آڻي ٿي ڪر سگهي)

ابو العلا ولدی ڌڻي ”ها“ - چھوڪري آھيا چاچا سمن اچي وڌيڪي ٿاڻ جي دے
اھڙي حرف بنا ٺھيا ٻڌن - بھلا ٿاڻ انھن وچ وادھا گھڻا ڪر سگھدو - نيڪر دي ايسهه ڳالھ سن
ابو العلا به شرم تھي ٻيا - ايس ڳالھ اچ ڪوئي شڪ ٿي جو اچو ڪي دور اچ وڌيڪي ٿاڻ تھن تي
ايسهه علمي ادبي تي فني ترقي اچ اچي ڪما ڪوڻ پني حيد اگزي ريل وقتاڻ اچ ٿاڻ تھن اي ڪيني
پر ول دي اسان ايس ڳالھ ڪوڻ نه بھلوڻ جو اسان ڏي اے ٻاڻ ساڻياڻ اے ڪامياڻياڻ ساڻي
وڌيڪياڻ دياڻ ڪيتياڻ ڪرتياڻ تي بدھل ھن - اچ ساڻي ڪي ٿاڻ سوڏھي جيڙھي ايس ڳالھ ڪوڻ
نيس ميندے اوي ٿاڻ اپياڻ ان ڪھڻ ڪامياڻياڻ اچ اچي مست ھن جو منڏھ ڪوڻ اي وسر ويندن
يا انھن ڪوڻ ڪھي برادر دي نيس چاندے - ايسا بھل پرانے وقتيں دے ڪھي دانشوري ڪوڻ دي
هتي - اچو ڪي دور دے ڏھير سارے پچاڏھي ڪھوجياڻ تي ساڻياڻ ٿاڻ ايس ڳالھ ڪوڻ پلي چا
پدھي پر ايسهه ڳالھ ھي ڏاڏھي ماڙي - اخلاق تي مذھب جنھاڻ لوڪاڻ دا منڏھ پاند اے او اچي
ڪما ڪاراڻ تي ڪارنامياڻ اچ وڌيڪي ٿاڻ دے ڪھي ڪوڻ ميندن :

نام نيكو رفتگاں ضائع مکن

تا نماند نام نيحت برقرار

دے اصول موجب انھاڻ ڳالھي ڪوڻ منڻ اپڻي وڌاڻي سمجھدن - ٻين ڳالھ ڪوڻ اڳوڻ تي
ٿريندے ھوئے اسان ڏوڻ اچي ساڻياڻ داڌر ڪريندوڻ جيڙھي جو سرائيڪي زبان تي ادب دے
بھي ٿي چنڊر ھن - ٻي ٿاڻ سرائيڪي شاعري دي من بھاندي صنف ڪافي ڪوڻ ايس چاڻي جو
آسمان تي وڻج ڪھڙائس ول جھوڻ اوڻ سو جھلا پاتے اوڻڪوڻ دلوڻ مٿيس - ٻين پاروڻ الله عزت
اي ڏوڙي ڪيتي اے ڪي نموز دي ٺڪيے - پھلي ساڻي داڻاڻ ٿاڻ ھي مرحيت لطف علي بھاولپوري
الله دي بھڪ ھووس تي انھاڻ دے ڪلام اچوڻ فيض پاوڻ آڻي ڏوڃھي بزرگ ھن حضرت
خواجھ غلام فرید چاچڙاني - خواجھ سمن دا ديوان جيڙھاڻو ٻي ان ملي شئي ھي ايوڻ سمجھو جو
مولوي لطف علي سمن دي مثنوي دا اوڻاڻ ھي جيڙھوڻ خواجھ سمن آمان ڪيتے -

”بعد ازاں حضور خواجھ بقاھ الله تعالیٰ بقائے فرمودند کہ در ابتدا ايس سودا
طالبان راھ را مانند ڪلام سيفل ڪھ تصنيف لطف علي شاعر است ديگر
ھيچ ڪلام پسر ذوق نظر نسي آيد پس در ابتدا ڪھ حال يڪ يڪ جزو از سيفل در دو دو

گہنٹہ یاد می کردم “ (مقابیس السجالتس قلسی جلد چہارم صفحہ ۲۷۵)
 انہاں ڈوہاں بزرگیں دے ادھ سو سالیں دی و تھی ہے کیوں جو لطف علی سیں ۱۱۲۹ھ انج چائن
 تے خواجہ سیں ۱۲۶۱ھ دے جموڑ ہن چس آلی گالھ ایہہ ہے جو سخن پیالے انج انج ہووٹ دے
 باوجود ڈو نہائیں داکلام ہک بے دیاں بھانداں ڈیندے تے رالدے ملدے۔ حضرت خواجہ سیں
 اپنے رنگ انج اوہو کھ آکھے جیڑھا کھ سیف الملوک انج ہے تے جیڑھا کھ خواجہ سیں دے کلام
 انج ہے اوندیاں بھانداں مثنوی ڈیندی اے۔ جے مثنوی تے دیوان کوں رلاتے پڑھوں تاں
 مولانا روم دے آکھن موجب :

ہست قران در زبان پہلوی

پر گالھ اے ہے جو قرآن شریف انج تے مثنوی انج بولیاں دافرق تاں ہے۔ انہاں انج
 تاں ایہہ گالھ وی کینی۔ خود خواجہ سیں داکلام ”خیر الکلام ماتل و دل“ داسوہٹا نمونہ ہے۔
 خواجہ سیں جیڑھی صنف کوں دھٹے تے اگیتے ٹوریے اوندے انج گنجائش ای ابیں اختصار دی ہے
 پر مولانا اپنی دل بھاندی بحر انج جیڑھے منظر داوی فوٹو چھیکے، نقشہ لیکھے تے بھیاں بھیاں گالھیں
 کوں کوں اپنے رنگ انج رنگ ڈکھائے تے لکھ سنوئے گزریل ویلے وقاں دے شاعراں انج
 اٹھی چس نی لھدی۔ تے جے امڈ و قتاں انج کیں ایہو جتی بان ماریاوی سسی تاں او کوئی شاعر
 نہ ہو سے کوئی جادوگر ہو سے۔ تلے کھ اٹھیاں مثالاں لکھدوں جنہاں انج لفظاں دی، معنیاں
 دی تے فن دی رلت نظر دی اے۔ کیوں جو خواجہ فرید سیں خود فرمائے سیفل نامے دے بعد
 شاعری بس اے۔ ہیں گالھوں خواجہ سیں نیگرپ انج مثنوی کو زبانی یاد کیتا ہا۔ ایہا وجہ ہے جو
 خواجہ سیں دے کلام انج مثنوی دا اولڑاں پوندے۔ شاعری دے آپوائے دگ تے ٹرن پاروں
 توئے جو ڈو نہیں سیانے اپنی اپنی چاہ تے اپنی صنف دے سو جھل سجھ ہن پر کیوں جو خواجہ سیں
 سیفل نامے آلا دگ پکڑیے ہیں پاروں سیفل نامہ سچے سرائیکی ادب دا سجھ ہے تاں دیوان فرید
 چندر ہے۔ جے دیوان فرید اپنی چاہ تے سجھ ہے تاں دل سیفل نامہ چندر ہے۔ جیڑھی چس
 رس تے ڈکھ درد لطف علی دے کلام انج ہے اوں چس رس کوں ڈکھ درد کوں خواجہ سیں اپنے
 کلام انج رلائے۔ خواجہ سیں دیاں ساریاں کافیاں انج ایندا اولڑاں صاف پوندے۔ وکی دے
 طور تے ڈوہیں سیانیاں داکلام آپ چا پڑھو جیڑھا چس رس انج تے ڈکھ درد انج ہک ڈوجھے دا
 اولڑاں ہے مثنوی سیفل ملوک دی ہک بحر :

ترے ماہی سرائیکی بہاولپور

ڈے پیغام صبا کوں سیفل پہہ رووے غم کھاوے
 تانگہ جھنڈ دی غالب دل وچ، پل پل سانگ چوبھاوے
 تھی لاچار بیمار بدن، شہ شوقوں قدم اٹھاوے
 باجھوں غار، پہاڑ، پتھر دے، اتھ کھ نظر نہ آوے
 جاں ہک گھیر وگھیر کنوں شاہ، نکھتا مار غوطاوے
 سیفل صاف صفہ ہک ڈٹھا روہ اتوں وچ راوے
 عالی شان جوان جڈاں جولان سیتی او تھ آوے
 طاق ڈٹھوس درناک صفے دا عبرت بہوں اٹھاوے
 درماندے دروازے تے کھڑ کیتے سخت پلاوے
 صاف صفے توں ولدا ہرگز مول آواز نہ آوے
 کر کاوڑ در مارے کوں کھڑ مارے مرد کلاوے
 طاق ڈٹھا چوطاق زمیں تے ڈیکھ زمیں ددھکاوے

خواجہ فرید سیں دی ہک کافی :

تتی رو رو واٹ نہاراں	کڈیں سانول موڑ مہاراں
جیں کارن سو سختی جھاگی	پھراں ڈوہاگی دیس بیراگی
جیدیں ڈیکھاں سانول ساگی	تھیواں باغ بہاراں
یار بروچل ڈسم سوڑا	جیدے سانگے مانیم تھلوا
خان پتلوا نہ کر کلہڑا	توں سنگ چانگے چاراں
جیں ڈینہہ یار اساں توں نکھڑیے	میندھی روپ ڈکھائے بکھڑے
ڈسدے سرخی دے رنگ پھکڑے	وگھریاں کجل دیاں دھاراں
من من منتاں پیر مناواں	ملاں بگول تعویذ لکھاواں
سڈ سڈ جوشی پھالاں پانواں	کردی سنون ہزاراں
خواجے پیر دے ڈیاں چھنے	جے او ڈینہہ اتھائیں بھنے

جیدیں سبھ دل دیاں منے دسم سدا گھر پاراں
 اتے تاں پڑھیے جو کتنی سادگی تے چس رس اے۔ ڈوہائیں سیٹیاں دے شعراں اچ ڈکھ درد
 سانجھا کھڑے متحد اللفظ تے مختلف المعنی لفظیں دا ورتارا ڈوہاں بزرگاں دے کلام اچ موجود
 ہے۔ تجنیس لفظی دا التزام ڈوہیں بزرگیں کوں ہو سنواں بھانے۔ بحر سیفل ملوک :

دوڑ چلیا فرزند فرخ ڈو شہ جلد ا کر جلدی
 رتی رہیں نہ ہلدی ، سوزوں بابل دی دل ہلدی
 ہلدی چاتس رخسارے وی درد کنوں دل ہلدی
 تھیا غمناک شہنشاہ بے حد ، ڈیکھ طرح سیفل دی
 پچھ پچھ حال بے حال تھیا ، کچھ گال نہ آکھ ولدی
 ڈٹھی نبض طپیاں آ کر ناڑی نور نول دی
 تھیس مزاج مریض منڈھوں او تھ جانیں درمل دی
 تھے حیران امیر سپاہی ، ڈیکھ شکل سیفل دی
 کافی خواجہ سہیں :

سنج بر رلدی دل دل بھلدی ڈسم نہ چانگے چارے
 جلدی گلدی ہتھڑے ملدی چھڈ گئے ہوت پیارے
 ڈکھدی جھدی ماری لکھ دی تھی لگڑا درد انگارے
 منگاں دعائیں سنجہ سبھائیں آ مل یار ہک وارے
 سٹ بے واہی تھی گیا راہی دلڑی پارے پارے
 جھمدی جھوکاں سہدی ٹوکاں کنیں پووم تنوارے
 یار پتل دی سک پلن پل دی روز ازل دی کارے
 اتے لکھیل مثالاں دے الفاظ سنگریے پھریے ، ٹے ، جڑے ہو سنویں تے مختلف المعانی ہن تجنیس
 خطی دیاں مثالاں ڈو نہاں وچ ہو سنویاں ہن۔ حضرت خواجہ سہیں نے سیفل ملوک وچ ورتے
 ڈھیر سارے قافیے اپنیاں کافیاں اچ ورتن۔ نمونہ ڈیکھو ، سیف الملوک :

مرغ ملیح محبت پرور جاں پروازیں پوندے

ترے ماہی سرائیکی بہاولپور

ڈیکھ ملک پرواز تہاں دی، طائر قدسی بگوندے
 چھوڑ وطن ہک روندے بھڑے، درد کنوں کر لوندے
 گڈ اوندے، گڈ کھوندے ڈونہیں گڈ دھوندے
 سب کنوں سراندیپ وچالے، ڈینہہ ڈانویں جھب اوندے
 ہر ہر گل تے بھوندے بھورے، ہر گل کوں بھوندے
 لطف علی کئی شاد تھئے کئی اجن توں غم کھوندے

خواجہ سکس دی کافی :

کاں کو کو کر کر لوند اے	کوئی قاصد یار دا اوند اے
رت ساوٹ دی ڈینہہ ملہاری	باد شمالی کٹن من جاری
ہوئی لائی کھپ پھلاری	کرڑ کنڈا سب بھوندا اے
آئی آس تے یاس سدھائی	جھڑ بادل آ جھڑ مڑ لائی
اجڑیاں جھوکاں خنکی چائی	غم ڈر ڈر لک پوند اے
مینہ برسات خوشی دے ویلے	چھیڑن چھیڑو چھاگ سویلے
آپے دلبر کیتے میلے	جیں بن جی تڑ پھوندا اے
ہے ریحان اے تھل دے ڈاہر	کل گل ڈسدے احمر اصفر
ڈکھ کشالے گزریے یکسر	سکھ رگ رگ وچ دھوندا اے
ڈکھ ڈوہاگ دا وقت وہایا	بھاگ ساگ دا ویلا آیا
یار فرید انگن پوں پایا	ہار سنگھار سوندا اے

سیف الملوک :

آیا دیو کلانسر چڑھ کے بدھ بحر دیاں دھڑیاں
 اوجاں، موجاں، فوجاں اوندیاں تھی برابر کھڑیاں
 چنگل پا سنگل گھت ول چٹ پٹ چوکیاں اڑیاں
 دیویں دہشت ناک ڈٹھیاں پر شور اکھیں او پریاں
 ایں طرفوں طوفان صفت دھرک پیل کرن شہ پریاں
 دہشت کھا نہ مڑیاں ہرگز پریاں ڈاڈھیاں لڑیاں

اوجوں وانگیں مینہ پودن جس طور چھٹیاں پھلجھڑیاں

خواجہ سبکی دی کافی :

پردیس ڈھوں دیداں اڑیاں وے یار ساڈیاں وطن کنوں دلیں سڑیاں وے یار
خبر نہیں انہاں کملیاں لوکاں تیغاں تیز برہوں دیاں نوکاں

درد منداں سر کھڑیاں وے یار

جے تیں موت کریم ٹالا ڈیکھاں نال اکھیں دے شالا

شہر ارم شہ پریاں وے یار

ڈیکھ کے چالیں یار سجن دیاں ناز خراماں من موہن دیاں

ککال روہیں وڑیاں وے یار

میں جہیاں تیڈیاں سوٹھ سہیلیاں ناز البیلیاں رانج بگہلیاں

تھیاں دیوانیاں چریاں وے یار

خواجہ سبکی دی اے کافی سیف الملوک دے لفظاں نال تے معنیاں نال رلدی اے۔
سیفل ملوک :

سوز ستوہ اندیشہ بہتا کیتس برہ حوالے

جگر فراق الم غم بے حد ہور ہزار کشالے

بر بے آب پُر آب اکھیں ڈکھ ڈیون ڈونگر کالے

کر گرڑاٹ گورن پکھ دوروں ڈیون سے ڈکھالے

سیفل سے دل کھاوے رودھے روہ پتھر پڑتالے

تھیں کھریاں تھیں پک پرزے چھلکن چھلکن چھالے

خواجہ سبکی دی کافی :

روہ روہی راوے رلدی
کپڑی تھک بہندی کپڑی جلدی
نت قدم قدم تے بھلدی
ہن سانول یار وہر کر

روہی راوے روہی رولیس
ڈینہہ ڈکھاں دا ڈونگر ڈسدا
نس بگیا کرہوں قطار
رات غماں دی غار

ترے ماہی سرائیکی بہاولپور

ہو سنوئیں لفظاں تے معنیاں دی ایہہ ڈو جھی مثال اے :
سیف الملوک

واہ بیننی وچ ہینسر سوہندی بول دیں برمائے
وصف لکھیں دی کون لکھے ول والہ فہم ونجائے
کٹمالہ کچھ کرے نہ ٹالہ حکمی برہوں مچھائے
پھلوالے ڈے جھالے جھولن حلقہ ہاں ملائے
ہر والے دی نوک جگر وچ چانپ کلی پھپکائے
ہار سوہس نو لکھا گل وچ نو لکھ جنہاں لکھائے
نک دی نتھ بلن وچ لکھوں آن پتنگ پھہائے

خواجہ سمن دی کافی

گوڑھیاں اکھیں سدا متوالیاں رت پیون کاں اباہلیاں
کرن نہ ٹالے موہن مالے ہینسر بول اتے کٹمالے

کیا پھلوالے کیا والیاں

ایہہ ہو سنوئیں لفظاں تے معنیاں دی تر جھی مثال اے : سیف الملوک

بر بے پر آب اکھیں ڈکھ ڈیون ڈونگر کالے
سیفل سے ول کھاوے رووھے روہ پتھر پڑتالے
تھیں کھریاں تھیں پپ پرزے چھلکن مٹھلکن چھالے
چھالے ٹرن نہ ڈیندے پڈدے پیریں قاتل گکرے
دلبر دے دیدار بناں دلدادہ پلک نہ جترے

سیف الملوک دے بعد خواجہ سمن دا کلام ڈیکھو :

چاک مہیدا آ وڑ وڑھے

کھیرے بھیڑے رکھن بھیرے

کپڑے لیر کتیر وو گیا ہار سنگھار مساپ کجل

نازک ناز نگاہ بچن دے عشوے غمزے من موہن دے

لگڑے کاری تیر وو سے سینے پل پل چھدے پھل

ڈیکھ کے چالیں یار سچن دیاں ناز خراماں من موہن دیاں
 کہاں روہی وڑیاں دے یار
 میں جیہاں میڈیاں سو سٹھ سہیلیاں ناز البلیاں رانج بگہیلیاں
 تھیاں دیوانیاں چریاں دے یار

دیوان فرید خواجہ سہیں دے ہوندنیں چھپے تے دل ول چھپے ہر واری ایندی سانجھ
 سنبھال تھیدی رہ گئی اے۔ سرائیکی زبان دے خاص اکھریں (جیڑھے ہوں ویلے تیں نہ جڑے
 ہن) دیاں خاص کمیاں خامیاں ایں زبان تے ادب دے شوقین تے خواجہ سہیں دے محبتی خواجہ
 سہیں دے کلام کوں حفظ کرتے سنبھیدے رہ گن۔ پر مثنوی سیف الملوک کوں حالی تیں ایہہ
 مقام نی ملیا۔ زبان تے ادب دے گناں پاروں توں جو منڈھ لا اچ ای ایندی ہل ہل پئے ہگی
 ہئی تے پنجاب دے پھپھڑاں اینکوں ولا ولا چھاپیا۔ پر کیوں جو پنجابی سرائیکی زبان نہ جانڈے
 ہن ایں سانگوں انہاں کم کوں دہلی رکھیا۔ جید نتیجہ اے نکھتا جو مصرعے نال مصرعہ نہ رلدا ہا
 اے وجہ ہے جو سرائیکی زبان دیاں اے ڈوسو کھڑیاں لفظی تے معنوی اعتبار نال ہک بے نال
 بہوں رلدیاں ہن۔ ہک دے غلط چھپن پاروں انہاں ڈوہاں کوں آپت اچ نی رلایا گیا۔ انہاں
 ڈوہائیں سوکھڑیاں کوں ایں طرح رلاوٹ چائن سچائن تے سسجھن ہک دی ودھکی تے بے دی
 گھٹکی مطلب نی (کیوں جو انہیں وچوں ہر ہک باکمال، شاعری دے انج انج اصناف اچ لکھتے تے
 ہر ہک اپنی اپنی جاہ تے ہک جدا ناں تے مقام پیدا کیتے) پر میڈے آکھن دا مطلب اے ہے جو سو
 سالیں دی وٹھی ہووٹ دے بعد وی ڈوہائیں اچ بہوں نفاست تے سوہنپ نال ہک بے دا اولڑاں
 پوندے۔ سعدی سچ آکھئے :

نام نیکو رفتگان ضائع کن تا بماند نام نیحت برقرار

(اے مضمون بشیر احمد ظامی بہاولپوری مرحوم دے سرائیکی زبان بارے چھپیل اردو
 مضمونیں دے مجموعے ”چھرکے“ وچوں گدھا گئے جیڑھا انہاں خود اگست
 ۱۹۶۶ء وچ چھپوایا ہئی)

دیوانِ فرید

میکوں یاد پوندائے جو پہلے پہل میں دیوانِ فرید داکم معتبر نسخہ پشاور یونیورسٹی دی لاہریری وچ ڈٹھاہئی۔ ایہ شاید ۵۳ء یا ۵۴ء دی گالھ ہے ایہ نسخہ مولوی عزیز الرحمن صاحب دا مرتب تھیا ہویا ہائی۔ جیدے سرائیکی متن دے نال نال اشعار دا اردو ترجمہ تے حاشیے اچ سرائیکی دے مشکل الفاظ دی تشریح وی ڈٹی گئی ہائی۔ اس نسخہ دی تقطیع، ضخامت تے جلد بندی بالکل اینویں ہائی جینویں جو امتیاز علی عرشی مرحوم دے مرتب تھئے ہوئے نسخہ دیوانِ غالب دی۔

پشاور والے نسخے تے خان عبدالقیوم خان وزیر اعلیٰ صوبہ سرحد دے دستخط تے مہر ہائی۔ اس نسخہ دی زیارت دے بعد دیوانِ فرید تاں بہوں واری چھپائے۔ بھلا مولوی عزیز الرحمن دے مرتبہ نسخہ دی زیارت نہیں تھئی تے ناں اوکھوں دستیاب تھئے۔ الحمد للہ کہ خواجہ غلام فرید سیں دے دیوان دا نسخہ مرتبہ عزیز الرحمن اچ میڈے سامنے ہے۔ جیوں سرائیکی ادبی مجلس بہاولپور شائع کیتے تے جاوید چانڈیو نے اس نسخہ کوں بہوں محنت تے کاوش نال، مختلف نسخیاں دے تقابلی مطالعے تے وڈی ریسرچ دے بعد شائع کیتا اے۔

سرائیکی ادبی مجلس دے اس نسخہ دا متن تاں اوہو ہے جیہڑا مولوی عزیز الرحمن صاحب دا ہائی۔ بھلا تقابلی مطالعے دے بعد متن اچ جتھاں جتھاں اختلاف پاتے ویندن یا کتاہت اتے املا دے غلطیاں ہن انہاں دا انج ذکر کیتا گئے۔

زیر تبصرہ دیوانِ ترانے حصیاں تے مشتمل ہے دراصل اے ترانے حصے نہیں ترانے کتاباں ہن۔ پہلے حصے اچ دیوانِ فرید۔ مطابق متن مولوی عزیز الرحمن شائع کیتا گئے تے دیوان دا بھرپور تحقیقی جائزہ گھدا گئے۔ ایہ حصہ تقریباً ڈھائی سو صفحات تے مشتمل ہے۔ اس حصے اچ مرتب نے بہوں محنت کیتی اے۔ تے پنجاہ صفحات دا طویل مقدمہ لکھیا۔ جیدے اچ دیوانِ فرید دی زبان تے مختلف لسانی اثرات دا جائزہ گھدا گئے۔

خواجہ غلام فرید دی وفات ۱۹۰۱ء اچ تھئی۔ انہاں دی وفات دے قریب ترین جہڑا دیوان چھپائے او اسرارِ فریدی معروف بہ دیوانِ فریدی دے نال نال شائع تھیا۔ چنانچہ کتاب دے ڈوجھے حصے وچ اس قدیم ترین نسخہ کوں سامنے رکھ کے دیوانِ فرید مرتبہ مولوی عزیز الرحمن دا

تقابلی مطالعہ کیا گئے اس تقابلی مطالعے دے اختلاف کوں سمجھن کیتے جدید علمی طریقے تے چارٹس مرتب کیتے گئے۔ ایہ حصہ نوے صفحات تے مشتمل ہے۔

کتاب دے ترچھے حصے اچ سرانیکسی زبان دے مشہور محقق ڈاکٹر مہر عبدالحق مرحوم دی مرتبہ لغات فریدی شائع کیتی گئی اے۔ بھلا جاوید چانڈیو صاحب اس لغت کوں وڈی تحقیقی نظر نال لغات فریدی تے سرانیکسی لغات نویسی دا بھرپور جائزہ گھن کے شائع کیتا اے۔ الغرض دیوان فرید محض ہک کتاب نہیں۔ ایہ تھری ان ون یعنی ترائے کتاباں دی ہک کتاب ہے۔ جیکوں بہوں کاوش تے محنت نال مرتب کیتا گئے۔ اے کتاب جاوید چانڈیو انچارج شعبہ سرانیکسی اسلامیہ یونیورسٹی بہاولپور دا ایجنٹ کارنامہ ہے جنہیں تے عموماً یونیورسٹیاں پی ایچ ڈی دی ڈگری ڈیندے راہندن۔

ترائے کتاباں دی ہک کتاب دے شاید ڈوائڈیشن چھاپے گئے۔ ہک اعلیٰ کاغذ والا جین دی قیمت = / ۳۰۰ روپے تے عام کاغذ والا جین دی قیمت = / ۲۰۰ روپے۔ آپوں جان انہاں ایہ قیمت گھٹ رکھی اے تاں جو کتاب ہر ہک تائیں پہنچ سکے۔ ایندے اچ کوئی شک نہیں۔ کتاب اپنی محنت دے پوروں اس کوں ودھ قیمت دی مستحق ہے۔ سرانیکسی وسیب دے پڑھن والے بہوں گھٹ ہن۔ بھلا جو خواجہ صاحب دی محبت دے اسیر انہاں دیاں کافیاں دے عاشق بہوں زیادہ ہن۔ ایندے تقاضا اے کہ انہاں دے دیوان دا موجودہ نسخہ ضروری توضیحات نال سستاتے سوہنا چھاپا ونجے۔ تاں جو سرانیکسی وسیب دے نال نال جتھاں جتھاں وی خواجہ صاحب دے عاشق راہندن انہاں گوشیاں تک پہنچ سکے۔

خواجہ سمن دے کلام کوں سرانیکسی وسیب اچ اوہو حیثیت تے اہمیت حاصل ہے جہڑے دیوان رحمن بابا کوں پشتون علاقے اچ، وارث شاہ کوں پنجاب اچ، میاں محمد کوں پوٹھہارا اچ تے شاہ لہیف کوں سندھ اچ۔ کیوں جو انہاں صوفیائے کرام داسر چشمہ ذات الہی دا عشق ہے۔

خواجہ فرید دی شاعری کوں بہوں محنت تے کاوش نال جدید انداز اچ مرتب کر کے شائع کرن دی اس پہلی کوشش کیتے اس کتاب دے مرتب جناب جاوید چانڈیو تے ایندے ناشر سرانیکسی ادبی مجلس بہاولپور مبارکباد دے مستحق ہن۔ اے کتاب سرانیکسی ادب تے خواجہ فرید دی شاعری دے شائقین کیتے ہک نایاب تحفہ ہے جیکوں ہر لاہری وچ موجود ہونا چاہیدا اے۔

(پروفیسر محمد نذیر دریشک دے دیوان فرید اتے فتوحات فریدیہ تے اے تبصرے ریڈیو پاکستان دیرہ اسماعیل خان دے سرائیکی پروگرامیں وچ نشر تھئے)

ترے ماہی سرائیکی بہاولپور

فتوحات فریدیہ

پاکستان دیکھو! باذوق شخص ہے جس میں سرائیکی زبان دے صوفی شاعر خواجہ غلام فرید سائیں ہو ریں داناں نہیں سنیا۔ انہاں دیاں کافیاں دلاں دے تار اینویں ہلاڈیندن جو لوں لوں وچ سے سے سؤالاں پھندن تے اکھیں چوں رت دے ہنجوں تر مٹن لگ پوندن۔ ایہہ صاحب درد شاعر کتنی قد آور تے ہنس پھٹت شخصیت داماں لک ہے۔ ایں دی اج تائیں پوری سنجان پسی دنیا تاں چھوڑو خود سرائیکی ویب دے صاحب علم لوکاں کوں وی کافی نہیں۔ سرائیکی ادبی مجلس بہاولپور ساڈے شکر یہ تے مبارکباد دی مستحق ہے جس میں خواجہ سیں دی شخصیت تے انہاں دے کلام و پیام دی اشاعت دا آغاز کیتے۔ ایں سلسلے دی پہلی کتاب سرائیکی مجلس دے مرتبہ ”دیوان فرید“ اتے ایں ریڈیو توں تعارف تے تبصرہ نشر کیتا گئے۔ انج دی مجلس وچ اسال خواجہ غلام فرید سیں ہو ریں دے فارسی رسالہ ”فوائد فریدیہ“ دا تعارف کرویندے ہیں جید اسرائیکی ترجمہ ”فتوحات فریدیہ“ دے نال نال میر حسان الحیدری چانڈیو نے کیتا اے تے سرائیکی ادبی مجلس بہاولپور نے اینکوں سوہنا چھاپ کے شائع کیتا اے۔

تصوف دی کہیں فارسی کتاب دا ترجمہ اردو جہیں وسیع تے ترقی یافتہ زبان وچ کرن وی بہوں اوکھا کم ہا۔ بھلا سرائیکی وچ تاں بہوں اوکھا لگدا اے بھلا مترجم موصوف نے جیہڑے ڈوہاں زباناں تے کامل عبور رکھن دے علاوہ تصوف دے رمز ال دا پورا پورا دُرک رکھیدن ایں ترجمہ وچ اپنی کمال مہارت دا ثبوت ڈتے۔ میں تاں ایں رسالے دی تقریظ دی فارسی اتے ترجمہ دی سرائیکی دا تقابلی مطالعہ کر کے حیران تھیاں۔ کہ مترجم نے کیڈی جان کھپا کے ایں پتھر کوں پانی کر ڈتا اے۔ ذرا تسال وی سنو۔۔

فارسی آہدی اے :

”منت و سپاس خداوندے را کہ ذرہ خاک را از قدرتِ کاملہ خود اور اک عطا نمود و خاک نشینانِ نشیبِ ارضی را بر ذرۂ افلاک مختار نمود۔“

ہن سرائیکی ترجمہ دا حسن ڈیکھو :

”شکراتے تھور اوں مالک سیں دا جس میں مٹی دے ذرے کوں اپنی باکمال قدرت نال جان سنجان اتے لہ گھن دی سگھ ڈتی ہے اتے مختیار بنالیں۔“

ایہہ تاں تقریظ نگار اللہ بخش اعوان ہو ریں دی فارسی تقریظ دے سرائیکی ترجمہ دا تھولا جیہاں نمونہ ہے خواجہ صاحب دے اصل رسالے دے ترجمہ دے اوکھاں دا تسال اندازہ لاسگھدے ہو۔ ترجمہ دے ایں تھولے جہیں ذکر دے بعد میں خواجہ سیں دے اصل رسالے دا تعارف وی مترجم میر حسان الحیدری صاحب دے مقدمے کنوں

کروینداں :

”فوائد فریدیہ“ خواجہ غلام فرید سہیل ہو ریں داتصوف دے موضوع تے ہک مختصر رسالہ ہے۔ لیکن اپنے موضوعات دے تنوع دے اعتبار نال ہک جہان معنی دا اپنے اندر رکھیدے۔ اے رسالہ خواجہ صاحب نے اپنے زمانہ طالب علمی وچ لکھاتے شریعت تے تصوف تے مختلف اہم تصانیف دا مطالعہ کرن دے بعد انہیں دا عطر اپنی ایں تصنیف اچ جمع کر ڈتا۔ ایہہ کتاب ۱۲۸۴ھ مطابق ۱۸۶۷ء پایہ تکمیل کوں پہنچ گئی ہائی۔ بھلا اپنی تصنیف دے اٹھادیسہ ورہیں (۱۸۹۵ء) دے بعد شائع تھئی۔ تصنیف دے لحاظ نال ”فوائد فریدیہ“ کوں حضرت خواجہ علیہ الرحمۃ دے سارے تصانیف کو لوں اولیت دا درجہ حاصل ہے۔

خواجہ صاحب کوں اپنی اے مختصر مگر جامع تصنیف بہوں پسند ہائی تے اپنے حلقہ اثر اچ ایندے مطالعے دی تلقین فرمیںدے ہوندے ہن۔ صاحب مترجم اپنے تحقیقی مقدمے وچ فرمیںدن :

”کتاب داموضوع صرف تصوف اتے مسائل تصوف نہیں بلکہ ایہہ مختصر کتاب مختلف قسم دے مذہبی، فقہی، روحانی، تاریخی، نظریاتی، قرآنی، فلسفیانہ، مابعد الطبعیاتی، علمی، ادبی اتے متصوفانہ مسائل، نکات، فتاویٰ تے معلومات دا انسائیکلو پیڈیا ہے۔ ایں مختصر کتاب اچ تہا کوں فتوحات مکیہ، فصوص الحکم، الانسان الکامل، کتاب التعارف، کتاب اللمع، رسالہ کشمیریہ، عوارف المعارف، احیاء العلوم، کیمیائے سعادت، کشف المحجوب، مثنوی مولانا روم اتے جنہاں اہمات اکتاب دا خلاصہ تے حسین امتزاج ملسی۔ اینویں لگدا اے جو حضرت خواجہ صاحب نے انہاں کتاباں دا مطالعہ کرن دے بعد مختصر، مدلل تے جامع نوٹس تیار کیتے ہن جنہاں کوں انہاں نے ”فوائد فریدیہ“ داناں ڈتا۔ انہاں رنگارنگ موضوعات دے کچھ عنوانات اے ہن۔ وحدت الوجود، حقیقت رسالت، تخلیق کائنات، مختلف جہان، عالم بالادے حقائق، اربع عناصر، ملائک، جنات، شیاطین تے حقائق۔ ایں قسم دے ۲۰/۲۲ عنوانات مترجم گٹوائن فوائد فریدیہ دا آخری تے سب توں طویل باب وحدت الوجود تے ہے جیمہ خواجہ صاحب ہو ریں داپسندیدہ موضوع ہا۔

فوائد فریدیہ تے اوندے سرائیکی ترجمہ داناں ”فتوحات فریدیہ“ وی ایں پاروں رکھیا گیا جو حضرت محی الدین ابن عربی رحمۃ اللہ علیہ دی معرکہ الآراء تصنیف ”فتوحات مکیہ“ نال اینکوں نسبت خاص ہے۔

خواجہ صاحب دایہہ رسالہ انہاں دے کمالات علمی دا ہک شمع ہے۔ ورنہ بقول میر حسان الحیدری مترجم موصوف ”خواجہ علیہ الرحمۃ اپنے دور دے سارے مروجہ علوم و فنون دے فاضل تے یکتائے روزگار ہن۔“

دل آہدا اے جو اصل کتاب داسرائیکی اقتباس پیش کراں بھلا گالھ بہوں لمبی تھی ویسی سنن والے باذوق حضرات خود ایں کتاب دا مطالعہ کرن تے ایندے علمی معلومات تے ادبی لطائف کنوں محفوظ تے مستفید تھیں۔

ترے ماہی سرائیکی بہاولپور

خواجہ غلام فرید
علامہ طالوت مرحوم

ڈو آتشہ

حضرت خواجہ غلام فرید علیہ الرحمة دی کافی تے علامہ عبدالرشید نسیم
المعروف طالوت ملتانی طبع آزمائی فرمائی هئی جیڑھی پھوں مقبول عام تھئی اے
کافی صنعت ”ذواللسانین“ وچ هے حضرت خواجہ دی کافی دا مطلع اے هے :-

”برھوں باری پرو چل دے بیابان دشت رلوائے“

چناں گشتم ضعیف از غم کہ اکنوں نیست یارائے
برھوں دا بار هے باری اتے زخم ہجر کاری
چوں کردی ہک نظر بر من ربودی جان و دل از تن
منم پیر خراباتی ، منم رند خرافاتی
جے تیکوں یار دی هے سک ، تاں ڈیکھ اوکوں جو هے ہک
تید بے عاشق تھئے بے خود رہی اپنی نہ کچھ سدھ بدھ
بہار آئی هے مستانہ ، مگر ساقی تاں اے جاناں
نمی دارد بے خانہ ، نہ سرخ آب و نہ مینائے
غماں سولاں دے وچ بگل بگل تھئے برباد سرمائے
فتادہ اف ز ناچاری دریں ویرانہ تر جائے
تید پیاں اکھیاں مٹھا موہن جہاں سارے کوں برمائے
مگر پاواں جتھاں جھاتی دھپاں وی تھی و نجن سائے
مگر شرط است اے سالک کہ داری چشم بینائے
تو اے ساقی چشمن خود ، بیا بین این تماشاں
نمی دارد بے خانہ ، نہ سرخ آب و نہ مینائے
نسیم آساں شدہ مشکل بیا این جا مشوبے دل
پتل گھر وچ گیو سے مل تھئے دلدار ہمسائے

عاشق بزدار

جوہگی

ساہ دی سولی جھوٹے جشہ
سینے سک دی سانگ
لوں لوں سنجری شوق دی خوشبو
پیت پتل دے وانگ
پیلے پھورے ویس پرین دے
متھے تلک سیندور
دل وچ رمزدی خنجری وچے
رگ رگ تار تنبور
پاہر تن کوں واچھڑ چھمبھے
اندر بلدی چے
چیتے شام دی مرلی وچے
من وچ رادھانچے
اکھیں وسے رت ساون دی
تھوڑیں ہاڑداسیک
چولے چنگ لگی کوئی اینجھھی
دامن وچ سوچھیک
پیریں روزی دی ہے جھانجر
ہتھیں خالی کا سے

نہ دولت نہ زردے طالب
اساں ساہ دے پیاسے
سارے جگ دے سنگتی اساں
ساڈا کوئی نہ ہیلی
نہ کوئی حال ونڈاؤ ساڈا
نہ کوئی سنگ سہیلی
نہ کوئی آسن نہ کوئی چھڑی
اچڑیاں جھوک جگیراں
نہ کوئی آس وسیلہ ساڈا
حالت حال فقیراں
جاہ جاہ نازنقیاں پھوکوں
گھر گھر دے وچ خوشیاں ونڈوں
عمرادے ڈکھ درد رمنگوں
اساں کلے نت پردیسی
خوابیں دے ونجارے
خوابیں دے وچ جھوکاں آون
وسدیاں رسدیاں جھوکاں
اساں پیر فرید دے جوہگی
کل دی آس دا جیون جیدوں
”مولا جھوکاں پھیر و سہیسی
ساراروگ اندر دا ویسی“

ایہ کل دی گالھ اے میں خواب ڈٹھے
 اوہک پری ہئی جو چیدیاں اکھیں توں جام نشہ ادھار مہکدن
 او چیدے ابرو کمان وانگوں
 او چیدیاں گھٹاں دی سرخی کولوں شفق دی
 شرماتے منہ لکاوے
 او ڈند موتیاں دئیں لڑئیں وانگوں
 لبّاں توں لالہ نثار تھیوے
 او او ندے موٹھ ھیں تے زلف کالی
 پئی اینویں لگے جو ٹانگ جو گن دے گل پئے ہن
 او لال جوڑا ستارئیں والا
 جھو جیہاں نویں کنوار پاوے
 او بولے بینر تے گانھے گٹھے مساک سرخی
 کج دیاں دھاراں، جیویں کٹاراں
 او حسن کامل، او حسن قاتل
 حسین فطرت داسو ہٹا جلوہ جو چیدے اتے نظر نہ ٹکے
 میں ڈردیاں ڈردیاں تے کمبیاں ڈکدیاں
 ا جھک ا جھک تے سوال کیئم
 ”اے حسن کامل! اے حسن قاتل!
 تول کون ہیویں؟ ہیں کیڑھی نگری دی شاہزادی
 تے کیڑھی گالھوں سنگار کیتی؟“
 او کھل تے بولی:
 ”سرائیکی“ آہد اہم زمانہ
 فرید میگوں سنگار گیا ہے، بنا او میگوں کنوار گیا ہے
 ہے کل زبانیں تے راج میڈا
 فرید میڈا ہے تاج میڈا

انجم لشاری

سرائیکی

تے

فرید

بحرِ حضورِ خواجہ غلام فرید

توں بے شک ہیں خواجہ ولایت داراجہ
عالم علم دا تے عامل عمل دا
چاتو سچا تو ، توں ذات احد کوں
کڈھیں وچ مسیتیں کڈھیں گردوارے
تیڈے راز آجُن تے انداز آجُن
کڈھیں دید پوتھیاں بیٹھا کھول ڈھدیں
پڑھیں رات ڈینھیاں توں قرآن سوہناں

روہی وسایو تے انجھی چھکایو
جھٹاں پیر پایو اتھاں ہن بہاراں
جے ٹوبھے ٹیلے تے گھا ہٹ لانے
واہ خوش تھی ڈسیندن تہاڈیاں ادائیں
جھمراں پئے لیدن تے خوشیاں منیدن
پئے تیں توں گھلیدن او جند جان سوہناں

شاہیاں نوائے نی تے او کم ڈکھائے نی
ادب ساں بولیدے تے لب کوں کھلیدے
خن خن سنج اعظم منیدا ہے عالم
توں حق سچ دا پیر ہیں تے بے شک فقیر ہیں
تہاڈیاں واراں انج تیں پیا بگم دے زمانہ
تے ڈکھ آ سیدے ہر اپناں میگانہ
تے علم و عمل دا بے پایاں خزانہ

بلا شک اساڈا ہے ایمان سوہناں
ہمہ اوست والے مقامیں توں ٹپ بگیں
مریدیں کوں غاریں دے وچ ونج چایا
تیڈا شان رب نے ہے آنجھا ودھایا
ڈوا تے تسلی تاں دل پدھایا

ترے ماہی سرائیکی بہاولپور

بحضور خواجہ غلام فرید

توں بے شک ہیں خواجہ ولایت داراجہ
عالم علم دا تے عامل عمل دا
چاتو سنا تو ، توں ذات احد کوں
کڈھیں وچ مسیتیں کڈھیں گردوارے
تیڈے راز انجن تے انداز انجن
تیکوں رب جوڑیا ہے سلطان سوہناں
سرائیکی دا ہیں توں قدر دان سوہناں
میندوں اساں ، ہیں توں عارف قلندر
کڈھیں ونج پگیندیں توں گرے تے مندر
بحر پیراں ہیں توں ان کھٹ سمندر

کڈھیں دید پوتھیاں بیٹھا کھول ڈھیریں

پڑھیں رات ڈینھاں توں قرآن سوہناں

روہی وسایو تے انتھی چھکایو
جھٹاں پیر پایو اتھاں ہن بہاراں
بے ٹوبھے ٹیلے تے گھا بوٹ لانے
جوانج تیں روپیے پے ڈیندن دعائیں
تے سوہناں پیاں گھلدن بہاری ہوائیں
واہ خوش تھی ڈیندن تہاڈیاں ادائیں

جھمراں پے لیدن تے خوشیاں میندن

پے تیں توں گھلیدن او جند جان سوہناں

شاہیاں نوائے نی تے او کم ڈکھائے نی
ادب ساں بولیدے تے لب کوں کھلیدے
خنخن سنج اعظم میندا ہے عالم
تیڈیاں واراں انج تیں پیا گمدے زمانہ
تے ڈکھ آ سئیدے ہر اپناں بیگانہ
تے علم و عمل دا بے پایاں خزانہ

توں حق سچ دا پیر ہیں تے بے شک فقیر ہیں

بلا شک اساڈا ہے ایمان سوہناں

ہمہ اوست والے مقامیں توں ٹپ بگیں
مریدیں کوں غاریں دے وچ ونج چایا
تیڈا شان رب نے ہے اٹھھا ودھایا
ڈوا تے تسلی تسلی دل بدھایا

ایں کوں ختم کر ، ایندا سر قلم کر کرم کر رحم ساں تاں ہا الایا
 ولا آ شہنشاہ ہا پیریں تے ڈٹھا
 تیڈا رب بنایا وڈا شان سوہناں
 فخر جہاں دا فخر توں ہیں سوہناں تیں اپنے دیوانیں تے او فیض کیتے
 ءے خانے وحدت دا بن بگیوں توں ساقی ڈتے جام بھر ہر کوں خود رنج تے پیتے
 سخی ہیں توں منڈھ دا تے ہتھ نہ سگور یو تیڈے در تے آون بہر شیر چیتے
 تیڈا پٹھ پناہ ہے نہیں دا سرور
 تے مشکل کشا شاہ مردان سوہناں
 مٹھن کوٹ اتے اٹھیا فیض کیتو جو ہر ویلے او ڈسدے گل پھل بہاراں
 چاچڑ چہیدے جتھاں ہن بگویندے مدح تے صفت دے قصیدے ہزاراں
 تیکوں جیں سڈیا ہے مدد اوندی کیتو بھلا نام تیڈا کیوں میں دساراں
 مجاہد ہئی بردا تے نوکر ہئی در دا
 تھی ایندا محافظ تے نگران سوہناں

(اے نظم اچ کنیں ٹھیک تریہہ سال پہلے ماہ نامہ "اختر" دے اپریل ۱۹۶۹ء دے شمارے وچ ایں تعارف نال چھپی ہئی: "نال مجاہد اقبال خاں، تخلص مجاہد جتوئی نویڑے سن دے النبیلے شاعر ہن، محمد نواز خان صاحب خوشتر ججوی دی شاگردی دا دعویٰ رکھیندن تے صاحب یار خان صاحب چانڈیہ پکا لاڑاں والے کوں اپنا اتالیق سمجھدن ۱۱ مئی ۱۹۵۱ء کوں جمے جئے، ایں طرحاں انہاں دی عمر پوئے اٹھاراں سال بندی ہے، قوم تے وطن دا درد آپ کوں گھٹی وچ ملیے وس وسیب دی اصلاح دا جذبہ رکھیندن مصرعہ طرحی تے لکھن دا خیال زیادہ رھندے، سٹیج دی ادائیگی مجاہدانہ ہے، پر اثر تے مخصوص انداز دی وجہ کنوں وڈے وڈے اہل کلام داد دیون تے مجبور ہوندن صاف ڈسدے جو انہاں دی عمر دے نال نال انہاں دا فن شاعری وی اچا تے پختہ تھیندا ویسی....."

خواجہ فرید نال عقیدت دے حوالے نال اے نظم ہمیش نویں راہسی ایں گالھوں سہ ماہی "سرائیکی" دے پڑھن آلیں کیتے اینکوں تریہہ سال بعد ولا چھپیندے پیوں ایڈیٹر "اختر" دی آگ کتھی مطابق مجاہد جتوئی سرائیکی شاعری وچ اپنے پندہ کوں جاری رکھتے تے ایندے نال نال پے وی بھوں سارے ردھیمے انہاں دی شخصیت کوں ولہیٹ گئیں پر شاعری، زبان دی مٹھاج تے اسٹیج دی بادشاہی اچ وی انہاں دے نال نال ہے)

نواب مظفر خان دی شہادت

چھٹن چھٹن ۲ جون ۱۸۱۸ء

جینویں جینویں ڈیہ نہ چڑھ اگیا ڈو نہیں پاسوں جنگی کاروائیاں ٹھڈیاں پوندیاں
ہکیاں تے ڈونہاں پاسے چپ ویڑھ گئی۔ جون دی گرمی ملتان تے اتنی سخت مار و مار دے پچھوں آرام
دی طلب، کہیں کوں ہوش نہ رہیا سکھ وی غفلت دی مندر وچ سمھ گئے تے ملتان دا چا کرن آلے وی
سکھیں کوں سمھ اڈیکھ آرام کرن لگے۔ چودھار ہودا عالم ہا ایں حالت اچ سمھ جو بھن تے آگیا۔ سویل
کنوں ایں ویلے تائیں ہک ہمدوق چلن دی آواز وی نہ آئی ہی تے نہ ای ڈو نہیں پاسوں کوئی چل پل
نظر دی ہی۔ اچن چیت سادھو سنگھ اکالی جیڑھا سکھیں دے نہنگ فرقے دا جتھے دھرتے کنور کھرک
سنگھ دانو کر ہی، بھنگ دے نشے اچ ہٹ، دھوڑ کوٹ تے خضری دروازے دے نیڑے ہک مورچے
اچ آرام کریندا پیا ہی، چوکھا ڈیہ نہ چڑھ گیا جیڑھے ویلے اونکوں ہوش آیا تے اوندادھیان قلعے ڈوں
تھیاتاں اونکوں قلعے وچ دفاعی فوج دی چل پل نہ ڈیکھ کر اہیں ڈاڈھی حیرت تھی۔ ایں خلاف معمول
خاموشی دی وجہ معلوم کرن کیتے اوں نزدیکی کمر کوٹ برج آلے پاسے ودھن شروع کیتا، کمر کوٹ برج
دے سولے بھن تے وی جیڑھے محصورین آلے پاسوں کوئی چل پل نہ تھی تاں اوں جرأت کرتے کمر
کوٹ برج تے چڑھن شروع کیتا۔ اے برج گولے باری دی وجہ کئے چھن پروٹ تھی چکا ہی ایں سیوں
سادھو سنگھ برج دئیں اچ آرام نال پیر نکا کراہیں اتے چڑھ گیا۔ اتھاں برج دے تلوں دفاعی
فوجیں کوں ستا ڈیکھ کر اہیں اوں آپنے سنگتیں کوں ہوشیار کیتا تے اوندی ڈیکھا ڈیکھی چوکھے سارے
نہنگ کمر کوٹ دے برج راہیں قلعے دی اندرلی پکی کندھ تے ہک کچے دے رستے چڑھ گئے تے جیڑھے
چند دفاع کرن آلیں مزاحمت کیتی انہیں کوں شہید کرتے کمر کوٹ دے برج تے اکال ٹکے دا جھنڈا لا
چھوڑیا۔ جھنڈا لگدیں ای سکھیں زبردست حملہ کیتا تے ترے چار سو سکھ قلعے دی کندھ تے چڑھ گئے
اتے او قلعے ہمدیاں جیڑھیاں جو چھوں مہینیں کنوں سکھ فوج کیتے ناممکن التسخیر لگدیاں ہن اتے ہزارین
جانیں دی قربانی وصول کیتی بیٹھیاں ہن، اکھ جھمکدیں وچ فتح تھی گیاں (۱)

ترے ماہی سرائیکی بہاولپور

فلک کا ہوا ہوش گم اس گھڑی

کیا تیغ اس نے علم جس گھڑی

کندھیں تے سکھیں دے ظاہر تھیون ٹال ای قلعے وچ پٹکار مچ گیا۔ جیڑھے کچھے وچوں سکھ فوج قلعے وچ وڑی ہئی اوندے دفاع دے ذمیوار پایاب خان تے غلام رسول خان ہن ڈو نہیں ناں آلے روہیلے پٹھاں سویں جنگیں دا تجربہ رکھیدے ہن پر چند گینوین سگتیں دی مدد نال سکھیں دی لحظہ لحظہ ودھدی چھل کوں پچھوتے نہ دھک سکھے تے بھردیں بھردیں شہید تھی گئے۔ ایں لحظے وچ نواب دے پتر شہباز خان تے حق نواز خان اپنے چوڑھاں پندرہاں سا تھیں نال سکھیں کوں جھلٹ کیتے آن پچے تے سکھیں دی تعداد کوں نہ کھنڈیں ہوئیں شہادت دے شوق اچ بڈ کراہیں جنگ آزما تھئے اتے تلوار بازی دے اینجھے ہتھ ڈکھایونے جو دشمن وی واہ واہ کریندے رہ گئے۔ سکھیں انہیں دلیریں کوں وکیر گدھاتے گھڑی گھڑی ہتھیار سٹ ڈیوٹ دے ہو کے ڈیندے رہ گئے پر انہیں بہادریں کنڈ نہ ڈتی تے جنگ کریندیں ہوئیں اکثر دشمنیں کوں اگلے جہان پچا کراہیں آخری ساہ تائیں لڑدیں ہوئیں شہید تھی گئے۔ اوں ڈیہاڑے سدوزئی خانوادے دے پہلے ڈوں شہید ایہے ہن۔ اے سبھ کچھ اکھ تھمکدیں اچ تھی گیا۔ جیڑھے سکھ فوج دے ہراول نواب دے انہیں ڈوں پتریں نال وڑھدے پئے ہن تاں کچھ سکھ ودھدے ہوئے نواب مظفر خان دے محل کنے بچ گئے۔ نواب اوں ویلے ظہر دی نماز کنے واند اتھیائی ہئی جو سکھیں دی آمد دا ہلک پیا اوں ویلے پڈھڑا نواب ساوے لباس وچ ملبوس عطروں بھنا اے مصرع پڑھدا ہویا ع : کسے کہ کشتہ نہ شد از قبیلہ مانہست - سکھیں دے مقابلے کیتے اپنے محل وچوں نکلیا۔ اوندے پچھوں اوندے چار پتر ذوالفقار خان، شہباز خان، اعزاز خان، ممتاز خان، اوند اہمتر بیجا نصر اللہ خان، سولہاں بے سدوزئی جیڑھے نواب دے سکے ہن۔ جان محمد خان بادوزئی، برادر نسبتی نواب عبدالصمد خان بادوزئی، خدایار خان علیزئی، دیوان صاحب داد خان، علی محمد خان خاکوانی، محمد خان ترین، سرمست خان ملیزئی، خواجہ مہلار نواب دے شیدی غلامیں دا سردار، فتح خان اتے تریہہ چالیہہ جوان مرد، کار آزما بہادر ہن۔ نواب مظفر خان انہیں بہادریں رلے چھیکنڑی مصر کے کیتے ننگی تلوار وانگوں لکے شہادت پڑھدا ہویا سکھیں تے ونج ترے۔

سبھ کنے پہلے نواب مظفر خان دے مقابلے وچ ہک سکھ جوان رعنا، سوڈھی قوم دا جیڑھا جو سکھیں دا پیر خانہ ہے آیا۔ جیں اگوں ودھ کراہیں نواب تے تلوار داوار کیتا نواب اوند اوار خطا کرتے

ایجنہی بھرویں تلوار ماری جو سکھ کپیچ کراہیں ڈوں تھی گیا (۲)۔ نواب تے اوندے ماتھیں سکھیں تے اینجھا زبردست حملہ کیتا جو انہیں دے پیر پٹیچ گئے اتے او سکھیں کوں اگلے جہان پچیندے تے پچھوں تے دھکیدے خضری دروازے دے سولے پنج گئے جتھاں ملتان دے جانار حالی تائیں وڑھدے پئے ہن۔ نواب دے بچدیں ئی ملتان دے دلاوریں دے حوصلے ودھ گئے تے قلعے دیں مختلف حصیں اچوں دفاع کرن آلے چھیڑی معرکے کیتے خضری دروازے دے نال کٹھے تھی گئے۔ سکھ تھی کراہیں ملتان دے دلاوریں نواب مظفر خان دی سرداری وچ سکھیں کوں ڈاڈھے دھک لاتے اتے انہیں کوں خضری دروازے دے پچھوں دھک چھوڑیوئے۔ پراس لٹھے وچ سکھیں دیاں باقاعدہ پلٹناں قلعے وچ وڑچیاں ہن، انہیں دے دباہٹھ ملتانیں دی دفاعی لائن لُڈ پڈ گئی اتے سکھیں نواب مظفر خان اتے اوندے ساتھیں کوں تقریباً گھیرے وچ گھن بگدھا۔ گھیرے کوں تنگ تھیدا ڈیکھ کراہیں نواب دے بعضے بے دل آلے سنگتیں نواب مظفر خان کوں امان مگن دی صلاح ڈتی۔ نواب مظفر خان انہیں کوں سختی نال جواب ڈتا جو ہن امان مگن داویلا نہیں، ایمان مگن داویلا ہے (۳)۔

گھیرے کوں تروڑیندیں ہوئیں نواب حکمت عملی موجب خضری دروازے کنے پچھو نہاں تھیوٹ شروع تھیا اتے خانقاہ حضرت بہاؤ الدین زکریا علیہ الرحمۃ دی پچھادی کندھ تائیں پچھو نہاں تھی آیا۔ او نہیں ویلے نواب مظفر خان داڈو جھاپتر ذوالفقار خان ڈاڈھا زخمی تھی گیا اتے اوندے سر اتے منہ تے ڈاڈھے زخم آئے تے او ادھ موا تھی کراہیں ڈھہہ پیاو کوں چاکراہیں تے خانقاہ دا دروازہ لنگھا کراہیں نواب اپنی کھنڈیل پنڈیل فوج کوں کٹھا کرتے سکھیں تے زبردست جوالی حملہ کیتا تے سکھیں کوں پچھیتے دھک چھوڑیا۔ ایں موقعے تے نواب، اوندے پتریں تے سنگتیں تلوار بازی دے اینجھے ہتھ ڈکھائے جو سکھیں کوں وی واہ واہ کرنی پئی۔ ملتان دے دلاوریں اپنیاں کار آزمودہ تلواریں نال سکھیں کوں اتلا جانی نقصان پچایا جو سکھ پسپا تھی کراہیں ولا خضری دروازے دے کچھے تے چک گئے۔ اتھاں سکھیں کوں نواب تے اوندے ساتھیں دی تلوار بازی وچ برتری دا یقین تھی گیا اتے انہاں ایں چھوٹی جیسی جماعت تے اپنیاں توڑے دار بند و قاتل گولیاں وساؤں شروع کر ڈتیاں۔ نواب ایں مرحلے تے للکار کراہیں آکھیا: ”آؤ جو انیں آلی کاراگوں ودھوتے ڈوں ڈوں ہتھ کروا ساں تہاڈے نال بہادریں وانگوں جنگ لڑوں“۔ پر اے ہک اٹھی دعوت ہی جیڑھی میں قبول نہ کیتی۔ اتھائیں شوق شہادت وچ پڈیا ہویا نواب جیڑھا امان مگن تے لعنت بھیجدا ہئی تے پے دے زخم دی وجہ کنے چیدی چٹی ڈاڑھی رتی ہئی، دشمن کوں ہکلاں مریندا، سکھ بند وچھیں دے بہوں سولے چلا گیا

ترے ماہی سرائیکی بہاولپور

اتے چھاتی اچ ہک گولی لگن نال ڈھہہ پیا اتے شربت شہادت پی کراہیں اگلے جہان دی نوالی نال سر فراز تھیا نالہ وانا الیہ راجعون۔ نواب مظفر خان دے شہید تھیں کی اوہ دے پترتے سنگتی آپے آپ کوں زندہ رہن دے لائق نہ چاندیں ہوئیں شوق شہادت اچ مست تھی کراہیں پروانیاں وانگوں سکھیں دے انبوہ اچ پئے گئے اتے ہک ہک، درجنوں کوں موت دا پٹن ٹپایا تے آخر دم تاں وڑھدیں ہوئیں شہید تھی گئے اتے کہیں وی امان نہ مگنی (۴)۔

نواب مظفر خان دے شہید تھیں کی ملتانیں تے سخت مایوسی چھا گئی تے انہیں آکھیا جو ہن جیون حرام ہے تے سکھیں کوں سواہ دے ڈھیر کنیں سواکھ نہ ڈیوں۔ ایں طرح کچھ جوانیں، نصر اللہ خان دی سرداری وچ جیڑھا نواب دا بھتر بجا ہی، چند تن باقی ترسمتیں کوں قتل کیتا تے قلعے دی عمارتیں کوں بھالا چھوڑی، حالی کچھ عمارتیں کوں بھاگی ہی جو سکھ بچ گئے تے نصر اللہ خان اپنے سنگتیں سودھا گولی دان شانہ بٹیا (۵)۔ عصر دی نماز تیں ملتان دا قلعہ چار مہینیں کنیں ودھ عرصے تاں محصور رہن دے بعد مکمل طور تے سکھیں دے قبضے وچ آگیا اتے قلعے وچ دفاع کرن آلمیں دی طرفوں کوئی مزاحمت باقی نہ رہی۔ تقریباً سمورے دفاع کرن آلے ملتان تے قربان تھی گئے۔

ہر گز نمیرد آنکہ دلش زندہ شد بہ عشق

ثبت است بر جریدہ عالم دوام ما

(۱) مضمون عمر کمال خان دی کتاب ”نواب مظفر خان شہید اور اس کا عہد“ ناشر: فاروقی کتب خانہ ملتان وچوں ترجمہ کیتا گیا)

حوالہ جات:

(۱) عبرت نامہ ۳۳۸، شیر پنجاب ۱۰۶، لطیف ۴۱۲، عمدۃ التواریخ ۲۱۹، رنجیت سنگھ از سیتارام کوہلی ص: ۲۱۵

(۲) تذکرہ ص: ۲۳۶

(۳) تذکرہ ص: ۲۳۶، مرآۃ العارفین ص: ۱۰۸

(۴) تذکرہ ص: ۲۳۶، عمدۃ التواریخ ص: ۲۱۹، عبرت نامہ ص: ۳۳۸، لطیف ص: ۴۱۲،

پنجاب چیفس ص: ۳۳۸

(۵) تذکرۃ الملکان ص: ۱۶۱

خواجہ فرید دی مٹھڑی بولی سرائیکی دی ترقی تے ودھارے کیتے چھپن والا رسالہ

محمد رمضان طالب دی زیر اداوت ہر مہینے سرائیکی علم و ادب دے نت نویں رنگ

رابطے سانگے: مہینہ وار فرید رنگ، پتھر بازار، دیرہ غازی خان

مہینہ وار

فرید رنگ

دیرہ غازی خان

مرثیہ صادق

نواب سر صادق محمد خان عباسی پنجم ریاست بہاول پور دے آخری نواب ہیں اور ۱۹۰۴ - ۱۱ - ۳۰ کون جمیے تے ۱۹۶۶ - ۵ - ۲۴ کون انہاں دی وفات تھئی اے نواب پاکستان دا محسن تے اپنی عوام نال بہوں پیار رکھن آلا ہئی قائد اعظم نال انہاں دے گھائے تعلقات ہیں تے کراچی وچ قائد اعظم اکثرا انہاں دے محل وچ قیام کریندے ہیں علامہ اقبال انہاں کون ملیے تان فی البدیہہ قصیدے دا ہیک شعر انہاں دی خدمت وچ پیش کیتونیں:

زندہ ہیں تیرے دم سے عرب کی روایتیں
اے یادگار سطوت اسلام زندہ باد

نواب صاحب مرحوم تحریک پاکستان کیتے اوں زمانے وچ ۵۲ ہزار پاؤنڈ دی امداد ڈتی تے پاکستان بنی دے بعد ست کروڑ روپے ڈتے ہیک سال تائیں پاکستان دے سہناں سرکاری اداریں دے ملازمیں دیاں تنخواہیں وی انہاں ڈتیاں ۱۴ اگست ۱۹۴۷ء کون جیڑھلے قائد اعظم گورنر جنرل دا حلف چاون کیتے آئے تان انہاں دے استعمال وچ نواب آف بہاولپور دی رولز رائس BWP - 72 ہئی ۱۹۴۹ء وچ نواب صاحب بہاولپور دی فوج کون نہ چھڑا پاکستان وچ شامل کیتا بلکہ انہیں دے خرچے پائی کیتے پاکستان کون ہیک کروڑ ۲۵ لکھ دی امداد وی ڈتی اے وی افتوس دی گالھ ہئی جواں محسن پاکستان دا نار نہ تان نصاب دی کہیں کتاب وچ قومی ہیرو دے طور تے شامل کیتا گیا تے نہ ای ایندی یاد وچ ملک دی نوجوان نسل کون باخبر رکھن سانگے کڈاہیں سرکاری جھٹی تھئی ایں سال خوشی دی گالھ اے جو مقابلی سطح تے ایں محسن پاکستان دی یاد وچ ۲۴ مئی دی جھٹی دا اعلان تھے

ملک محمد دین ایڈوکیٹ نواب صاحب مرحوم دے قانونی مشیر وی ہیں تے انہاں کون نواب صاحب دی قربت وی حاصل رہی ہئی انہاں دا اے مرثیہ بریگیڈیئر (ریٹائرڈ) نذیر علی شاہ مرحوم جولائی ۱۹۶۶ء دے ترمے ماہی سرائیکی دے "خان سائیک نمبر" وچ چھاپیا ہئی اسان ایں قومی ہیرو دی یاد وچ اے مرثیہ تے سید نذیر علی شاہ مرحوم دا مضمون "سک" ولا جھپیندے ہئے ہیں

صبح صادق چلے بہشت بریں نوحہ خواں مرد و زن پیار و میمن
راس آئی نہ ہوا لندن کی لائی انہیں وطن کی زمیں
زیمنت مند رہا جو تیں برس آج وہ جا رہا ہے زیر زمیں
موت کی زد سے بچ نہیں سکتے بادشاہ و گدا شریف و کمین
آج یارو کہاں گئے صادق ہائے کل تک تو بس رہے تھے یہیں
رنگِ حاتم تھا فخرِ افلاطون کون ایسا بھلا ہوا ہے کہیں
حشر تک لوگ اس کو روئیں گے بھول سکتے اسے کبھی بھی نہیں
اس کی شاہی قلوب و جاں پر تھی موت سے اس کو کچھ زوال نہیں
آج گھر گھر میں آہ و زاری ہے آج لاکھوں ہوئے ہیں خاک نشین
گردشِ مہروماہ تو اب بھی ہے دورِ صادق نہیں تو کچھ بھی نہیں

ماتمی اس کے ہیں نذیر و ملک
حافظ و ہاشمی عطا و تریں

ترے ماہی سرائیکی بہاولپور

سبک

خبر ہوندى جداكى دى تاں سب سارى لما گھدى
اساڈے خان کون نبی سائیں دے روضے مبارک تے ول ول حاضر تھیون دى وڈی سبک ہائی۔
نبی سائیں دى سبک، محبت اتے عشق اساڈے خان دے نصیبیاں وچ خود اللہ سائیں نے تھڈوں لا لکھ ڈتا
ہویا ہا۔ ایسا وجہ ہئی جو ترے ورھیاں دى عمراں وچ ساڈا خان اپنے بابے نال جج تے گھیا ہا جھولی وچ چاتے
طواف کرایا ہانے تے مدینے پاک وچ ڈوہاں جہاناں دے سائیں دے روضے مبارک دى چالی کون بوسہ
ڈیوا اکھیں نال چمایا ہانے۔

اللہ دے کم اللہ جانے خان سائیں دا اباج کرتے عدن تائیں مسیں بھیا ہا کہ موت دے فرشتے
اونہ دى جان کڈھ گدھی ہائی۔ ایس معصوم کون اوں ویلے کیا خبر ہو سی کہ اوند اباسائیں اگلے جہان اللہ
سائیں کون ونج ملیا ہے۔ موت مرٹ دى سدھ سمجھ نہ ہائی کہ رووے ہا۔ ہنہاں کون ڈکھ ڈکھ تے روند
ہو سی۔ اساڈے ایس خان دے ابے دى عمراں اونہ ویلے پورے چوی سالال دى وی نہ ہئی توڑیں اونہ
بہشتی دے خرچ تے کئی وزیر مشیر چھوٹے موٹے نوکر ہلی حکیم طبیب ڈاکدار چار پنج سودا قافلہ نال ہا پر
ونج جو موت دے فرشتے کون کوئی نہ لدھا ہاتے اینہہ یتیم دے ابے کون آن گولیس۔

دل نال سوچن دى گلاہ ہے کہ آخر ایڈی وڈی قربانی دا کائی نہ کائی وڈا اٹل اتے ثواب دى ضرور ہو سی۔
اساڈے خان کون اینہہ ڈکھ داوڈے کولوں وڈا انعام جو اللہ سائیں نے ڈتا ہویا ہا اوہ ایسہ ترے
وڈیاں نعمتاں ہن۔ (۱) خدا خوف (۲) عشق رسول (۳) درد وند دل۔ انہاں نعمتاں دى برکت کنوں
اساڈے خان کون ایس ویسویں صدی وچ جیدے وچ ساڈے اقبال دے اکھاٹ۔

تاج و سریر و دار ہا خواری شیرہ مارہا۔ گرمی کارزار ہا، خامی پختہ کارہا
مطابق وڈے وڈے بادشاہاں، سیانیان تے سیاستداناں دا ملک ملک وچ حشر تھیدار ہیا ہے۔
اساڈے خان سائیں تے اللہ سائیں دا فضل و کرم رہیا ہے۔ جیدیاں جی وی توفاں دى سلامی دا حقدار ہائی
تے وصال اتے بارہاں پتراں دے علاوہ لندن کنوں کراچی، بہاولپور، لاہور، اسلام آباد تک خان دے
جنازے کون موٹڈ ہاسار اڈیونٹ والے لکھاں چھوٹے وڈے موجود تے آرزو مند ہن۔ پاکستان دى بہادر
فوج دے جرنیل سلامی واسطے طوفاں، ہنجواں دے ہاراں، جھنڈیاں نشاناں دے سر نواون دے باوجود
ڈیرہ نواب صاحب دے ریلوے اسٹیشن کنوں ڈیرہ اور دے شاہی قبرستان تک اساڈے سائیں دا جنازہ
ترے ماہی سرائیکی بہاولپور

اینویں پیاویندا ہا جینویں کوئی جیج دا جلوس ہووے۔ عاشق دا جنازہ ہاتے عاشق وی اللہ دے رسول دا عاشق
صادق اینویں چا پدا ہا جینویں فرشتے اللہ سائیں دے حکم نال ڈھنڈھو راودے ڈیندے ہن اتے ودے
اکھیدے ہن :-

”عاشق کا جنازہ ہے ذرا دھوم سے نکلے“

بیا تاں بیا سخت گرمی دے موسم وچ کچھ ٹھاڈل اتے اللہ سائیں دی مہر محبت دیاں کچھ کنیاں وی
پیاں وسدیاں ہن۔ اساڈا خان ہر دی عزت کریندا ہا اللہ سائیں اساڈے خان دی عزت کیوں نہ کرے ہا۔
خان بہشتی اکھیدار ہندا ہا تھڈوں لاجیکر میڈا پیا بھرا ہندا اتے صاحبی اونہ کون سنبھال میں
خود مدینے پاک ونج وساں ہا۔ نبی سائیں دے نال سک تاگ دا ایسہ حال ہئی ۱۹۳۱ء دی گالھ ہے ولایت
کنوں ولدیاں جولائی دے مہینے وچ ایہا کو ضد ہائی کہ میں تاں وطن پیچن کنوں پہلوں نبی سائیں دے
روضے پاک تے ضرور حاضری ڈیساں۔ ختمی والے دے نال اساں وی باسے (کر نل مقبول حسن قریشی،
میجر فیض احمد لشاری، پیرل ایسہ مدہ ناچیز، میجر مر دین، جمعدار اللہ ڈیوایا) گرمی اینویں ہائی جیویں بھا
دے تنور بھڑکدے پئے ہوون۔ سموم دھنداں گھتتی ودی ہائی اٹھ، پہاڑ۔ ٹپے، چھپر، مکان، انسان،
ون اینویں چا پدا ہا جیویں جھمرو دے کھید دے ہوون اوڑک مکے گیو سے عمرہ رکتو سے۔ طائف پھو سے ول
سوہنے نبی دے دربار تے حاضری ڈے ہفتہ کھن تک یسوع دے سمندری پتن کنوں جہاز تے سوار تھی مصر
پہنچنا ہا۔ پر سائیں اساڈے دی دل نہ رچدی ہائی اصلوں ولن داناں نہ گھدا ہا۔ اوڑک ولنا ہا ویو سے پر پچھو نہ
اساڈے سائیں دے دل دا حال ایسہ جہاں ڈکھا تھیوس جو کھاوٹ پیوٹ پول الا اٹھن بہن گھسٹن پھرٹن دی
تل بھر جانہ رہی ہائی۔ لبوسی جیہاں سمندری جہاز ہائی اتے اونہ جہاز دا ڈاکدار نہ انگریزی نہ اساڈی زبان
چاند ہا۔ فرانس دار ہن والا ہاتھ نال اشارے کرے ہا سائیں پیراں ہتھاں کون سر کے اتے برف دی
مالش کریندے رہو۔ سمندر تے گرمی دل اینہہ ڈھنگ دی پئی پوندی ہائی کہ جینویں اساں پکوڑے ہا سے
تے تیل دی بڑکدی کڑھائی وچ تلیدے پے ہا سے فیض خاں خان دا دایا کوکا ہا۔ رووے وی سسی تے خوف
فکر کنوں ول ول پچھے یار و متاں پیو والا لیکھا تاں نہیں سو تھیدا حالت خان دی الملک نازک ہائی۔ چھڑا ساہ پیا
آندا ہا۔ میڈے ایں بیان کون پڑھن والے دل وچ اکھیدے ہو سن شاہ بد قول پیا مریندا ہے۔ نہ سائیں!
میں جو کچھ پیا لکھدا ہاں پورا پورا نقشہ اتے حال بیان ہے۔ اینہہ میڈے بیان دی صداقت اتے خان سائیں
دی نبی سائیں نال وڈی سک محبت دے ایسہ چار ثبوت اجن تک موجود ہن (۱) اساڈے خان دی
انگریزی زبان وچ مسجد نبوی وچ حاضر تھی کے خود بٹائی تے لکھی ہوئی کافی۔ (۲) جولائی دے مہینے دی
ترے ماہی سرانیکی بہاولپور

گرہی دازور شور اج وی موجود ہے۔ (۳) ڈاڈھے ٹھڈے ملک وچوں سدھا ڈاڈھے گرم ملک وچ گرمی دے موسم اج آوٹاں (۴) مٹھلیں دے بستر وچ سمن والے خان دے کھاوٹ پیوٹ دیں ورتا ہے دے بدوی رنگ ڈھنگ۔ سفر اج جتھاں کتھاں ٹکٹا پوندا ہا۔ جیہیں اساں تے جیہاں خان روڑیاں وٹیاں اتے بستی ہوندی ہائی عشق دیاں وڈیاں منزلاں ہوندیاں ہن اللہ نبی دے عاشق صادق رچدے تھکدے نہیں۔

عشق بدوش می کشد ایں ہمہ کو ہسار ہا

اوڑک عشق رسول دی چھک وت چا پھسکیتا تے خان ۱۹۳۵ء وچ چار پنچ سودا قافلہ گھن جتے روضہ پاک دی زیارت دیاں ول ونج سکاں لہایاں ایں سال ترے بادشاہ کے وچ موجود ہن کیڑھی کیڑھی گالھ دا حال کیتا ونجے ڈھیر گالھیں ہن کتاب ”حیات صادق“ جلدی نال چھوئی پئی ویندی ہے چھپ ویسی تاں پڑھ گھنا ہے اینہہ مضمون وچ ایہہ ڈوں گالھیں دل نال سنن اتے سمجھن دیاں ہن۔

(۱) میکوں اپنے خان نال وڈا پیار ہائی۔ خان سائیں کڈا ہیں کڈا ہیں میکوں ہیکید اہا اتے فرمیںد اہا پیر لا میں نال بہوں پیار نہ کیتا کر، حسرتی سرہج ویسنی تے تاں نہنیا! پر پیرل دے اپنے وس دی گالھ ہووے ہا تاں۔ دل کوں دل سلام کریندے!! اساں سندے ہا سے پر ۲۴ مئی ۱۹۶۶ء وچ دے قریب خان سائیں دے ہک قریبی سکے دا خط انگریزی اج ترجمہ کریندیاں میڈے آپو آپ ہنجوں واہندے پئے ہن۔ خان سائیں دے او نہ سکے نے چیٹ کیتی ہائی کہ ایہہ خط کل وکل ہوئی ڈاک وچ بھجواؤنا ہے میں شام تیک خط دا ترجمہ کر ڈیواں شام کوں جیوں ویلے سائیں دے وصال پاوئج دی خبر ملی تا پتہ لگا جو ترجمہ کرن کر اوں اتے رووٹ دا اصل راز کیا ہا۔ کہیں سچ آکھیا ہا ”رب ملدے تے ملدے دلیں سچیاں کوں“

(۲) پینڈرل مون اجائی پنے کا۔ لے پئے کیتے ہن جواہرات دا پرکھن مون وچار کیا جانے پینڈرل مون دی کتاب **DIVIDE AND QUIT** (ونڈو تے پھٹو) دل آہدے کا من ویلتھ دے اصولاں دی قاتل کتاب ہے۔ کا من ویلتھ دی طاقت دار از نفرت نہیں محبت ہے۔ اساڈے صدر نے اساڈے گورنر نے اساڈے عظیم عوام، اساڈیاں بہادر فوجاں، اساڈے حق شناس پریس نے بلکہ انگلستان نے اساڈے خان دی عزت تے خدمات دی تعریف کرتے اساڈے دل موہ گدھے ہن۔

سرائیکی زبان دی ایہہ واہ واہ اکھاٹ ہے تے دعا ہے۔ خانا اللہ راضی ہووی تے عاقبت چنگی ہووی عاقبت چنگیں دا مستقبل ہے اساڈے آقا دی آل اولاد کوں وی اللہ سائیں دین دنیا وچ کامیاب رکھے۔ آمین۔

(ترے ماہی سرائیکی ”خان سائیں نمبر“ شمارہ جولائی ۱۹۶۶ء وچوں گدھل)

محسن قوم — سردار کوڑے خان جتوئی

اصل ناں : خان بہادر نواب سردار کوڑے خان جتوئی - تخلص : کوڑے خان

جنم واسال : ۱۸۰۰ء (اندازاً) مرگ واسال : ۱۱ مئی ۱۸۹۸ء

کشفی ملتانی لکھدے ہن : ”ناں کوڑا، ماء پیو دے محبت بھرے دل، بد نظر توں چاؤن سا ننگے رکھدے ہن۔ ایں جیہا ہک ناں ضلع مظفر گڑھ دی ہک عظیم شخصیت کیتے مشہور تھیا۔ انگریزی دور دی اے یادگار شخصیت قصبہ جتوئی وچ جی، پلی، ودھی، اقتدار دیاں منزلاں ڈٹھیاں، فرسٹ کلاس آنریری مجسٹریٹ بنے۔ حکومت برطانیہ دے خطاب یافتہ خان بہادر اکھو تیجے۔ پہوں وڈے زمیندار رہے۔ چھیڑک ہک ڈینہہ موت دافرشتہ آیا تے ہک پہوں وڈے بندے کوں مٹی وچ ساڈتا۔“ [۱]

میر حسان المجیدری لکھدے ہن : ”ضلع مظفر گڑھ دا اے ناں آلا پتر بے شک سرائیکی علاقے داسر سیدتے حاجی شریعت اللہ اکھو تیجے دا حقدار ہے۔ سردار کوڑے خان ہک بلوچ سردار خان جتوئی دے گھر ۱۸۰۰ء دے نیڑے بنے۔ سکھا شاہی دادوروی ڈٹھاتے انگریزاں دے تسلط تے تعصب دا وی مشاہدہ کیتا۔ انہاں اپنے علاقے وچ انگریزی سکول کھلوا کر اہیں قوم کوں جدید تعلیم توں مستفید تھیون کیتے ترغیب ڈتی۔ علی گڑھ، حمایت الاسلام اتے انجمن نصرت الاسلام ملتان جے اداریاں کوں چیدیاں تیں گراں بہا علیے ڈیندے رہے۔ مرگ توں پہلے زرعی جائیداد اتر بھجا حصہ جیڑھا پندھراں ہزار ایکڑ [۲] دے نیڑے ہا، نوہالان وطن دی تعلیم کیتے بذریعہ وصیت وقف کیتا [۳] کوڑے خان سرائیکی دا عظیم شاعر وی ہا۔ اوہ بنیادی طور تے غزل دا شاعر ہے۔ وصال ۱۸۹۶ء وچ تھیا [۴] تے مزار جتوئی ضلع مظفر گڑھ وچ ہے۔“ [۵]

کشفی ملتانی دھرتی دے ایں عظیم پتر کوں اردو وچ ایں خراج عقیدت پیش کریندے ہن۔
نام جب ہم نے سنا سردار کوڑے خان کا ہو گیا دل میرا قائل عظمت انسان کا
ہے کوئی اس ضلع کا ایسا رئیس ایسا امیر ایسا کوئی نیک دل نیکو صفت روشن ضمیر
کوڑے خان دے کلام وچوں میر حسان المجیدری نے ہک غزل دا مطلع تے مقطع نقل کیتا اے ملاحظہ کرو۔ [۶]

تمیں باجھوں دل سنگ یارا
ہیوں اچکل ڈاڈھے تنگ یارا
ترے ماہی سرائیکی بہاولپور

کھڑیں بھیڑیں دا کیا جھگڑا
آ وڑ جھنگ ننگ یارا
الفی پا ڈھونڈیاں تیکوں
روہ جبل جھنگ یارا
مہروں دید کڈاہیں بھالو
نہ تاں رل ویسائی کرنگ یارا
ہک تل جتی ترس نہ آہو
ہیں ڈاڈھا سخت اڑنگ یارا
عشق دے راہوں مڑن میارے
جلساں وانگ پتنگ یارا
ہن کارن دیدار سکتے
لوں لوں تے انگ انگ یارا
قہری نین ہن شینہہ مریلے
کردے میں ساں جنگ یارا
تول نہالی ساڑے پاسے
اگ لیدا ہے پلنگ یارا
کوڑے خال سٹ فخر وڈائی
بن دوہیں دار ملنگ یارا

(اے مضمون سجاد حیدر پرویز دی کتاب ”ضلع مظفر گڑھ - تاریخ ثقافت تے ادب“
(۱۹۸۹ء) وچوں گدھا گئے)

حوالہ جات

- [۱]۔ ہفت روزہ ”بشارت“ مظفر گڑھ اشاعت ۲۳ دسمبر ۱۹۶۱ء
- [۲]۔ جتوئی میونسپل کمیٹی دے ریکارڈ موجب ۱۸۰۰۰ ایکڑ زمین ڈسٹرکٹ کونسل کوں ملی۔
- [۳]۔ ماہ نامہ ”سرائیکی ادب“ ملتان، اشاعت فروری ۷۰ء صفحہ ۱۴ تے درج اے: ”میر حسان الحیدری ۷۰ء دے نیڑے مظفر گڑھ آئے تے ٹوہ لائی۔ ۱۸۹۶ء وچ وصیت دے مطابق ایں وقف دانگران ڈسٹرکٹ بورڈ کوں مقرر کیا ہا۔“
- [۴]۔ میر حسان الحیدری دی اے تاریخ وفات غلط ہے۔ مزار دے باہروں سنگی کتبے تے تاریخ وفات ۱۱ مئی ۱۸۹۸ء درج اے۔ تھی سگدا اے میر صاحب وصیت دے سن کنوں بھلیکھا کھادا ہووے پروصیت مرن کنوں پہلے کیٹی گئی ہئی۔
- [۵]۔ ”سرائیکی ادب“ از میر حسان الحیدری، مقالہ مشمولہ تاریخ ادبیات مسلمانان پاکستان و ہند (جلد ۱۴- حصہ دوم)، پنجاب یونیورسٹی، لاہور ۱۹۷۱ء، صفحہ ۳۰۳
- [۶]۔ نوٹ: اے پوری غزل ”اختر“ ملتان دے اپریل ۶۹ء دے شمارے وچوں نقل اے (اضافہ از ادارہ سہ ماہی ”سرائیکی“ بہاولپور)

وساخی

وساخی سرائیکی تل و سیب دا اک سماجی تہوار ہے۔ اے نہ چھڑا ثقافتی بلکہ تہذیبی وی ہے۔ ایندیاں پاڑاں قدیم زمانے تائیں لٹھیاں ہوئیاں ہن۔ بنیادی طور تے اے رزق دا میلہ ہے۔ بھرا جیتی کلنڈر / دیسی سال دے حساب نال وساخی یکم وساخی کوں بگدی ہے انج کل دیسی سال دا پہلا مہینہ ”چیتہ“ کوں آہدن۔ زبانی روایت اے وی ہے جو پہلے دیسی سال وساخی توں شروع تھیدا ہا۔ ایں روایت مہجج وساخی ”جشن نوروز“ وی ہڈی ہے۔ یکم وساخی توں کنٹک کوں ہتھ لگ دیندے۔ کنٹک بھانویں اجن چار ڈیہنہ مگدی وی ہووے تاں وی لوک اپنے لئی ہار مقرر کر کنٹک کپن شروع کر ڈیندے ہن۔ اپنی چھماہی دی محنت تے اپنے سال دے رزق کوں اپنے سامنے تیار ڈیکھ ہدے دی جو کیفیت ہوندی اے اوندا سوہنا اظہار وساخی دے میل تے تھیدے۔

سرائیکی علاقے وچ وساخی دی سویر دے آغاز دے مختلف انداز ہن کچھ لوک رات کوں مٹھا بھت پکا رکھیندن تے سویرے نہاں بھت کھاندن تے ایندا مطلب اے گھدن جو سارا سال مٹھا تے خوشی نصیب تھیسے۔ بعض علاقیں وچ بھت نہیں کوئی سبزی ترکاری پکائی ویندی ہے مطلب اے جو وساخی دی سویر سبزی ترکاری یعنی ساوی شے کھاؤن نال ہمدہ سارا سال ساوہ سوکھارا ہسی۔ ایندے علاوہ کچھ لوک وساخی آلی ڈیہنوار اپنے ڈولے دی رگپ کنوں خون وی کڈھیدے ہن۔ ایں عمل کنوں نتیجہ اے کڈھیا ویندے جو ہمدہ وساخی آلی ڈیہنوار اپنے جسم دا فالتو تے گندہ خون کڈھ ڈیوے تاں جو نواں تے تازہ ہن آلا خون او کوں سارا سال ڈکھ، تکلیف کنوں محفوظ رکھے تے او سکھی صحت ہنڈاوے۔ وساخی دی ڈیہنوار دے حوالے نال صرف ہمدیں ای نہیں بلکہ وینے تے جانوریں بارے وی ڈھیر ساریاں گالھیں تے روایاں موجود ہن۔ مثال طور اے آکھیا ویندے جو جیڑھی گاں یا منجھ گھہ نہ رکھیدی ہووے او وساخی آلی ڈیہنوار ضرور گھہ رکھ ویندی اے۔

وساخی آلے نیلے تے بازار دی بگدن۔ جیدے وچ گھر دے استعمال دے تھان بھانڈیاں دے نال نال گھردی سجاوٹ دا سامان وی ہوندے۔ پالیں دے کھڈا وینیں دیاں تاں ڈھیر ساریاں ہٹیاں ہوندن۔ جانوریں دے گل گھٹن آلیاں ٹلیاں، گانیاں پیریں بدھن آلیاں جھانجراں رے

ریاں دیاں پوریاں بازاراں ہوندیاں ہن۔ وکروک دیاں مٹھائیاں آلیاں دوکاناں دے بازار تان
 میلے دا ہک اپنارنگ ہوندن۔ شرمٹ آلیاں دوکاناں، سوڈے آلیاں چلیدیاں پھر دیاں فیکٹریاں دے
 علاوہ ہن تان چاہ دیاں ہٹیاں وی میلے واحصہ ہن۔ انہاں سمھائیں دے نال نال زور آوریں دے زور
 آزماؤن دے نویں طریقے، کشتیاں، نلیاں پکڑن دے مقابلے تے بے بے کج دھروک دیاں کھڈیاں
 میلے دا لازمی حصہ ہن۔ جھمر تازی، ٹچن چاؤن اپنے نویں پرانے طریقاں سمیت میلے دا لازمی جزو
 ہن۔ پر ایں سمھ دے باوجود وساخی آلے میلے دی سنجان ”ڈاندیں دے مقابلے“ ہن۔ ایں میلے اچ
 شریک تھیون آلا کوئی بندہ تماکوں ایجھانہ ملے جیں وساخی تے ڈاندیں دی دھروک نہ کھنھی
 ہووے۔ ایندے بارے اے گالھ عام آکھی ویندی اے جو کھوہ تے ڈاندیں دی دھروک نہ
 ڈیکھھیجے تان کھوہ دی کانچٹیں کوں بھالگ ویندی ہے۔ جیکر کانچن کوں بھانہ لگے تان اوں کھوہ
 وچوں پانی پون آلی فصل کوں بھالگ ویندی ہے۔

کھوہ تے ڈاند بھاون دا طریقہ اے جو ڈو ڈاندیں کوں کھوہ دی پنجالی وچ جو ڈتا ویندے۔
 اصل وساخی باہری ڈاند دی ڈٹھی ویندی ہے۔ پہلے کمیٹی بھجائی ویندی ہے بعد وچ اصل وساخی
 ہوندی ہے۔ کمیٹی بھاون ویلے ڈانداں کوں سوئیاں، سوئے، کوکے، تے بعض لوک تان ڈانداں کوں
 رتیاں مرچاں وی ڈیندن جو چنگاں بھجسی۔ وساخی بھاون ویلے ڈاند کیتے سوئی یا ہنسی کوئی چیز
 استعمال کرن واجب کوئی ہوندا۔ وساخی دے مقابلے تے ہار جیت کیتے سکند تے باراں بھرے مقرر
 کیتے ویندن۔ جیڑھا ڈاند ۳۶ سینڈ وچ بارہاں بھرے پورے کر ڈیسی اونکوں ہار تے لنگی پوائی ویسی۔
 جیڑھا ڈاند پہلے ڈہ بھرے سیرھ تے اخیر دی ڈو بھرے درگا چارے تان او ڈاند سرے یا لنگی واجب
 دار ہوندے۔ تے جیت وی ہوں ڈاند دی ہوندی ہے۔ انہاں ڈانداں کوں ڈھول دی آواز تے بھجایا
 ویندے۔

وساخی تے ڈاندیں دی دھروک دے ڈھیر سارے انداز ہن۔ انہاں وچوں ہک داناں
 ”بکھر“ ہے۔ اے کھڈ کھے ڈاند دی ہے۔ اندے وچ ڈاند دیاں اکھیں اتے کھوپے چاڑھ ڈتے
 ویندن اتے اونکوں کڑی دے اتوں ٹپ مروایا ویندے۔ کڑی کچھ مد پہلے تائیں اساڈے گھریں وچ
 چلے تے تلے بہن کیتے عام استعمال تھیدی ہائی۔ اے فقیر لوک جیڑھے کہیں ڈھور دے کنڈ تے
 اوندیاں آندراں چا ویندن اوندا تندا ہٹا کے کانیں نال کڑی بدھیدے ہن۔ بکھر وچ استعمال تھیون
 آلی کڑی دی اچائی ۴ فٹ تے لمبائی تقریباً ۶ فٹ ہوندی اے۔ بکھر دا طریقہ اے ہے جو ڈاند دے

اکھیں تے کھوپے چاڑھ ڈتے دیندن۔ ڈو ترائے ہندے ڈاند کوں پکڑ کھڑدن جیڑھلے ڈاند دامالک
 ہکل ڈیندے ڈاند سدھا دھرک پوندے۔ بھدے ہوئے جیڑھلے پکھڑ بالکل ڈاند دے اگوں آ
 دیندی ہے تاں ڈاند دامالک ہک مخصوص ہکل ڈیندے، جیڑھلے پہلے آلی ہکل کنوں بالکل مختلف
 ہوندی ہے تاں ڈاند کوں پتہ لگ دیندے جو اگوں پکھڑ ہے تے ڈاند اوندے اتوں ٹپ مار ڈیندے
 تے اوندے جسم دا کوئی وی حصہ پکھڑ کوں نہیں لگدا۔ کئی کئی ڈاند ہکے پھیرے سدھا دھرکدیں
 ہونیں چار چار پکھڑاں وی ٹپ دیندن۔ انہاں پکھڑاں دا درمیانی فاصلہ ۱۰ یا ۱۵ اکرم ہوندے۔

ڈاندیں دیاں کھیڈیں وچوں ہک کھیڈ دانان ”لیکے تے بھاون“ وی ہے۔ لیکے تے ڈاند بھاون
 کیتے باقاعدہ پڑھایا دیندے تے ایں پڑدے باہروں لوک کھڑ تھیندن۔ پڑدی لمبائی ڈو ایکڑ تے چوڑائی
 وی ڈو ایکڑ ہوندی اے۔ پرائندیاں چنداں گول ہوندیاں ہن۔ ایں پڑدی لیکے مار کراہیں نشاندہی
 کیتی دیندی ہے جیں پاروں ایں کھیڈ دانان وی ”لیکے تے بھاون“ ہے۔ پڑتیار تھی و نجن دے بعد ڈو
 ڈاندیں کوں ہکے پنجالی وچ جتا دیندے تے انہاں دے پچھوں ہلے پاتی دیندی ہے تے انہاں کوں
 لیکے تے چھوڑ ڈتا دیندے۔ اتے ڈاند بھجن شروع کر ڈیندے۔ بھدے ہوئے انہاں ڈو ہائیں ڈاندیں
 وچوں باہر لے ڈاند دی چال ڈٹھی دیندی ہے جو اوہکی چال دے وچ چلے۔ لیکے تے بھاون کیتے
 مخصوص چکر رکھے دیندے ہن۔ جیڑھے منصفین دی مرضی تے ہوندے ہن۔ تے انہاں چکر
 دا ٹائم ڈٹھا دیندے۔ جیڑھا ڈاند چال وچ صحیح ہووے اتے گھٹ توں گھٹ ٹائم وچ چکر پورے کرے
 اوجیت دیندے۔ ایندے نال اے شرط وی لازمی ہے جو ڈاند ناں تاں لیکے توں باہر نکلے تے نہ اندر
 وڑے، جیڑھا ڈاند اے شرط پوری نہیں کریندا او مقابلہ وچوں کٹھیج دیندے۔

ایندے نال ملدا جلد ڈاند بھاون دا ہک طریقہ اے وی۔ ہے جو ڈاندیں دا ہک جوڑا پڑدی ہک
 چند کنیں تے بیا جوڑا پڑدی ہنسی چند کنیں چھوڑیا دیندے جیڑھا ڈاند اپنا چکر پورا کر تے پہلے پچ آوے
 اوجیت دیندے۔ ایندے وچ وی چال باہر لے ڈاند دی، تے لیکے دا خیال ضرور رکھیا دیندے۔

العتیق العتیق

”عتیق فکری کی عتیق و عتیق کتاب کو پڑھتے پڑھتے یوں معلوم ہونے لگتا ہے کہ جیسے کوئی ملکہ قلو پطرہ کے ہار سنگار، زیورات،
 ظرفوات، جواہرات، پارچات کے انبار در انبار ساز و سامان مصر کے قومی عجائب گھر میں رکھے دیکھتا پھر رہا ہو“۔ (سید نذیر علی شاہ)
 سرائیکی زبان و ادب کے ارتقاء اور اس کے اثرات پر ایک بیش بہا کتاب - دوسرا ایڈیشن، مجلد ۱۸۶ صفحات، قیمت = ۱۰۰/-

سرائیکی ادبی مجلس، جھوک سرائیکی - بہاولپور

توے ماہی سرائیکی بہاولپور

”لیرو لیرو پچھانواں“ کنڈیں پہلے

”دماں“ رو جھان کنوں دیرہ اسماعیل خان تک ترے سو میل دی خشک بے آب و گیاہ پٹی، جیدے پچھادی پاسوں سلسلہ کوہ سلیمان تے پوادھی پاسوں دریائے سندھ نال نال ٹردے جلدن۔ اے پٹی کھائیں تاں انہیں ڈودے درمیان گھٹ کے پنج میل دی رہ ویندی اے تے کھائیں پندرہ ویرہ میل۔ ایں ترے سو میل دی پٹی وچ سخی سرور، ڈیرہ غازیخان شہر تے سگھر تھوڑی جیہیں ایندے منظر وچ تبدیلی گھن آندن نہ تاں عام طور ہر پاسے ہک سنج بر دا رانج ہے۔ جیڑھا پتہ نیں کڈاں کنوں موجود ہے۔ ظہیر الدین بابر سلسلہ ہائے کوہ سلیمان دے بارے اچ اپنی تزک اچ لکھدے جو ایں کنوں خشک اتے ہیبت ناک پہاڑ میں اپنی زندگی اچ نہیں ڈٹھا۔ بارشاں تھیدیاں تاں ضرور ہن پر انتیاں زیادہ نہیں جو اتھوں دے لوکیں دی خوشحالی دا سبب بن۔ پر جڈاں کڈاں جنم کے بارشاں تھیون تاں ہر پاسے ساول تھی پوندی ہے۔ جے نیں نکل پوون تاں فصلاں بہوں چنگیاں تھیدین تے لوک عارضی طور تے خوشحال تھیدن پر خشک سالی اکثر سالہا سال رہ ویندی اے تے لوک دریائے سندھ پار کر کے تھل آلے پاسے لو کرن کیتے ٹر ویندن۔ تے وستیں دیاں وستیاں سنج تھی ویندن۔ سندھ بھانویں تاں دماں دے لوکیں دے نال نال گزردا ہے پر دماں دے لوکیں واسطے ہک اچھا دیوتا ہے جیڑھا ڈھال لاتے بعض اوقات وستیاں تاں سٹ گھتیدے پر کوئی فیض ایندے کولوں نہیں پچدا۔ کیونجو دماں کوہ سلیمان دی سطح مرتفع ہووٹ دی وجہ کنوں کہیں قسم دی سیرامی نہیں کریندا۔ البتہ اوندی بیٹ ہمیشہ کنوں سرسبز تے شاداب رہندے جیکوں تھل تے دماں دے لوک کچھی آہدن۔ دماں تے تھل دے لوکیں دی مثال اے ”کچھی پھلاں دی کچھی“۔ تھل تے دماں دریا سندھ دی پچھادی تے پوادھی کندھی ہن۔ ایں واسطے تھل تے دماں دے ۶۰ میل دے تہذیبی تے معاشی رشتے بہوں گہرے ہن۔ تھل دے شہر تے وستیاں دماں دی لوکیں ۵۰ مہریاں ہن پر تھل کوں ہک فوقیت حاصل ہے جو تھل دا یالائی تے صحرائی ڈوہیں حصے دماں کنوں زیادہ خوشحال ہن تھوں تھل دے لوک کڈاں دماں وچ روزی کرن نیں آئے ہمیشہ دماں دے لوکیں کوں ہجرت کرنی پوندی ہے۔ ایویں کچھی اچ وی دماں دی لوکیں کنوں زیادہ ملکیتاں تھلو چڑیں دیاں ہن۔ دماں

دے لوک اتھاں وی لئی ہار (لوکریٹ والے یا فصل دی کٹائی کرن والے) دے طور تے
 ویندن۔ ایں واسطے محرومی دا احساس دمان دے لوکیں اچ بہوں زیادہ ہے خاص طور تے
 تونے دے لوکیں دا جتھوں دا پرانا ناں سگھڑ ہے۔ اقبال سوکڑی وی سگھڑ دار ہن آلا ہے۔
 تونہ کوہ سلیمان دے دامن وچ ہووٹ دی وجہ کنوں منہ زور پہاڑی نیں تے چھتیں واچھڑیں
 تے تیز اندھاریں دا علاقہ ہے۔ روزی دی تنگی تے سخت موسمیں تے کریہہ اتھوں دے
 لوکیں کوں باقی علاقے کنوں مزاجاً مختلف بنا ڈتے۔ تعلیم دی شرح جنوبی ہند اچ کہیں علاقے
 وچ اتنی اچی کیمنی جتنی تونہ دے وچ۔ جیں اتھوں دے سیاسی شعور (Level of
 Consciousness) کوں ودھا ڈتے۔ لوک عام طور تے سخت مزاج (اپنے موسمیں دی
 کار) تے کہیں تے اعتبار کرن توں کڈھویندن۔ ایں واسطے ڈیرہ غازیخان دی باقی تحصیلیں
 دے لوک وی انہیں کولوں پسپے تھی کے راہندن۔ ہک وجہ ایندا زیادہ تعلیم یافتہ ہووٹ وی ہے
 کیونجو علاقے دیں سرکاری نوکریں تے انہاں دا قبضہ ہے ایں لحاظ نال دمان دے بے وس
 آلے تونے دے لوکیں کوں جنگی اکھ نال نہیں ڈہدے۔

دمان دے لوکیں واسطے ہر چاہ تے ہک منظر بڑا عام ہے تے او ہے کوہ سلیمان۔ او مندروں
 جاگدن تاں انہیں دے سامنے اے کالے روہ کھڑے ہوندن او جیڈے ویندن اے روہ انہیں
 دے نال نال ٹردے رہندن انہیں کالے روہیں دیکھن اچیں چوٹیں تے برف وی نظر آندی ہے
 تے موسمیں دے حوالے نال انہیں دارنگ وی بدلدار ہندے جے مینہ بارشیں دا موسم ہووے
 تاں ہر ویلے انہیں دے اتیں بدلے چھائے رہندن تے شام دا وقت لہندے تاں بہوں ڈراکھ
 لگن پے ویندن تے انہیں دے اندر دیاں بلائیں باہر میدان وچ نکل آندن خاص طور تے ہک
 زمانے تاں اتھاں نہریں راج ہوندا ہا۔ رود کوہیں اتھاں زمین وچ وڈے وڈے پاڑے تے
 گڑکاں بنا ڈتن جیڑھیاں جنگلی جانوریں دیاں بڑیاں قدرتی پناہ گاہیں ہن۔ تونے دے گرد و
 نواح دی زمین ریتی وی ہے تیں میلیں تائیں چٹ رڑے وی ہن۔ جیٹھ ہاڑتے ساوٹ بدرہ
 اچھے مینے ہن جڈاں اتھاں بارشاں زیادہ تھیدن تیں اکثر ناناویں نال تھیدن جیدی وجہ کنوں
 فصلاں ماریاں ویندن لوکیں دے مکان جیڑھے زیادہ تر کچے ہوندن ڈھے پوندن۔ ایں واسطے
 بارشاں اتھاں کوئی بہوں وڈا رومانس نہیں بنیدیاں۔ جیویں جو نجیب حیدر ملغانی، اقبال سوکڑی
 دی نویں کتاب ”لیرو لیر پچھانواں“ دے دیباچے وچ لکھدے جو ”اقبال دی شاعری سرائیکی

تے ماہی سرائیکی بہاولپور

وسیب دی پر اسرار دھرتی ”دماں“ دامنراج رکھیدی اے جیویں روہی دی بارش تے سگھڑ
دی بارش دا پٹا پٹا مزان ہوندے“

اقبال سوکڑی دی شاعری تے گالھ کرن تون پہلے ”دماں“ دا تھوڑا جیہاں تعارف کراون پھوں
ضروری لگدا ہا کیوں جو ایندے بغیر اقبال سوکڑی دی شاعری تے اوندے مزان کو سمجھن
بدا اوکھا تھی ویندے۔ ”لیرو لیر پچھانوواں“ تون پہلے اقبال سوکڑی دیاں چار کتاباں ”ڈکھ دی
جنگ“، ”ہنجوں دے ہار“، ”کالے روہ چٹی برف“ تے ”ورقہ ورقہ زخمی“ چھپ چیاں۔
اوندیاں پھلیاں ڈو کتاباں تاں مشاعرے دی ریت جیڑھی وسیب انج شاید پورے بر صغیر کنوں
مختلف ہے اوندی نمائندگی کریندین جیدے انج شاعری گھٹ تے خطامت زیادہ اے تے
موضوعات وی روانتی ہن، انہیں پھلیں ڈو کتابیں دے بعد انہیں دی غزلیں دا مجموعہ ”کالے
روہ تے چٹی برف“ آئے تے ساڈی تمہید دامنراج ایہا کتاب اے، ایندے انج دماں دے لوکیں
دے مزان کون وی اوندے موسمیں دے مزان دی کار ڈٹھا گئے۔ تاں کہیں ہمدے کون
اوندے جغرافیہ کنوں ہٹ کے نہیں ڈیکھ سگدے۔ ”کالے روہ تے چٹی برف“ وی دماں دے
ہمدے کون اوندے جغرافیے وچ ڈیکھن دی کوشش ہے۔ ایں شعر کون دماں دے پس منظر
کنوں علیحدہ کیوں ڈٹھا ونج سگدے :

لوک مینہ منگ کے وڈے خوش ہن جو دھرتی ٹھر بگی
دانا دانا ہن نانویں دا وی نال آون لگے

یا ایہ شعر :

میں ناہ آکھیا چٹ تے کھڑ کے مینہ وسواون سوکھا نہیں
واچھڑ تون تھئی سردی چھتری لیریں لیر کتیریں دانگ

بارش تاں اللہ تعالیٰ دی رحمت اے پر دماں انج ہمیشہ اینویں نہیں ہوندا۔
یاد ہن گزریئے ہوئے ساون دیاں ظالم بارشاں
ایں دفعہ ساون دے او منظر نظر مگدی نہیں

میں سنیے اُتھ پنچ ڈتے فصلیں کون ظالم بارشیں
اتھ گزارا ہے درختیں دا فقط پنیال تے

وت ایں سال وٹھے مینہ انجھاں دھرتی ٹپیاں کھا گئی
پہلی سیڑھ دی جھ تے ویسہ گئے کئی ہیریں دے بھان^ٹ

ایں دفعہ چو پھیرویں واچھڑ دی رت ہے دوستو
اپنے کوٹھے توں نکل کیں ہٹی پناہ بگولو ودے

موسم سخت کراڑیاں رتیں واچھڑ وسدیں کتواں ڈینہہ ہے
قدرت دی منشا ہے یارو بچے لوکی کم نہ ونجن

بارشیں وٹن دا منظر تاں تساں ڈیکھ گھدے بارشیں دے نہ وٹن دا منظر وی کوئی انجھاں خشگوار
نہیں۔ ہن ذرا خشک سالی دے وچ دمان دے لینڈ سکیپ دا محسوساتی منظر :

کریہہ ہے سخت کریہیں تے ڈھیر پھل ڈسدن
میڈے وسیب تے ایں سال خشک سالی ہے

ایں نگر وچ تاں کریہہ دا ہے رواج عرصے توں
معجزہ ہے جو درختیں تے نمی ہے یارو

کریہہ دی حالت تاں تساں ڈٹھی ہے اوندے نتیجے اج جو کچھ تھیدے :

کیا خبر ایں سال وت کتنے زناور مر ونجن

ایں دفعہ میدان تے ساول نہ گھا کچھ وی نہیں

موسمیں دی اے بے یقینی دمان دے ہندے دے مزاج اج تلون پیدا کریندی اے۔ کریہہ
خشک سالی پچھلے سال دے بارشیں دی تباہی کوں بھلوا ڈیندی اے :

کریہہ ہے اتنی دعائیں منگدیں زبان چڑاٹھ تھی گئی ہے

میڈا خیال اے ایں خشک دھرتی تیں کوئی واچھڑ دھمال کھڈے

موسمیں دی اے سختی تے انتہا پسندی لوکیں دے مزاج وچ وی ہک کھوہراپن تے شک پیدا کر

ترے ماہی سرائیکی بہاولپور

ڈیندی اے جیون تے وسیب نال اوکوں اپنے رشتے کوڑے لگدن۔ خواہشاں تے امیدیں وی
دو کھا لگدین :

ہاڑ مانہ دا سجھ نظر دین خواہشاں
وقت دا اوچھن وی لیر و لیر ہے

یاوت این لگدے جو :

نکلاں باہر تاں نازک تن کو چھتی واچھڑ چھنبے
اندر بہہ کے پیلا بو چھن ہنجوں نال پیادوں
ایما وجہ ہے جو اقبال سوکڑی ہمیشہ واحد متکلم دا صیغہ استعمال کریندے کیونجو اوندے
کولوں ساری جگ ورتی ہڈ ورتی ہے :

میں نہ آکھیا ہا اچاں برف تے ٹرنا پوسی
سجھ وی نکھتے تاں او سردی کنوں جڑیا نکھتے

”کالے روہ چٹی برف“ تے ”ورقا و رقا زخمی“ کہیں دمانی دی زندگی دی۔ Pictogra-

phy ہے نہ صرف ایندے وج اوند ا موضوع object بلکہ اوند ا معروض Subject
وی انہیں کتابیں وج شامل ہے۔ پر ساڈے انج دا موضوع اقبال سوکڑی دیاں اے ڈوہائیں
کتاباں نہیں۔ انہیں دا ذکر ضمنی حیثیت انج آئے تاں جو اقبال سوکڑی کول اوندے وسیب
سمیت سمجھن وج ساڈی مدد کرے۔ ساڈا موضوع اوند ا گلا سفر ہے یعنی اوندی نویں کتاب
”لیر و لیر پچھانواں“۔۔۔

سیٹھ سٹیل ڈیزل حکیم

فون نمبر: 7432

اسلم خان موٹر ورکشاپ

دکان نمبر 10-11 رینو مارکیٹ چوک سرائیکی بہاولپور

ہمارے ہاں ڈیزل اور پیٹرول گاڑیوں کا کام تسلی بخش کیا جاتا ہے

ہاوی

ستنا پاکستان ہن دے ہاودی کالہ اے او ندے نال بھتاں ایج کہیں مونہہ کالا کھتا۔ لو مینے او
اے بھوک اپنے ڈاڈہ ایج پاوستی وستی پھردی رہی۔ ترسمیں اوکوں ایکہ۔۔۔ توہاں، توہاں بہہ کرن ہا۔
پتہ نہیں کہند اپاپ ہوسی؟ ول بک اہنہ او لوئیں ای بھتاں ایج کھنائیں ہال جاء رت دے بھرے
کپڑیاں نال اوکوں بے کنوال دے ہو ہے اکوں رکھ کئی۔ اے مویا ہو یا ہال ہئی۔ ایں وقوسے دے
ترسمے ڈنہہ ای کنوال مرستا!

ڈاڈہ ہارھاں کوھاں دے گھیر ایج او ساریاں وستیاں پھردی راہندی ہئی لسانی والہ، حاجی
وستی، گرمانیں، سیالیں، رانویں..... پر او ندا مستقل ٹھکانا قاضی وستی۔۔۔ سید حسین شاہ دا کمر ہا جیں
اوکوں پاکستان ہن دے بادامان ڈتی۔ انہاں وستیاں اچوں کچھ کمر اں تے او ندا اندر دا اتار ہئی او ہن
محبت نفرت کوں کھنائیں اپنے وچوں چاندی ہئی۔

رانویں او صرف بی بی سلطانوں دے کمر تگے ہا۔ سلطانوں فی اپنی شادی دی ناکامی پچھوں
اپنی باقی عمر بھر انواں دے ہال سا بھن تے تسبیج پڑھن ایج گزار ڈتی۔ بہوں مذہبی تے بے بہا محبت
کرن والی او ندی شخصیت دا بنیادی کچھ او ندا اکھنڈھا..... ایں گالوں او ندی مولی صاحب نال وی نہی
مندی..... جیہڑا وستی دا بک سیانا تے عالم آدمی ہاتے رشتے وچ سلطانوں فی فی واسوتروی۔

جیویں یاد پوندے او کے دے پاروں ظاہر تھیوے ہاتاں سارے ہال ہاوی..... ہاوی
کریندے خوشی کنوں نہال تھی وچن ہا، بک ادھ ہال بچ کے سلطانوں فی کوں اے خبر وچ ڈیوے ہا
..... ہاوی آندی پئی اے، ہاوی آندی پئی اے۔ اے سن کراہیں سلطانوں فی..... اسمان دو مونہہ کر
میھاں بک لباسٹھا اساہ بھر کے آکھے ہا۔ یا میڈا مالک!..... ایندا مطلب او کھیں اپنے اندروں چاندی
ہئی جیویں واقعی اللہ میاں نال اونڈیاں اکھیں چار تھیاں ہون۔..... وت فوراً ای جیویں او ندے
لو لے جتے وچ بند پئے وچے ہا۔ او اپنے سردار وچ چھن سہلیدی، بک ہتھ وچ تسبیح نال..... کھیں
کھیں ٹردی ہاوی کوں راہ وچ بھاکل آن پاوے ہا..... ہالاں دے ہجوم نال او ہاوی کوں اپنے گھر گھن
آوے ہا۔ لیس لیس لالوں بھری کوہتری، کجڑی ہاوی کوں جتے ہاتے رووے ہا اوکوں دھنوا، سیندھ
سرے کراہی عبادت توں جیویں ویلی تھی..... کھنائیں تسبیج دے دانیاں وچوں لاوے ہا.....

دے ماہی سرائیکی بہاولپور

”ہاوی تاں پورب دے ہیل اے انہاں غریب وستیاں اچ ساڈے ہال کھڑاؤن آندی اے۔“

ہاوی ہمیشاں کچھ نہ کچھ الیدی راہندی ہئی، بھانویں جو اوندی زبان سمجھ نہی پوندی۔ وت وی ایویں لگدا ہا جیویں او بالال دی زبان ودی الیدی ہووے ہر ویلے کھدی او سلطانو فی دی دیاں گھلاں ٹھکاں نال بھر ڈیوے ہا اوندے ونجن دے مہینیاں باد تیں فی سلطانوں پہوں خوش خوش راہندی ہئی اے گالھ اوندے بھر انواں کوں کڈاہیں وی سمجھ نہ آئی جو یکدم اے مراق ماری ہاوی کوں ڈیکھ کھڑ کھڑ کیوں ویندی اے۔ سید حسین شاہ ڈو جھابندہ ہا جیویں ہاوی دی محبت نصیب تھئی شاہ سمن سکول ونج استاد ہن تے باقی دا وقت دستی دے ڈاکھانے کوں وی ڈیندے ہن، چٹی سوہنی حیا والی بزرگی وچوں ہمیشہ ہک اندانہاں دے مکھ تے جیویں کھڈا ہووے۔ ہاوی اپنے ٹرنگ تے کھٹ نال جیڑھا اونداکل سمان ہا انہاں دے گھر بھدی ہئی، جیڑھے پیسے او کوں وستیاں اچوں اگڑن ہا شاہ جی کوں آن ڈیوے ہا پتہ نہیں او کوں کیوں تے کتھوں اے پتہ ہا جو شاہ جی پیسے کتھائیں بھیج وی سگدن او اپنیاں گھلاں پھکا، ہتھیاں نال پچھاں دے ول ہٹا نجیاں دو اشارے کر شاہ جی کوں سمجھاوے ہا پیٹا پیٹا ڈساؤن اے چاہندی ہئی جو اوندے ڈو پتران جنہاں کوں اے پیسے بھیجن، شاہ جی اوندی ترسلی کراتے پچھوں روون ول پہون ہا۔

یار پتہ نہیں کیا تھی گے ؟

بھگی سوائے وچھوڑیاں دے بیاڈے وی کیا سگدی اے ؟ او آپ نال آپ دیر تیں چھڑ ہا ہن ہا، جے تیں ہاوی جیڑی رہی لوکاں کوں غدر دی یاد وی ڈیویندی رہی ڈو ترے گالھیں، چھوہر (جیڑھے ہن وڈے تھی چکن) انج وی ہاوی دیاں یاد کر ہاندن ہک تاں او سخت چڑھدی ہئی کوئی ہال جے تلی تے او کوں پھوکا ڈیوے ہا ایندا مطلب او موت سمجھدی ہئی یا ڈو جھا، جے کوئی اوندی پوجا پاٹ اچ محل تھیوے ہا او ہمیشاں اپنی پوجا مسیت اچ بہہ کے کریندی ہئی مولی صاحب وی ایکوں برا نہیں سمجھیدے۔ اپنے سرتوں ولے وتاء پانی ترونک گھنٹہ گھنٹہ بڑ بڑ کریندی رہے ہا جیڑی بالال تاں بالال وڈیاں کوں وی کوئی سمجھ نہی پوندی جو پڑھدی کیا ہے۔ مسیت اچ بھاری ڈیون وی اوندی پوجا داحصہ ہئی مولی صاحب کنوں پچھو ہا، ہاوی کیڑھی زبان الیدی اے تاں آکھن ہا اے پور بھی زبان اے جے اگوں پچھو ہا پور بھ کوئی ملک اے ؟ تاں کاوڑ اچ ولد اڈیون ہا، تیں کیا کرتے ؟ ونجنے ؟ شیت انہاں کوں آپ وی ایندا پورا نہی پتہ۔ ہک ڈینہہ مستو ہونے دا گڈھوں مسیت اچ وڑ آیا وت کیا ہا ہاوی گھر گھر ایند انروار کیتا بالال او نکوں پہلی دفعہ کاوڑ وچ

ڈٹھا..... آخر اوں اے شکایت مولیٰ صاحب اہوں ونج کیتی..... اے جاہل ان..... جاہل۔ اشاریاں اشاریاں وچ مولیٰ صاحب پاوی کوں سمجھایا وچوں او آپ وی رنج ہن..... جو انہاں موسلیاں توں تاں پاوی چنگی اے، کڈاہیں کڈاہیں پاوی کچھ دیر کیتے ٹھیک تھی ویندی ہئی..... او ندے جملے پورے تے رہو وچ ہوندے ہن..... پر سمجھ وت وی نہی آندی جو او کیمڑھی زبان الیدی اے..... او ہندو وی جیمڑے اتھاں سرائیکی الیدی ہن..... او ندی زبان گھٹ ودھ سمجھن ہا، پاکستان ہن توں پہلے او کوں ہک ہندو سیٹھ مل گھن آیا ہا اوں وی اہوں قصائیاں دے ہتھ وچ ڈتی..... تے بھگی ویلے کوئی او ندا سک نہ تھیا ہن او اینجھیں ملک وچ راہندی ہئی جیدہ نقشہ صرف او ندے تن تے ہا۔ باد وچ کھلیا جو او حیدر و ملنگ دا گڈھوں نہی حقیقت وچ اے وستی آلیاں دی متفقہ افواہ ہئی جو حیدر و ملنگ تے مولیٰ صاحب ولا کڈاہیں ہک ڈو جھے دامنہ نہ ڈیکھن..... گڈھوں مستو ہونے دا ہا..... لوکاں حیدر و ملنگ دا ہلا ڈتا۔ ڈو جھی ڈینہوار ملی ملی سلطانوں پاوی کوں اپنی بانہ تے چھری وانگوں ہتھ چلا کے او ندے ڈڈھ وچ انگل پوڑ کے سمجھایا جو میڈی وجہ توں کل وستی وچ شر تھئے..... جیدے بارے اندری اندر کھائیں او آپ وی سوگوار خموشی محسوس کیتی و دی ہئی جیدہ ہستی وستی تے گزری نماشاں کنوں طاری ہئی..... جیویں کچھ تھیا ہووے..... پر ہالاں وانگوں پاوی کوں وی اے سدھ نہی پئی پوندی..... جو وستی وچ تھیا کیا ہے؟ ملی ملی سلطانوں دے سمجھاوٹ پچھوں اوں تے ایں خموشی دا بھیت کھلیا..... پہلی دفعہ جیویں او ندی یاداشت ول آئی ہووے..... او کھائیں ڈکھی ہئی، انجھیاں ڈکھ جیمڑا بگھپ دے باوجود وی او ندے چہرے توں ظاہر ہا..... او راماں، اللہ، راماں..... اللہ..... راماں، اللہ کریندی چلی گئی۔ اے راناں دی وستی او ندا پھیکڑی پھیرا ہاوت او کڈاہیں نظر نہ آئی..... ایندے نال ای ہالاں توں جیویں انہاں دی کھل رس گئی ہووے..... آہدن پاوی ایندے باد کھڑا مل گھدا..... چھی مہینیاں پچھوں جڈاں فرقہ پرستاں سید حسین شاہ دے گھر کوں ساڑیا..... جیدی سبھ توں ڈھیر مذمت مولیٰ صاحب کیتی، پتا لگیا جو پاوی مر گئی اے۔ ☆

ڈینہ وار

جھوک

ملتان

سرائیکی زبان دا کلہا ڈینہ وار اخبار روز ڈپہاڑی دیاں تازیاں خبراں تے مضمون

سرائیکی وسیب دے سیاسی، سماجی، علمی، ادبی حال احوال

آپ پڑھو تے سنگت کوں پڑھاؤ ————— رابطے سانگے

ظہور احمد دھریچہ چیف ایڈیٹر ”جھوک“ قلعہ کنہہ قاسم باغ ملتان

ترے ماہی سرائیکی بہاولپور

من موج میلہ

میں نکلے ویلے کنوں تنہائی پسند آں لوکیں نال پکھری کرن یا مجلس ارائی میڈے مزاج دے خلاف اے۔ پڑو جھے لفظیں اچ میں غیر سوشل آں۔ تموں تہ میلے تے ضرور وینداں کہ وڈے مجمع وچ ونج کراہیں انسان کھپ ای محسوس کریندے۔ تے اپنے آپ کوں اوں بھیڑ وچ گم کر چھوڑیندے۔ بالکل اپنے آپ کوں بھل ویندے۔ اتے ول جیڑ ہلے میلہ تریدے یا او میلے کنوں باہر نکلدے اتے اپنے آپ کوں نویں سر ملدے اتے دریافت کریندے۔ اوں ویلے اوندی لطف اندوزی بے مثال ہوندی اے۔ ناتاں تنہائی وچ تاں جیڑ ہی اپنے آپ نال محفل آرائی رہندی اے اتے انجمن خیال دا کرتا دھرتا ہوندے۔ او انسان کوں کتھاں ککھا تھیون دالطف چاون ڈیندی اے۔!

رسولپور دے نیڑے اللہ آباد (دھنگانہ) داسا دے چالیں دامیلہ، چام پور وچ مسن شاہ دا میلہ، کوٹ مٹھن وچ پیر فرید داعرے۔ ول سخی سرور سلطان دی وساخی، دیرہ غازی خان اچ تاریخی میلہ اسپان، ملتان اچ بہاولحق زکریا داعرے (سندھ وچوں غوث دے پاندھیاں دی آمد) شاہ لطیف بھٹائی دا اتے قلندر شہباز داعرے اتے تاریخی دھمال..... اہے میلے میلے..... ایسے عرس عرس..... میڈے سفر زندگی دے خاکے دے پہلے ادھ اچ اہے رنگ بھریندن، کہ جیدے نال باقی ادھ زندگی دی ست رنگی عبارت اے! کراچی و حیدر آباد شہریاں صنعتی اتے تجارتی نمائشاں۔ وٹکو وٹک دیاں کانفرنساں۔ سرکاری لوک میلے۔ اتے نذیر لغاری، زبیر رانا، علامہ اعظم سعیدی، مشتاق فریدی، سعید خاور، جاوید چانڈیو، انجم لشاری وغیرہ دے جشن فرید اتے سرائیکی کانفرنساں، قانون دے حوالے نال مختلف جیورسٹ کانفرنساں۔ اتے اہل قلم کانفرنساں اسلام آباد۔ وچ وی شمولیت کریندا رہیاں۔ جیڑ ہی جو سماجی ضرورت گھٹ اتے اوں ”ذوق میلہ“ دی تسکین زیادہ ہوندی ہئی۔ ہک دفعہ قانون اتے پڑو جھی دفعہ قلم دے حوالے نال بیرون ملک ایہو جیہیں میلیں وچ شرکت دا موقع ملیا ہا۔ لیکن خدا جانے کیوں۔!؟ قبول نہ کیتم۔!

دل ایس تھیا کہ اپنے ویسب دے دن وچ مریوالہ تے سرائیکی ادبی ثقافتی میلے دا نگارہ وچیا ہا۔ میں وی اجرک موٹڈھے تے رکھ ٹرپیوم اتے ونج شریک تھیوم۔ نگار اتاں عاشق بزدار وچایا ہا۔ شرناہ سرائیکی لوک سانجھ پھوکیا۔ پوری دھرتی کنوں لوک پلٹ پلٹ پئے۔ سارے سرائیکی مہاندے کٹھے

تھی گئے۔ اس میلے وچ ہر او شئے ہئی۔ جیڑھی کہیں وی ادلی ثقافتی میلہ نما کا نفرنس وچ ہوونی چاہیدی اے۔ میں ترے سال والے میلے وچ وی گیا ہم۔! سیں عاشق بزدار، تاج گوپانگ، جمیل دریشک، اتے جام تاج اوہے ہن انہاں نال میڈی محبت اتے نیاز مندی وی اوہا اے۔ میلہ وی لگدا ہو سی مگر میں ول نمی ونج سگیا۔!

ویسے میلے ہن اپنے اندر اچ ڈاڈھے سوہنے لگدن۔ جتھے سبھ کوئی آن شامل تھیدے۔ کڈا ہوں سڈیے نال اتے کڈا ہوں ہاسڈ دے۔ ڈاڈھی رونق رہندی اے۔ اس ”من موج میلہ“ دی۔ شہر زندگی دی ساحلی دیوار دے اور ہوں والے شہر دے واسی۔ توڑیں پاروں ابدیت دے بحر دے شاور۔ کہیں کوں جھل پل کوئینی۔ من میلہ کنوں وقت بچدے تہ کتاب میلہ لاڈیندوں چو پھیر کتاباں ای کتاباں۔ جیویں میلے اچ گھرو پھر دے ہوون۔ دل اتھو فراغت تھیدی اے تہ ”کلک و قلم میلہ“ لگ ویندے۔ دل لکھ لکھاں رہندی اے۔ کہیں کوں اساروں۔ ابھاروں۔ کہیں کوں اچاڑوں۔ لتاڑوں۔ کہیں کوں سنواروں۔ سنبھالوں کوئی پھنڈ والا کوئینی۔ ڈاڈھا مصروف وقت گزر دے۔! دوستیں کوں شکایت اے اتے میڈا خیال وی اے کہ میں کجھ تنہائی پسند تھی گیاں اتے غیر سوشل آں۔ لیکن اتلا سارے من اندر تے تن باہروں دے میلے بھجٹاؤن والا کیویں وقت کڈھ سگھدے کہ لوکیں نال میل ملاقات کریندا ودا رہے۔ مجلس آرائی تاں پریں دی گالھ تھی۔!

الکرہ

سو منٹس، بیکرز اینڈ فالوود شاپ

پاکستان کے ماہر کاریگروں کی زید نگرانی
خالص ویسی گھی سے تیار کردہ مٹھائیاں اور بیکری کا سامان

محمد حنیف، منور حسین چوک فوارہ بہاولپور

ترے ماہی سرائیکی بہاولپور

کمپنی دی مشہوری واسطے

میلے مار کے تے وُجھن دے تاں اساں منڈھ لا توں ڈاڈھے شوقین ہیں۔ جڈاں دا ہوش سنبھالیے سے نیڑے تیزے آلا کوئی میلہ نہیں چھیا۔ پچھلے ویسہ بنچو ویسہ سالوں کنوں ایہو کرتا ہے۔ اے میلے ملا کھڑے بھانویں ویسیب دی جبرہی چنداں ہون، ہک شے تہا کوں ہر جاتے نظر آسی۔۔۔ تے اوہن سوڈھے واٹر وچن آلیاں کمپنیاں۔ جنہاں دا آکھن اے جو او اپنی کمپنی دی مشہوری واسطے ہر میلے تے آندن۔ چھڑا اے نہیں بھل اے مشہور و معروف بزرگ ہستیاں تے مقدس مقامات داناں وی استعمال کریندن۔ جو کہیں نہ کہیں طرح کمپنی دی مشہوری ہر و بھر و تھی و نچے۔ مثلاً داتا سوڈھا واٹر کمپنی، شاہ شمس تبریز سوڈھا واٹر، غوث بہاول حق سوڈھا واٹر کمپنی، بغداد سوڈھا واٹر کمپنی، مدینہ کولڈ ڈرنک کمپنی، وغیرہ وغیرہ۔

میکوں یاد اے اے کمپنیاں ہک آنہ گلاس کنوں شروع تھیاں ہن تے لاؤڈ سپیکر تے ہوکا ڈٹی رکھدے ہن :
”ہک آنے دا گلاس پیو..... صرف کمپنی دی مشہوری واسطے..... آؤ ملک صیب..... آؤ خان صیب.....
ہک آنے دا گلاس..... کوئی دو کھانیں..... کوئی فراڈ نہیں..... تہاڈے سامنے مشیاں چل رہیاں نہیں..... صرف کمپنی دی مشہوری واسطے.....“

ہن اے گلاس ہک روپے تک بھیا کھڑے..... ڈونسلوں اے سوڈا واٹر پیندیں پیندیں جوان تھی گن، پر انہاں دی کمپنی اے مشہور ای نہیں پئی تھیدی.....

اے تاں ہر کہیں کوں پتہ اے جو کمپنی دی مشہوری واسطے عرس میلے بہوں اہم موقعے ہوندن۔ کیونجو اُلخی ملخی تماشہ تڑپکھن تے ون پونیاں شمس گھن کیتے کٹھی ہوندی اے۔ ایں موقعے توں فیدہ چنیدیں ہوئیں کچھ کمپنیاں اپنیاں شمس دی مشہوری واسطے آندن تے کچھ کوں شہرت نصیب وی تھی پوندی اے۔ مثال طور انہاں وچوں ہک عنایت بھٹٹی دی ٹھٹھر کمپنی وی ہئی۔ جئیں سبھ توں پہلے سرائیکی ویسیب اچوں آپنی فنکاری دا منڈھ بدھا، تے ول ہولے ہولے اے کمپنی فلم ساز بن گئی۔ کچھ سرائیکی فلماں وی بٹائیاں تے ول

ہر سٹل کمپنی دی مشہوری تھی گئی تے کمپنی پھر پئی تاں اوں پنجابی فلماں آلے پاسے زور رکھیا.....

اچھا سیں کچھ کمپنیاں ادلی قسم دیاں وی ہوندن وے..... پڑھیے گڑھیے بھرا تاں انہاں کوں ”لائی“ آہدن، پر اساں ایس گلہ تے یقین نہیں رکھیندے۔ کیونجو ”لائی“ تے ”کمپنی“ دے لفظی معنیاں اچ بہوں سارا فرق پاتا ویندے۔ جیکر اساں انہاں ڈوہائیں دے سرائیکی معنے کڈھوں تاں لائی دا معنی تھیں ”ستھ“ تے کمپنی دا مطلب ہوسی ”سنگت“۔ ایندے بعد میڈیا خیال ہے جو ہن کمپنیں ہٹی تشریح دی اصولوں لوڑ کینی۔

ایسو جیہاں کئی ادلی کمپنیاں ساڈے وسیب اچ موجود ہن جنہاں اچوں بھن تروڑ کمپنی، ڈٹھ وٹھ کمپنی، ٹھر کی مزاج کمپنی، جھر لو پھیر انٹر پرائز، ٹھک ٹھوں اینڈ کو، آچھڑ چھانڈ اینڈ برادرز، وڈ وھر کی پارٹی، پھو تل اینڈ سنز، ٹبر پال کمپنی، دھاڑیل ادلی سنگت، کھاڑے مار کمپنی، زیٹم واٹ کمپنی تے آپ تڑاپی کمپنی..... وغیرہ وغیرہ قابل ذکر ہن۔ پر فی الحال اساں پہلی تے چھیوی یعنی صرف ڈو دا ذکر صرف کمپنی دی مشہوری واسطے کریوں..... باقی اگلی قسط اچ۔

پہلی بھن تروڑ کمپنی دا منشور ای اے ہے جونت نواں تجربہ کرو، بھانویں او تجربہ ادب اچ روایت دی پوڑی تے چڑھے تے بھانویں منڈھوں نہ چڑھے، تاں تجربے توں تجربہ تے بھن تروڑ کیتی آؤ..... ایہا وجہ ہے جو اکثر اوہک گلہ آہدے و دے ہوندن جو وچوں کوئی ہٹی نویں گلہ نکل آندی ہے۔ بالکل قوال گاؤن آلے گویاں دی کار، جیویں ہک قوال مصرعہ گاندا پیا ہوندے جو وچوں ڈو جھا راگڑی مار نکل آندے۔ ایس کمپنی دے ڈھیر سارے ممبراں اچوں ڈتن، میرو، مدو، ڈیوایا وغیرہ سرکڈھویں مانس ہن۔ انہاں دا دستور اے ہے جو ڈتن، میرو تے مضمون لکھسی، میرو مدو تے، مدو ڈیوایا تے، تے ڈیوایا ڈتن تے..... ول ڈڈھپ اے جو ایہہ سارے دے سارے مضمون ہک رسالے وچ ہکے واری وڈی دیدہ دلیری نال کمپنی دی مشہوری واسطے چھاپے دیں..... پر کمپنی اے مشہور ای نہیں پئی تھیدی.....

ہٹی کمپنی جیدی مشہوری دا اساں تہاڈے نال وعدہ کیتا ہے..... او ہے ”آپ تڑاپی کمپنی“۔ جیاسیں! جیویں جوناں کنوں ظاہر ہے، اے کوئی ڈھیر ہدیاں دی کمپنی کینی، بھل یکدماں ہکے چنے دی نوٹکی تے مک مل مہاگی کمپنی ہے۔ قدرت موصوف اچ ہکے ویلے کئی صفحاں تے گہناں کوں کٹھا کر ڈتے، تے اپنے من اچ ہر دم ہک انجمن دی طرح ہوندن۔

ایں کہنی دے "All In all" ساڑے ہانٹن آ لے ہک ماسٹر صیب (کچھ عرصہ پہلے پروفیسر سمنڈے ہن، پر اہل ڈاکٹر سہیدن) ہن۔ آپ دی شخصیت کوں میں کہنی اکھ تے تہاڑے ہال کھل ہاسہ لکھ کینا، بھل حق جج انہاں دی شخصیت "انجمن" دی کار ہے..... ڈبل ٹریپل ایم اے ہاں سڈے ہاسے، پر انہاں کوئی در جن کھن ایم اے، ڈڈھ در جن ڈپلومے، ڈاکٹری دے کورس کوں علاوہ ان گنت صوفیانہ سلوک دے چلے دی کئیے نیں۔ چھڑا لے نیں، بھل سرائیکی، پنجابی، اڑو، ہندی تے سندھی شاعری تے احسان فرماؤں توں علاوہ تراجم، افسانے، ڈرامے، تحقیق تے تنقید دے میدان اچ وی کہنی دی مشہوری واسطے زور ازمائے نیں۔ اپنے فن تے شخصیت بارے ہد ہنے آ لے زمانے کوں گھن تے موجودہ دور تک دے فوٹوواں تے مشتمل ہک کتاب..... دل بٹی کتاب چھپوائی نہیں..... پچھلے دیرہ پنجویسہ سالوں کوں "آپ تڑاپی کہنی" آپنا تن، من تے دھن لا بیٹھی اے..... پر سوڈھے واٹر آلی کار ایں کہنی دی مشہوری نہ تھیونی ہی نہ تھی اے..... ہن سٹے سے دنیادی ناقدی کوں تک آتے تبلیغ داکم شروع کر ڈتے نیں..... تے اے وی..... کہنی دی مشہوری واسطے.....

نیو بہاول پور موتی چور ہاؤس

فاضل سینٹر بالمقابل قائد اعظم میڈیکل کالج سرکلر روڈ بہاولپور


موتی چور ہاؤس والے ہمیشہ کی طرح نئی وراکٹیاں پیش کرتے ہیں

ہماری فخریہ پیش کش رس ملائی اور زعفرانی ٹھنڈے رس گلے ہر موسم میں دستیاب ہیں
 ☆ بادام پاک ☆ پستہ پاک ☆ سنگاپوری سموسے ☆ ریوالہ بیڑے ☆ کلکتی لڈو ☆ مولی پاک
 ☆ گلاب قلاقد ☆ اورنج برفی ☆ ونیلا برفی ☆ ہائن اپیل ☆ رس گلے ☆ بنگالی رس گلے
 ☆ ملائی چانپ رس گلے ☆ ملائی چانپ گلاب جاسن ☆ من پسند شاہی پیس اور نمکوکی
 مکمل وراثی دستیاب ہے

صدر سویٹ ایسوسی ایشن موتی چور والے فتح خان

بازار بہاولپور فون نمبر ۸۸۱۷۳۰

استاد ایم صدیق



صابر چشتی

ساڈا جیون تھل

کئی نہ ساڈے دروونڈا دے

کئی نہ ساڈا تھیوے

اپنا آپ تاں جیوے!

اساں وی تاں جیدے جی ہیں

ساڈا جیون تھل

تھل دے اچے اچے بچے

ساڈے تاج محل

مٹاں کوہاں دے پندھ ان ساڈے

کئی نہ رلے چلے

جیدیں کئی نہ رلے

اساں اپنے تھل کوں، اپنی

اکھ داپانی ڈیسوں

اپنا آپ ویسیوں

مزمل حسین

ونگو وانی

ہک اینجھی تریمت ڈٹھم

جیدے ہتھ اچ سوئی

سرتے چھبا

لیر کتیراں بو چھن اوندا

میل کچلیاں کالیاں لٹوں

وینی ونج نہ ونگاں

من کجل دے اکھیں اوندیاں نہ کوئی خواب خیال

کچھ اچ ننگا پال

واہ آدم دی آل

ترے ماہی سرائیکی بہاولپور

تانگہ دی درساں

امیداں دی سوہنی نیچر
اکھ وچ آس دا کجلا پاتے
تانگہ دی درساں تے بہہ تے
راہ بھالے تاں کے تیں بھالے
انت ایس تانگ توں عاجز تھی تے
اپنی پکی پت دے آکھے لگ تے
اپنے پیار دے کچے گھڑے دے بھرنے
پریت کوں امر کرن دی خاطر
اودل دا چاکر فوکر گئی
ویندی سیڑھ اچ
دھو کر گئی !!

مال

ہک الھڑ نیار
ہو ٹھاں تے سرخی لاتے
بگھاں تے لپ لپ پوڈرتے لالی
زلفاں اونندیاں چھلے چھلے
بگلی دے وچ ویندی پئی ہی
میں اونکوں بھٹ جو آکھیا
فٹ اوپولی
پہلے ایہ ڈس
تیڈے کھیسے اچ
چو کھامال اے !!

چار نظماں

کنجہری

اوسرک تے بنی ہوئی
سبیل دی کارہے
جیوں کہیں نال وی وانج کاسی
جھٹھاں تے
بہہ تر یہہ لہیدن !

سنہجان

دریا سمندر وچ لہ تے
اپنی ہستی ونچا بہدن
پر میں سمندر وچ لسن والا
اوقطرہ نہیں
جیڑھا اپنی سنچاں ونچا بہوے

پاگل بندہ

ہک بیا بندہ میڈے اندر رلے جھٹ گزریںدے
جیڑھا ہر ہک موڑ تے میکوں پٹھے رستے لیدے
حُسن پرست قیامت دا ، جتھ سوہنی مورت ڈہدے
ہوش حواس توں باہر تھی کے چدے جھمیریں پیندے
ہر دشمن کوں ودست سمجھدے ، چاٹ کے دھوکا کھاندے
آپے اوکھیاں نیٹاں لیدے ، آپے پہہ پچھتاندے
لوکاں دیاں خوشیاں دی خاطر ، اپنا چین ونچیندے
ڈکھاں دے وچ لذتاں چیندے ، اوترے ونج کریںدے
دنیا داراں کولوں ڈردے ، بچ بے جان چھڑویندے
ہر نقصان کوں ہر فیدے توں چنگا کر سمجھدے
بھنیاں قبریں ، اجڑیاں گستاخاں وچ ونج کھڑیندے
کالیاں راتیں وچ سبیاں راہاں تے ونج رلیدے
پاگل بندہ پاگلاں وانگوں حال حوال کریںدے
اے جیڑھے میں شعر لکھیداں اوہو پہہ لکھویندے

ترے ماہی سرائیکی بہاولپور

نظم

اومنی بساں
اپنے اپنے
روٹاں اتے
جیویں ٹورو
انویں ٹردین
فالتوگا لھیں

بلیاں
پالتو بلیاں گھراں اچ رہندن
چھچھڑے ہڈی پچھوں
پولے پیریں
”میاؤں میاؤں“ کریندیاں ودن
فالتو بلیاں
شہر دے ہوٹل دے باہروں
فالتو بلیاں دا کئی ہک گھر
یا کئی ہک ٹکاناں نی ہوندا

آوی دا بالن
سکھ کانے تیلے
سکھ کانے تیلے
ٹک ٹک ٹک
دھواں دکھیا دکھیا
کھوں کھوں کھوں
پنجرہ تھکیا بنیا
تندئیے تن در دیلے
تھیں رہ گئے ایکسرے
جیون دے سب حیلے
آوی دا بالن
سکھ کانے تیلے

غزلاں


سوچیں تے برقاں کھیڈن بھائیں زبان تے
ایہ رت وی اسّاں ڈیکھنی ہوسی جہان تے
رل وسدے جیہڑے غاصیں داہتھ فراخ ہے
ہو سجدے اکھیں رکھ گھن میڈے مکان تے
لکھ وار اپنے سر بتے کرے بھیڑ آدمی
لوکیں تبرا کرتے اوندے خاندان تے
اصلی پھلیں دا جیڑھاوپاری ہا اج اوہو
کاغذ دے پھل سجائی کھڑے اپنی دکان تے
شہباز رہ گئے اپنی روایت دے ماں تے
کانویں دی ٹولی پہنچ گئی ہے آسمان تے
ایڈاوی کوئی گنوک نہ ہووے اسّاں سواں
جوے دی سوچ رکھے نہ گنولے زیاں تے
لگدی ہے رُمی رت کوں رفیق سیانا تھی
نرمیش دے گلاب نہیں کھڑدے چٹان تے

گجھڑے کینہی میں توں حال محلے دے
میڈے گھر وچ پڑھدن پال محلے دے
در کھڑکوں تاں اندروں تاڑی وچدی ہے
گاٹھھے ایں ہن ہک بجے نال محلے دے
کرسی تیں ایویں کینہی پناں بچڑا
ماء کیتے ہن پوہریے پال محلے دے
ہکے تھاں دا کھادا جیڑھے بھل ویندن
اتھے وی ہن کئی بچ پال محلے دے
کوئی کہیں واگروان جھلے میں کب وینداں
میڈے سینے تے ہن وال محلے دے
کہیں ویلے تاں سوھنیاں دا تڑو گھر سن
وٹاں هل کھڑدن مہینوال محلے دے
گٹراں دی ہروز رفیق غذا بڈن
کیڈے لا وارث ہن لال محلے دے

ترے ماہی سرائیکی بہاولپور

اینویں نہ تانگہ تانگہ توں اکھیں کوں پال تے
 اکھیں عذاب ڈیکھنے خواہاں کوں پال تے
 ڈیہاں کوں سیک سیک تیڈے رنگ روپ دا
 راتیں کوں ریس ریس تیڈے وال وال تے
 خوشبو دا غت بھاگ تاں کہیں دا نصیب تھے
 ساکوں مسابگیا کوئی رنگاں دی جھال تے
 گالھیں دے لوک تیز تے ہولن تے مان ہا
 قصہ تھے مختصر تیڈی چھوٹی جی گال تے
 پوربیے دا بھوگ بھوگ تے ولسوں ملن دے سانگ
 چوڑا تے بانہ چوڑیلی رکھیں سنبھال تے

کے تیں کہیں دی تانگہ بنگہجے کے تیں کانگ اڈاروں
 کے تیں کہیں دے رستے بھالوں ، اپنی واٹ نہاروں
 سارے سنگ مترائے پاروں ونج نہ پار پرانے
 اپنے ، پچے ، سکے ، سوہرے ساہی سنگ ارواروں
 اکھیں دی درسال تے آخر کے تیں ہنجوں ہاروں
 ساہ ساہ کوں سکرات لگی نت پپلیاں روز جھپاروں
 اندروں ہاڑ ہنالا کالا اکھیں وسدا سانوں
 چلو سینے سیک سوایا داون کوں تاں ٹھاروں
 جھوکاں چھوڑ تے ونج نہ سانول مولا ماڑ و سینی
 روہی ریت دے کنڈے کمرے پپلیاں نال پہاروں
 آخر سچ دا موسم آسے تھیں حداں جاری
 آہک ڈوجھے کوں گل لاتے سولیاں آپ سنگاروں




چیدی ساز تے گنگا سر پکڑے ، چیدی جمنہ صفت بیان کرے
 چیدی لات منات دی ریس کرن ، مہاراج کوں جو حیران کرے
 جیکوں مندر دی سلھ سلھ رووے ، چیدیاں قسماں خود بھگوان کرے
 اوں صنم دی سبقت گول انج ہاں ، کوئی گول ڈیوے احسان کرے

اکھیں محو تھیاں ہک مرکز تے ایہا رمز السستی کھا گئی
 ملیے درس شہود وجود والا ، نہ ہووٹ ہستی کھا گئی
 مے خانہ وحدت وچ اچکل ، مے خوار کوں مستی کھا گئی
 دل سبقت حسن پجارن کوں ، ایہا حسن پرستی کھا گئی

پھٹ پھٹ دی ہے خیرات پنی لا سینے پھٹ اساں ٹر ویسوں
 در در تے پنٹاں کم ساڈا ، سر نیواں سٹ اساں ٹر ویسوں
 پکھی واساں نال نہیں شر ٹھہدے ، اجھو کیری پٹ اساں ٹر ویسوں
 جھیرا جھیرا کے سبقت کیا کرنے ، بیٹھوں جھٹ داجھٹ اساں ٹر ویسوں

مشتاق احمد سبقت



نہ بھن قاصد نہ جھنکاں ڈے ، تھی بے وس نین اچھل پوسن
 جے نکھتی کوک فقیراں دی ، در نال دیواراں ہل پوسن
 تن حضرت عشق جلا چھوڑے ، ساہ سیک توں بھاہیں ہل پوسن
 جے سبقت انج کوئی دھاں ماروں کائنات دے پتھر ڈل پوسن

انتخابات سرائیکی ادبی مجلس (رجسٹرڈ) بہاولپور

سرائیکی ادبی مجلس بہاولپور دی انتظامیہ کو نسل دے ممبراں دی چون اچ مورخہ ۷ مارچ ۱۹۹۹ء کو پیشیں ویلے دفتر مجلس ”جھوک“ وچ محترم سید فیض اللہ شاہ دی نگرانی وچ جتھی۔ اے چون ڈوسال (۱۹۹۹-۲۰۰۱) کیتے ہے۔ انہاں چونوئیں ممبراں داناں کچھ ایں ہے۔

۱	سید دین محمد شاہ	صدر
۲	ممتاز جاوید ملک	نائب صدر
۳	محترمہ انجم گیلانی	نائب صدر خواتین
۴	حاجی محمد مشتاق علی	جنرل سیکریٹری
۵	رشید احمد قریشی	ڈپٹی سیکریٹری
۶	خواجہ نعمت اللہ	اسسٹنٹ سیکریٹری
۷	جناب رحیم طلب	ناظم شعبہ مطبوعات
۸	جناب محمد زکریا چغتائی	ناظم شعبہ مالیات
۹	جناب محمد افضل راہی	ناظم شعبہ نشر و شاعت
۱۰	جناب حفیظ الرحمن	ناظم شعبہ تقریبات
۱۱	حکیم فضل حسین ذوق	ناظم شعبہ قرآن و حدیث
۱۲	محترمہ بتول رحمانی	ناظمہ شعبہ خواتین

عمدے داران تے اراکین دی حلف برداری دے بعد جنرل کو نسل پٹھلے امیدواریں کوں
پنج سالیں کیتے نگران کو نسل دے رکن دے طور تے منتخب کیتے۔

۱	جناب سید فیض اللہ شاہ
۲	جناب میاں حسنین حیدر
۳	جناب سید دین محمد شاہ گردیزی

۴	جناب ڈاکٹر محمد شاہد خلیق
۵	جناب محمد ریاض خان خاکوانی

ایندے بعد نگران کو نسل متفقہ طور تے سید فیض اللہ شاہ صاحب کو اپنی نگران کو نسل دا رکن چنے یاد راہوے جو انتظامیہ کو نسل دی چون نومبر ۱۹۹۷ء کوں تھیونی ہی جیڑھی کچھ حضرات دی ”دانشوری“ دی وجہ توں وقت تے نہ تھی سگی۔

انج دی چون باہی رضا تے پر امن ماحول وچ تھیون تے حاجی محمد مشتاق علی صاحب جملہ اراکین جنرل کو نسل کوں مبارکباد ڈتی تے جناب فیض اللہ شاہ تے جناب سید دین محمد شاہ دی مجلس کیتے بے لوث خدمت کوں سراہیا۔

جناب سید دین محمد شاہ جنرل کو نسل دے معزز اراکین دا شکریہ ادا کیتا تے اپنے خطاب وچ آکھیا جو انہیں کوں اس بھر پور اعتماد توں نواں حوصلہ ملیے تے او اپنی کم مائیگی تے مصروفیت دے باوجود مجلس دی نیک نامی کیتے اپنی کوشش جاری رکھیں۔

بعد وچ انہیں قرار داداں پیش کیتیاں جیدے ذریعے محترم جناب ڈاکٹر شفیق خان وائس چانسلر اسلامیہ یونیورسٹی کوں خراج تحسین پیش کینا گیا جو انہیں حضرت خواجہ غلام فرید رحمۃ اللہ علیہ دی صد سالہ تقریبات کوں شایان شان طریقے تے منایا۔ انہاں تقریبات نال سرائیکی خطے دی علمی، ادبی تے ثقافتی روایت کوں نویں زندگی ملی اے۔ سرائیکی ادبی مجلس دا انج دا اجلاس عام ”حضرت خواجہ غلام فرید چیئر“ دے قیام تے وی محکمہ اوقاف، حکومت پنجاب دی سرپرستی، جناب وائس چانسلر صاحب دے تدبیر تے جناب جاوید چانڈیو انچارج شعبہ سرائیکی دی خدمات تے وی تشکر دا اظہار کریندے۔ تے ممنون احسان ہے۔

۲: بعض نقصان چھاؤں والے دانشوراں دی مقدمہ بازی نال مجلس دے معاملات وچ جو خرابیاں تے الجھاؤ پیدا تھئے تے بدنامی تھئی اے انج دا اجلاس عام ایندی پر زور مدت کریندے تے ایندی بنیاد تے مجلس دے ڈوار کان دی بنیاد رکنیت ختم کرن دی منظوری وی ڈیندے۔

آفس سیکریٹری محمد ریاض انجم پچھلے سالیں دی مالیات رپورٹ پیش کیتی۔ ساری جنرل کو نسل، مجلس انتظامیہ تے نگران کو نسل سابقہ سارے اخراجات دی منظوری ڈتی۔ سید فیض اللہ شاہ کنویز نگران کو نسل آکھیا جو اے رپورٹ سہ ماہی سرائیکی وچ شائع کیتی ونجے۔ ساری جنرل کو نسل دی تحریک تے مجلس لائبریری دی قفل کشائی وی کیتی گئی۔ ☆

دیرہ غازی خان وچ ”خواجہ فرید قومی سیمینار“

جغرافیائی طور تے ڈیرہ غازی خان ملک دے چاریں صوبیں دے درمیان واقع ہے۔ ایں وجہ توں مختلف خطیں دی لسانی تہذیبی تے ثقافتی رنگینیں دا بہوں سوہنا سنگم ہے۔ ایندے شمالی سرے تے عظیم روحانی پیشوا پیر پٹھان حضرت خواجہ شاہ سلیمان تونسویؒ تے جنوبی سرے تے عظیم صوفی شاعر عارف روہی حضرت خواجہ غلام فریدؒ جیسے شہرہ آفاق صوفی بزرگ تے اولیاء اللہ آسودہ خاک ہن۔ جنہیں دے مزارات مرجع خلایق ہن۔ مفکرین دی متفقہ رائے ہے جو انسان دی شخصیت تے کمال فن اوندی روح دی عظمت کنوں جنم گھدن۔ خواجہ غلام فرید جتنے وڈے روحانی پیشوا ہن اتنے وڈے سکالر تے باکمال شاعری ہن۔

نامور سفرنامہ نگار تے ادب پرور ڈپٹی کمشنر سید شوکت علی شاہ دی ڈیرہ غازی خان وچ آمد ایں گالھ دا اعلامیہ ہاجو اتھاں شعر و ادب دا موسم بہار آگئے۔ انہیں چیئر مین ضلع کوئٹہ ڈیرہ غازی خان سردار سیف الدین خان کھوسہ دے تعاون نال ”کل پاکستان مشاعرے“ تے ”خواجہ فرید قومی سیمینار“ دا اہتمام کیتا اے ڈوہیں عظیم الشان تقاریب ”مجلس تقاریب ملی“ دے زیر اہتمام ضلع کوئٹہ ڈیرہ غازی خان دے تعاون نال ۱۰ اپریل ۱۹۹۹ء کوں روایتی شان و شوکت دے نال منعقد تھیاں۔

”خواجہ فرید قومی سیمینار“ سرکٹ ہاؤس ڈیرہ غازی خان وچ شام چار وچ منعقد تھیا۔ چیئرمین صدارت صوبائی وزیر سردار ذوالفقار علی خان کھوسہ کیتی۔ ڈاکٹر شہزاد قیصر سیکرٹری تعلیم پنجاب مہمان خصوصی ہن، رانا مقبول احمد خان کمشنر تے سردار محمد سیف الدین خان کھوسہ چیئر مین ضلع کوئٹہ اعزازی مہمان ہن جڈال جو نظامت دے فرائض راقم (جاوید احسن خان) انجام ڈتے سیمینار دا آغاز حسب روایت تلاوت کلام پاک تے نعت شریف نال تھیا چیئرمین سعادت بالترتیب قاری شاہنواز خان کھترانؒ تے مشہور شاعر مظفر وارثی کوں نصیب تھئی۔

خواجہ فرید قومی سیمینار دے میزبان چیئر مین مجلس تقریبات ملی سید شوکت علی شاہ ڈپٹی کمشنر آکھیا جو ڈیرہ غازی خان دی عوام خوش قسمت ہن جو ملک دے نامور شاعر ادیب تے مقالہ نگار انہیں دے مہمان ہن تے انہیں مہمان ہستیں دی اے خوش بختی ہے جو اوانج ہک اچھی ہستی کوں خراج عقیدت پیش کرن کیتے کٹھے تھئے ہن چیئرمین شاعری، تعلیمات تے فلسفے اذہان کوں جلا بخشی تے دلیں کوں منور کیتا تے ہک اچھا آفاقی پیغام ڈتا جیڑا مسلمانیں کیتے مشعل راہ ہے۔ سید شوکت علی شاہ خواجہ

غلام فرید دی شاعری، فن تے فلسفہ وحدت الوجود تے اظہار خیال کریندے ہوئے آکھیا جو ڈاکٹر شکیل دے مطابق خواجہ فرید نے جیڑھے رنگ تے جیڑھے سوئے انداز وچ فلسفہ وحدت الوجود پیش کیتے اج تک کوئی شاعر تے فلسفی پیش نہیں کر سکیا۔ تے نہ ہی شاید کوئی آئندہ پیش کر سکے۔ سید شوکت علی شاہ آکھیا جو خواجہ فرید کوں خراج عقیدت پیش کرن دا بہترین طریقہ اے ہے جو چھڑیاں چالیں کرن دی جائے جو اساں سچی نیت نال انہیں دیاں سکھاوتیں تے عمل کروں۔ انہیں دی شاعری تے فلسفہ --- محبت، اخلاص، مروت تے حسن اخلاص تے پدھل ہے پر اچ جیڑھلے اساں اپنے چدھاروں دید بھویندے ہیں تاں بہوں ڈکھ تھیدے۔ بھر پل ساہ ڈیندی ہوئی تے غریبی ہتھ پدھیدی ہوئی، کاروانِ حیات تنگ ناکیں تے ڈراکلیاں گھانیاں وچوں لکھدا ہویا تے تے کارواں دی صدائے جرس کنیں وچ زہر وٹیدی ہوئی محسوس تھیدی ہے۔۔۔

ایندے بعد ملک دے مختلف حصیں وچوں آئے ہوئے دانشوریں، سکالریں تے شاعریں ایں عظیم صوفی شاعر کوں اپنے اپنے مقالیں تے انداز بیان وچ خراج عقیدت پیش کیتا۔ سبھ کنیں پہلے کوٹ مٹھن دے نوجوان محقق پروفیسر کلکیل پٹانی "خواجہ فرید پیغامبر انقلاب و اتحاد" دے عنوان نال مقالہ پڑھیا۔ سمن سیدہ افضل اپنے مقالے وچ آکھیا جو اچ میڈے شہر داستانہ اوج ثریا تے نظر دے کیوں جو خواجہ فرید دی ذات گرامی کوں خراج عقیدت پیش کرن کیتے اتھاں وطن دے مایہ ناز ادیب، شاعر، دانشور تے ادب نواز ترسمیں تے جوان کٹھے تھی پکین۔ مستوگ بلوچستان دے فاروق ہوریں آکھیا جو خواجہ فرید دے امار فائدہ کلام عوام تے خواص وچ کوسواں مقبول ہے۔ مظفر گڑھ دے پروفیسر سجاد حیدر پروج خواجہ صاحب دے نثری ادب تے کتابیں بارے اپنا تحقیقی مقالہ پڑھیا جو صوبوں بہوں پسند کیتا گیا۔

اسلامیہ یونیورسٹی بہاولپور دے سرانیکی شعبے دے استاد پروفیسر جاوید حسان چانڈیج "ہفت انگریزی تھانے" دے عنوان نال اپنا تحقیقی مقالہ پڑھیا جو صوبوں حاضرین دا اذھی توجہ نال سنیا تے سراہیا۔ ڈاکٹر طاہر تونسوی "نئے جہانوں کی تنقید کا شاعر خواجہ فرید" دے عنوان نال مقالہ پڑھدیں ہوئیں آکھیا جو "سرانیکی زبان دے عظیم شاعر خواجہ فرید دی شاعری دا کیونس کائنات دے وسیع تر پس منظر وچ کھنڈیے ہوئے ان گنت موضوعات دا منظر نامہ پیش کریندے"۔ ایں دوران وچ مہمان شاعرہ پروفیسر فرخ زہرا گیلانی (فیصل آباد) خواجہ فرید دے حضور منظوم خراج عقیدت پیش کیتا۔ پروفیسر الطاف اشیم اسسٹنٹ ڈائریکٹر چل چیمبر شاہ عبداللطیف یونیورسٹی خیبر پور اپنا مقالہ "چل سرمست اور خواجہ فرید میں فکری مماثلت" پیش کیتا تے تھیں کوں ایں موضوع تے

دے ماہی سرانیکی بہاولپور

حضرت خواجہ غلام فرید دے مقرب خاص میاں برکت علی دے پوترے تے ممتاز شاعر تے ادیب امداد نظامی تمغہ امتیاز جیڑھے کوئٹہ بلوچستان کنیں تشریف گھن آئے ہن، اپنے پڑھنے پر مغز مقالے وچ خواجہ صاحب کوں بھرپور خراج عقیدت پیش کریندیں ہوئیں آکھیا جو ”خواجہ صاحب دیاں کافیاں سا ازل تے سرمدی نغمہ ہن جیڑھیاں دل آلیں کیتے روح دی غذا ہن“۔ ملک دے ناں آلے ادیب تے شاعر احمد ندیم قاسمی (لاہور) اپنے کلیدی تے جامع مقالے وچ آکھیا جو ”جیکر ہو مرکنیں ہن تیں دے عظیم تے غیر فانی شاعریں دی گنتری کرتیجے تاں او شیت ویسہ پنچویسہ کنیں اہو تے نہ ودھسی تے اساڈے خواجہ فرید انہیں عظیم تے لافانی شاعریں دی صف وچ شامل ہن۔ انہیں انسان دین بنیادی تے جملی جذبیں دی تہذیب کیتی اتے اتنے سوہٹ تے توازن نال تہذیب کیتی جو محبت دے ازلی تے ابدی جذبے کوں عبادت دی جدتائیں پچا چھوڑیا“۔ مہمان اعزاز رانا مقبول احمد خان کمشنر دیرہ غازی خان آکھیا جو خواجہ غلام فرید آپنی مقبول عام شاعری وچ محبت تے اخوت، انسان دوستی، مذہبی رواداری اتے خیر تے فلاح دا جیڑھاد رس ڈتے اسا کوں اوں تے عمل کرنا چاہیدے تے قومی یکجہتی دے ودھارے کیتے ہر قسم دے فرقہ وارانہ تعصبات دا خاتمہ کرنا چاہیدے۔ ایہو قرآن تے سنت اتے اولیاء کرام نال محبت دا بہترین طریقہ ہے۔ مہمان خصوصی ڈاکٹر شہزاد قیصر (پی ایچ ڈی خواجہ فرید) اپنے انگریزی مقالے وچ ”خواجہ فرید دے نظریہ وحدت الوجود“ کوں موضوع بنایا تے نہایت فصیح انداز وچ ایس عقدے دی اوکھی گنڈھ کھلیندیں ہوئیں خواجہ صاحب دے ان چھوٹے انداز فکر کوں سو جھل کیتا۔

صدر تقریب سردار ذوالفقار علی خان کھوسے اپنے صدارتی خطاب وچ آکھیا جو ملک دے نامور محقق تے فرید شناس مقالہ نگاریں حضرت خواجہ فرید کوں اپنے اپنے رنگ تے اپنی اپنی سیونج موجب خراج عقیدت پیش کیتے کوئی اٹھھا پاسہ نہنہ چھوڑیا جیدے تے سیر حاصل حث نہ تھسی ہووے۔ انہیں آکھیا جو حضرت خواجہ فرید دی شخصیت روحانی فیوض تے برکات دا پونہا تے شاعری حکمت تے معرفت دا خزانہ ہے، ایہا وجہ ہے جو ویلے دے نال نال انہیں دی مقبولیت تے شہرت وچ بیاد و دھارا تھیدا ہے۔ انہیں آکھیا جو سا کوں خواجہ صاحب تے بہنیں بزرگان دین دی تعلیمات تے عمل پیرا تھی کر اہیں پیارے وطن کوں امن تے محبت دا پونہا بناوٹا چاہیدے۔ ایس موقع تے ہک یاداشت دے جواب وچ انہیں آکھیا جو مسلم لیگ دی حکومت اگست ۱۹۸۹ء وچ ایم اے دی سطح

تے تدریس کیتے اسلامیہ یونیورسٹی بہاولپور وچ شعبہ سرائیکی زبان و ادب قائم کیتا ہئی۔ ہن میں فی اے دی سطح تے کالجیں وچ سرائیکی زبان تے ادب دی تدریس کیتے استادیں دی تقرری دے منصوبے کوں توڑ چاڑھن کیتے ٹھوس اقدامات دا اعلان کرینداں۔ انہیں سیکریٹری تعلیم ڈاکٹر شہزاد قیصر کوں آکھیا جو او ایس منصوبے تے عمل درآمد کیتے ضابطہ دی کارروائی کرتے اخراجات دا تخمینہ پٹھن تاں جو ایس کوں آئندہ جٹ ایچ زیر غور اسٹے۔ ایس اعلان تے مجمعہ ڈاڈھیاں تاڑیاں نال خوشی دا اظہار کیتا۔ سردار موصوف پتھیرواچ خواجہ صاحب دے سوویں یوم وصال دے حوالے نال ”خواجہ فرید قومی سیمینار“ دے انعقاد تے ڈپٹی کمشنر سید شوکت علی شاہ، سردار محمد سیف الدین خان کھوسہ چیئرمین ضلع کونسل تے بہنیں تنظیمیں کوں ایس سر اہوٹ جو گے کم تے مبارکال ڈتیاں تے سیمینار ایچ شریک تھیون کیتے ملک دے مختلف حصیں تے شہریں کنیں آیل دانشوریں، شاعریں تے بہنیں معزز مہمانیں دا شکریہ ادا کیتا۔ ایس موقع تے عمر علی خان بلوچ جنرل سیکریٹری خواجہ فرید اکیڈمی ملتان دیوان فرید (ترجمہ تے شرح مولانا نور احمد خان فریدی) تے پروفیسر الطاف اشیم اسٹنٹ ڈائرکٹر سچل چیئر شاہ لطیف یونیورسٹی خیرپور، سچل سرمست تے لکھیل کتابیں داسیٹ سردار ذوالفقار خان کھوسے دی خدمت ایچ پیش کیتا۔ سیمینار دے بعد سردار ذوالفقار علی خان کھوسے ”کھوسہ ہاؤس“ وچ معزز مہمانیں، سکالریں تے شاعریں دے اعزاز ایچ عشائیہ ڈتا۔

ایس موقع تے پورے شہر ایچ جشن تے میلے ڈاسماں ہئی چیدے پس منظر ایچ خواجہ فرید دے عارفانہ کلام تے ماورائی کیفیات رکھن آلیں کافیں دے ریلے بول قلب تے روح کوں تازگی ڈیندے پئے ہن۔ بقول احسن :

ہر ایک بول تیرا پیار کا ہے مٹھن کوٹ
نیاز گاہِ محبت ہے چاچڑاں تیری
ہے عاشقوں کے گلے میں تری پریت مہار
تیرے فراق میں نالاں ہیں جٹیاں تیری
متاعِ شعر و ادب بھی ہیں لوک ورثہ بھی
میرے وسیب کا زیور ہیں کافیاں تیری

☆ روزنامہ ”نوائے وقت“ ملتان مورخہ ۱۹/اپریل ۱۹۹۹ء دے تھوریں نال ☆
(اردو کنیں سرائیکی ترجمہ خالد چانڈیو)

ترے ماہی سرائیکی بہاولپور

صد سالہ جشنِ فرید

بدلے پورب ماڑ ڈکھن دے کجے بھورے سو سو ون دے
چارے طرفوں زور پون دے سارے جوڑ و سادون دے

خواجہ فرید دا اے ہمد ہمیش نویں موسیٰ دیاں خوش خبریاں سُنیدارہ گئے تے جیڑھے ویلے
اسلامیہ یونیورسٹی بہاولپور دی خواجہ فرید چیئر طرفوں ۲۵ تا ۲۳ اکتوبر ۱۹۹۸ء کوں خواجہ فرید دے
وصال دیاں سو سالہ تقریبات مناوُن دا اعلان تھیا۔ تاں اے ہمد اپنی پوری معنویت سمیت وسیب دیاں
خواہشاں تے سکاں دا آئینہ بن گیا۔ اونویں وی تاں خواجہ فرید دیاں کافیاں سرائیکی وسیب دا آئینہ ہن
جیدے وچ اسا کوں اپنے ڈکھ سکھ، خواب تے حقیقتاں سچے تے پئے روپ وچ نظر دن۔

خواجہ فرید دا وصال ۱۳۱۹ھ وچ تھیا ہئی تے ۱۹۹۸ء دا سال بھری سن مطابق ۱۳۱۹ھ دا ہئی
یعنی خواجہ سمن دے وصال کوں پوری ہک صدی لگھ گئی ہئی۔ روہی دی یونیورسٹی جیڑھی بہاولپور دے
علم دوست نواتیں جامعہ عباسیہ دے ناں تال قائم کیتی ہئی تے ہن سرکار دی طرفوں اے اسلامیہ
یونیورسٹی سڈیندی ہے، سرائیکی زبان ادب تے خواجہ فرید دے افکار کوں پھیلاوُن تے ودھاوُن دی
ذمہ دار ہے۔ اے ذمہ داری پہلے تاں کڈا ہیں ایں نمک نبھائی گئی جیویں خواجہ فرید دے سو دیں یوم
وصال دے موقعے تے نبھائی گئی ہئی۔

ایں یونیورسٹی وچ پہلی ٹھنڈی ہیل اوں ویلے کھلی ہئی جڈاں ۱۹۸۹ء وچ اتھاں سرائیکی
شعبہ قائم تھیا۔ تے وس وسیب دے لوکیں کوں اینویں لگا جو اے یونیورسٹی ہن ایں علاقے دی اپنی
یونیورسٹی تھی گئی اے۔ اوں دے بعد ۱۹۹۵ء وچ اتھاں محکمہ اوقاف دی طرفوں خواجہ فرید چیئر قائم
کرن دا اعلان تھیا تے اخباریں وچ خبر چھپی جو ایندے واسطے ۹۲ ہزار روپے دی گرانٹ منظور تھی گئی
اے۔ خواجہ فرید دے دربار تے اوندی جائیداد وچوں آمدنی دا اندازہ کروڑاں روپے لاوُن وچ کوئی
مبالغہ نہ ہوسی۔ جیڑھی محکمہ اوقاف دے کھاتے وچ دیندی اے۔ پرول دی ۹۲ ہزار روپے دی
گرانٹ تال ”خواجہ فرید چیئر“ دا منڈھہ پدھن بک تاریخ ساز واقعہ ہئی۔ اسلامیہ یونیورسٹی بہاولپور

دے اوں ویلے دے وائس چانسلر ایندے فنڈز خرچن کیتے ہک کمیٹی بنا ڈتی جیدے وچ ڈاکٹر نجیب جمال
 ڈین آف آرٹس، ڈاکٹر اسلم ادیب چیئر مین شعبہ ایجوکیشن تے سید صفدر حسین لیکچرر شعبہ سرائیکی
 شامل ہن۔ اے کمیٹی بہوں عرصے تائیں وچار کریندی رہی پر ۹۲ ہزار روپے کوں ایجھا بھاگ ہاجو
 روپے ڈوں سال تک نہ مک سکھتے نہ ای نوں گرانٹ آؤن دارستہ بنیا۔ اوں دے بعد وائس چانسلر بدلیا
 تے یکم اکتوبر ۱۹۹۷ء کوں خواجہ فرید چیئر دی ہک نوں کمیٹی بنا ڈی گئی جیدے وچ شعبہ سرائیکی دے
 ترے استاد جاوید چانڈیو (انچارج شعبہ سرائیکی)، ریاض سندھڑ تے سید صفدر حسین دے نال ریڈیو
 پاکستان وچوں ڈاکٹر نصر اللہ خان ناصر کوں وی ممبر رکھیا گیا۔ تے چیئر مین خود وائس چانسلر رہ گئے۔
 شعبہ سرائیکی دے استادیں کوں ”خواجہ فرید چیئر“ دے صلاح مشوریں وچ شامل کرن نال کم دی
 رفتار ودھ گئی تے ہر ہفتے پندرہویں کمیٹی دے اجلاس تھیون لگے، جاوید چانڈیو انچارج شعبہ سرائیکی
 ایں کمیٹی دے سیکریٹری دے طور تے تمام اجلاسیں وچ کم کرن شروع کیتا۔ تے زبانی تجویزاں کوں
 کاغذی فائلاں دی شکل وچ اگوں تے ٹورن شروع کیتا۔ پہلے پہل جاوید چانڈیو ہوریں دی تجویز تے
 کمیٹی اے منظوری ڈتی جو خواجہ فرید چیئر کوں ہک عظیم الشان ”خواجہ فرید ریفرائن لائبریری“ قائم
 کرن کیتے کم شروع کر ڈیوٹا چاہیدے۔ تے ایں مقصد کیتے ابتدائی طور تے پورے وسیب وچوں نجی
 لائبریریاں دا دورہ کرتے اتھیاں نادر تے نایاب کتاباں دی فوٹو اسٹیٹ حاصل کرنی چاہیدی اے
 جیڑھی خواجہ فرید دے کلام، پیغام تے شخصیت تے تحقیق کیتے معاون تھی سگھن۔ ایندے نال ایں
 لائبریری وچ سرائیکی زبان تے ادب بارے قدیم تے نایاب کتاباں دی فوٹو اسٹیٹ وی کٹھی کرنی
 چاہیدی اے۔ ایں تجویز دی منظوری دے بعد اے ذمہ داری وی جاوید چانڈیو ہوریں کوں ڈتی گئی جو
 وسیب دیاں مختلف لائبریریاں وچ ونج کراہیں فوٹو اسٹیٹ کتاباں حاصل کرن۔ انہاں بہوں تھولے
 عرصے وچ تقریباً ہک سواہم کتابیں دی فوٹو اسٹیٹ حاصل کرتے کمیٹی دے اگوں آن رکھیاں جیہوں
 بہوں پسند کیتا گیا تے ایں کم کوں اگے تے ٹورن دی منظوری تھی۔

اہیں دوران کمیٹی دے ہک اجلاس وچ تجویز پیش تھی جو آؤن آلا ہجری سال یعنی ۱۴۱۹ھ
 خواجہ فرید دے یوم وصال داسوواں سال ہوسی تے خواجہ فرید چیئر کوں ایں موقع تے خاص پروگرام
 کر ڈنا چاہیدے۔ ایں موضوع تے کمیٹی دے سہناں ممبراں تفصیلی بحث کیتی تے وائس چانسلر کوں قائل
 کیتا جو ایں پروگرام دی اہمیت کیا ہدی اے؟ ڈاکٹر نصر اللہ خان ناصر، جاوید چانڈیو تے ریاض سندھڑ
 ہوریں ایں تجویز دے مختلف پہلوواں تے کم کیتا تے ہئی میٹنگ وچ ایں پروگرام کوں عملی شکل ڈیوٹا

ترے ماہی سرائیکی بہاولپور

کم شروع تھی گیا۔ ڈاکٹر نصر اللہ خان ناصردی جادو بیانی، جاوید چانڈیودی عملی صورت گری تے ریاض سندھڑ دے فیلڈ ورک دے نتیجے وچ ہک ایجھڑے ترے روزہ پروگرام دا نقشہ سامنے آ گیا جیہوں سن تے دیکھ کر اہیں وائس چانسلر صاحب کوں وی قائل تھیوٹا پئے گیا بلکہ انہاں دے اندر شوق جاگ پیا جو اچھا پروگرام کرن کیتے سبھ کچھ کیتا ونج سگھیدے تے انہاں ایں پروگرام دی کلیرنس پڑے دتی۔ اولڈ کیمپس وچ پروگرام دی تیاری کیتے کیمپ آفس قائم تھی گیا تے وائس چانسلر ہک نوٹیفیکیشن دے ذریعے پروگرام دی مرکزی آرگنائزنگ کمیٹی تے بیاں پھوں ساریاں کمیٹیاں بنا دتیاں۔ مرکزی آرگنائزنگ کمیٹی دے ممبران اے ہن۔

- ۱۔ پروفیسر ڈاکٹر محمد شفیق خان وائس چانسلر چیئرمین
- ۲۔ سکس جاوید چانڈیو سیکریٹری
- ۳۔ ڈاکٹر نصر اللہ خان ناصر ممبر
- ۴۔ سکس ریاض سندھڑ ممبر
- ۵۔ ڈاکٹر شفیق احمد (شعبہ اردو) ممبر
- ۶۔ سکس شاہد رضوی ممبر
- ۷۔ سکس غلام حسین ڈاہر (ڈائریکٹر فنانس) ممبر
- ۸۔ سکس رانا محمد ارشد (رجسٹرار) ممبر

پروگرام کیتے اکتوبر دماہینہ ایں گالہوں چنیا گیا جو بہاولپور دے موسم دے حوالے نال وی اے مہینہ مناسب ہئی۔ تے یونیورسٹی دے نوین تعلیمی سال دامنڈھ وی پدھیدا پٹا ہوندے۔ ایں طرح پورے وسیب تے ملک دے مختلف حصیں وچوں ادیبیں تے دانشوریں نال رابطے قائم کرن شروع کر ڈتے گئے۔ تے نال ای فنڈز حاصل کرن کیتے وی جدوجہد دامنڈھ پدھج گیا۔ وائس چانسلر ہوریں تے سکس جاوید چانڈیو لاہور ونج کر اہیں سیکریٹری تعلیم ڈاکٹر شہزاد قیصر کوں ملیے (جیڑھے خواجہ فرید دی مابعد الطبعیات تے پی ایچ ڈی کیتی بیٹھن) تے پروگرام دے خاکے تے بحث دے بعد تقریباً پروگرام کیتے پورے فنڈز دی منظوری کراتے آئے۔ ایندے نال نال سیکریٹری ثقافت سکس طارق محمود ہوریں دی طرفوں باقی فنڈز دی منظوری دا وعدہ وی تھی گیا۔ محکمہ اوقاف نال وی یونیورسٹی رابطہ کیتا تے اوقاف دے وزیر تے سیکریٹری صاحبان کوں خطوط لکھے، فون تے گالھیں تھیاں تے ملاقاتاں وی تھیاں پر اوقاف ایں پروگرام تے اپنا جھنڈا لاوٹا چاہندا ہئی تے او وی روپے وچوں ڈو آنے حصہ رلا

کراہیں۔ مڈالے جو اوقاف دی طرفوں ہک روپیہ وی نہ ملن دے باوجود اتنے فنڈز حاصل تھی گئے جو اے پروگرام شاندار طریقے نال تھی سگھدا ہئی۔

ایں ترے ڈیہنوار دی پروگرام دی تیاری کیتے شعبہ سرائیکی دے انچارج جاوید چانڈیو تے ریاض سندھڑ ہوریں تقریباً ہک مہینہ پہلے اولڈ کیمپس دے کیمپ آفس وچ ڈیہنہ رات کم کیتا۔ پورے ملک دے تقریباً ترے سودا نشوریں، ادیبیں تے شاعریں کول کاٹڈھے بھہجے گئے۔ پنجاہ کنیں زیادہ نجی لائبریریاں کول مخطوطات تے ان لہجہ کتابیں دی نمائش کیتے دعوت پڑتی گئی۔ ملک دے وڈے وڈے پبلشنگ دے اداریں کول کتاب میلہ لاؤن کیتے سڈیا گیا۔ میلے کنیں پہلے ایں کیمپ آفس وچ ڈیہنہ رات میلے واساں بدھہیچ گیا ہئی۔ آخر اوڈیہنہ آگیا جیں دی تانگھ ہئی۔ یونیورسٹی کنوار آلی کار سنگری پجری کھڑی ہئی۔ ہر پاسے رنگ برنگیاں بتیاں تے ون پونے ہیز لگے کھڑے ہن۔ یونیورسٹی دے کیمپس، شہر تے چوک، بازار مہمانیں کیتے ”جی آئے وے سیں“ دے ہیزاں نال سچے پئے ہن۔ شہر دے اہم مقامات تے خواجہ فرید دے رنگین پورٹریٹ لگے کھڑے ہن، پورا شہر شہر فرید دا منظر پیش کریندا پیا ہئی۔ ۲۳ اکتوبر ۱۹۹۸ء کول ایں میلے دا افتتاح تھیا۔

☆ افتتاح نمائش کتب، مخطوطات، نوادرات تے کتاب میلہ

۲۳ اکتوبر کول سویلے ڈاہ وچ یونیورسٹی دے وائس چانسلر نادر تے نایاب کتابیں دی نمائش دا افتتاح کیتا۔ جیڑھی یونیورسٹی دے اولڈ کیمپس وچ غلام محمد گھوٹوی ہال وچ تھیدی پئی ہئی۔ ایں نمائش وچ جھنڈیر لائبریری (سردار پور جھنڈیر، میلسی) شیخ عبدالشکور قریشی دی قرآن لائبریری (دیرہ غازیخان)، پکتان واحد بخش سیال لائبریری (الہ آباد)، حبیب فائق لائبریری (ملتان) پروفیسر شوکت مغل دی نجی لائبریری (ملتان)، پروفیسر سجاد حیدر پرویز دی نجی لائبریری (مظفر گڑھ)، ڈاکٹر خورشید محمد تے پروفیسر شکیل پتانی دی نجی لائبریری (کوٹ مٹھن)، جاوید احسن خان دی نجی لائبریری (دیرہ غازیخان)، غلام قاسم مجاہد بلوچ لائبریری (دیرہ غازیخان)، اسد نظامی دی نجی لائبریری (جہانیاں)، مبارک اردو لائبریری (سنجر پور)، ایچ گیلانی لائبریری (ایچ شریف)، میر حسان الحیدری دی نجی لائبریری (اُپاڈو)، دبیر الملک لائبریری (بہاولپور) میاں نور الزمان احمد اوج دی نجی لائبریری (بہاولپور)، ڈاکٹر نصر اللہ خان ناصر دی نجی لائبریری (بہاولپور)، پبلک لائبریری (باغ لانگھے خان ملتان)، مولانا نور احمد خان فریدی مرحوم دی لائبریری (ملتان)، الکبیر اکیڈمی (کوٹلی کبیر سندھ)، سینٹرل لائبریری (بہاولپور)، سچل چیمبر لائبریری (شاہ عبداللطیف یونیورسٹی

تے ماہی سرائیکی بہاولپور

خیر پور سندھ)، اسلامیہ یونیورسٹی (بہاولپور) تے ہیاں لاہریاں دیاں کتاباں رکھیاں گیاں ہن۔ انہاں لاہریاں وچوں ڈھیر ساریاں ایجھیاں ہن جنہاں دا علمی ذخیرہ پہلی دفعہ منظر عام تے آیا ہئی۔ گورنر پنجاب شاہد حامد ہوریں ایس نمائش کوں ڈیکھ کراہیں آکھیا جو اے اپنی نوعیت دی پہلی نمائش ہے جیدے نال ملک اچ موجود نادر و نایاب کتب تے مخطوطات پہلی واری اتنی وڈی تعداد وچ کٹھے ڈیکھن دا موقع ملیے تے ملک دیاں ہنہاں یونیورسٹیاں، خصوصاً پنجاب یونیورسٹی کوں ایندی تقلید کرنی چاہیدی اے۔ نمائش ڈیکھن آلے انہاں معزز مہمانیں کوں ایں گالھ دا پتہ نہ ہئی جو اتھے ان مل خزانے رکھن آلے لوک اینویں ای تاں اپنی مڈی یونیورسٹی دے حوالے نہ کر گئے ہن ایندے کیتے جیڑھے روحانی سکون تے دلی اعتماد دے رشتے دی لوڑ ہئی اوندے کیتے تقریبات دے مرکزی آرگنائزنگ سیکریٹری سیم جاوید چانڈیو تے مرکزی کمیٹی دے ممبر سیم نصر اللہ خان ناصر ہوریں ڈینہہ رات وسیب دا چپا چپا چھاں کراہیں اپے ذاتی تعلق دے واسطے ڈے کراہیں اے قیمتی خزانے کٹھے کر آئے ہن۔ اوندے بعد انہاں قیمتی خزانیاں دی حفاظت واسطے وائس چانسلر کوں قائل کرتے پرائیویٹ سکیورٹی کمپنی اتے کمانڈوز کوں ایں ترائے ڈینہہ دی نمائش دے دوران ڈینہہ رات سیکورٹی واسطے منگوایا گیا ہئی۔ اے وی ہک تاریخی گالھ اے جو ہزاراں کتاباں وچوں کہیں کتاب دا ہک ورقہ تک گم تھیا نہ خراب تھیا تے مالکان سکھ تے خوشی نال راضی تھی کراہیں اپنیاں کتاباں گھر گھن گئے۔

ایں نمائش دے انتظامات سانگے شعبہ لاہری سائنس دے چیئرمین پروفیسر ڈاکٹر محمد فاضل خان دی سربراہی وچ ہک کمیٹی بنائی گئی ہئی جیدے وچ تقریباً اسی ممبر شامل ہن۔ جنہاں ڈینہہ رات محنت کرتے انہاں کتاباں کوں سانھیا تے نمائش کوں کامیاب بنایا۔ شعبہ لاہری سائنس دے اساتذہ وچوں پروفیسر عبدالرحمن خاری تے حافظ شفیق احمد ہوریں بہوں مصروف رہ گئے تے انہاں دے استقبالیہ کیمپ کوں محمد احمد چشتی عرف جمشید چشتی ہوریں بہوں پیار نال سنبھالی رہ گئے۔ گھوٹوی ہال دی اتلی منزل ”پاکستان گیلری“ قرآن کریم تے تفاسیر واسطے مخصوص کیلی گئی ہئی۔ جیدے اچ مختلف لاہریاں دی خوبصورت، قیمتی، نایاب تے قدیم قلمی نسخہ جات دی چون رکھی گئی ہئی۔ ایں گیلری دی پوری ہک سائیڈ سیم عبدالشکور قریشی ہوریں دی ”قرآن لاہری“ واسطے مخصوص ہئی۔ یونیورسٹی دے خوش اخلاق اسسٹنٹ لاہرین رائد لبر صاحب بہوں محنت کرتے اینکوں خوبصورتی نال ڈسپلے کیتا ہئی تے صبر و تحمل نال مہماناں کوں ایندے بارے بریف کریندے رہے۔ ایں لاہری دی چون اچ قرآن پاک دے قدیم ترین قلمی نسخے، فارسی، پنجابی، انگریزی دے علاوہ

سرائیکی ترجمے آلے قرآن مجید وی موجود ہن۔ ڈو صدیاں پرانا نسخہ جیڑھا زمرہ دتے جو اہرات نال مزین کیتا گیا ہا، اصل کور سمیت رکھیا گیا ہئی۔ ہک ورقے تے ہک سپارہ تے پورے قرآن مجید دی ہک سو چوڑاں دفعہ مختلف ڈیزائن نال تھئی ہوئی ”بسم اللہ“ شریف دی خطاطی آلا نسخہ وی لوکاں دی توجہ دا مرکز بنیا ریہا۔ سردار جھنڈیر لاہری دی چون بہوں خوبصورت ہئی۔ خصوصاً سونے تے جو اہرات نال مرصع وڈا قرآن مجید تے چھوٹا قرآن مجید لوکاں دی بہوں زیادہ دلچسپی دا باعث ریہا۔ ایہ قلمی نسخہ صرف ڈاھ سپاریاں تے مشتمل ہے جیڑا وزن سو کلوگرام، لمبائی ساڈھے ترائے فٹ چوڑائی ڈھائی فٹ ہئی۔ ایندے الفاظ جدید خطاطی دے نقش و نگار نال مزین ہن تے ایندی جلد ہندی واسطے خصوصی سانچے تیار کیتے گئے ہن۔ (”وڈے قرآن مجید دی قسم“، آلا محاورہ میڈی سمجھ ایچ دراصل ہن آیا ہئی)۔ ایندی نمائش واسطے سکس اقبال قریشی صاحب بڑی محنت کیتی ہئی۔ جیڑھے جھنڈیر لاہری دی دے منتظم ہن۔ لوکاں دی دلچسپی، پروگرام دی اہمیت تے نوعیت دا اندازہ کریندیں ہوئیں ڈو جھے ڈیڑھ جھنڈیر صاحب خود تشریف گھن آئے تاں انہاں کوں اتھ پکچن دے بعد احساس تھیا کہ اے کوئی عام قسم دا سرکاری پروگرام کینی۔ نمائش، سکيورٹی تے ڈو جھے حسن انتظامات کنوں ایس متاثر تھئے جو انہاں اوں ویلے والیسی کیتی تے اپنی پانچیر و ایچ او خاص سلیکشن آپ خود گھن آئے جیڑھی شاید ڈو جھیں صورت ایچ کڈا ہن وی نہ ڈکھاؤن ہا۔ ول آپ خود کھڑتے آپنے ہتھ نال شائقین، مہماناں تے معززین کوں ڈکھیدے رہ گئے ایندے وچ کچھ اچھا چیزاں وی ہن جیڑا مل، یونیورسٹی، اپنی ساری بڈی موڑی وینچتے وی نہیں بھر سگھدی۔ اعتماد دار شتہ قائم تھیون دے بعد وی انہاں دے تاثرات کچھ ایس ہن جو انہاں از خود اے پیش کش کیتی جو ولا کڈا ہن کوئی موقع بنے تاں ساکوں ڈسا ہے۔ اساں کلمہ ہیں سر آپنے خرچے تے نمائش لیسوں تے اوڈیکھن جو بگی ہو سی۔ ایس پروگرام دی اہمیت تے نوعیت دا ساکوں پہلے علم کینا ہا۔۔۔۔۔ بلاشبہ جھنڈیر لاہری ایچ وسیع ان ملا علمی خزانہ موجود ہے جو او ایس دعوے کوں سچ ثابت وی کر سگھدن۔

سکس حبیب فائق لاہری داسرائیکی ترجمے آلا قرآن مجید دا انتقادیم نسخہ وی موجود ہا جیڑے مترجم دانال وی از خود تحقیق طلب ہے۔ الکبیر اکیڈمی کوٹوی سندھ دا آب زر نال تحریر شدہ او قلمی نسخہ وی بہوں دلچسپی دا باعث ریہا، جیڑے بارے ایچ آکھیا ویندے جو اونواب بہاولپور دی اکھیں دانور دیکے۔ ایندی خصوصیت ایہ وی ہے جو ایندے نال اوندا وظیفہ وی تحریر کیتا ہویا ہے۔ سکس مخدوم سید افتخار الحسن گیلانی ہوریں دی ”گیلانی لاہری“ دی چون تے نوادرات ایمان افروز ہے۔ ایندے

اچوں سونے دے پانی نال تحریر شدہ نسخہ جات دے علاوہ غوث الاعظم عبدالقادر جیلانی رحمۃ اللہ علیہ دے دست مبارک دا تحریر شدہ قلمی نسخہ وی ہاں ٹھارٹن آلا ہئی۔ کوٹ مٹھن خواجہ فرید دے مسکن توں ڈاکٹر خورشید ملک تے پروفیسر شکیل پتانی صاحب دی ذاتی لائبریری اچوں حضرت خواجہ غلام فرید دے ہتھ مبارک دا لکھیا ہویا قلمی قرآن وی نمائش دی زینت ہا۔ مملکت بہاولپور دی یادگار تے سرانیکستان دا علمی ورثہ سینٹرل لائبریری بہاولپور دے چار سو سالہ پرانے قلمی نسخے دے علاوہ ۱۳۱۲ھ اچ میواڑ پریس دہلی توں طبع شدہ قرآن مجید دا اچھا نسخہ وی رکھیا گیا ہئی چیدیاں تمام سطران الف توں شروع تھیدن۔ ایندے علاوہ سینٹرل لائبریری دی طرفوں حضرت خواجہ غلام فرید دی اصل تصویر تے مجسمہ وی لوکاں دی توجہ دامر کز بنیاد ہیا۔ سیٹھ عبید الرحمن صاحب دی ”دبیر الملک لائبریری“ تے اسلامیہ یونیورسٹی دی سینٹرل لائبریری دی طرفوں وی نادر نسخے رکھے گئے ہن۔

گھوٹوی ہال دی گیلری دے علاوہ ہال اچ وی مخطوطات، نوادرات تے نادر کتب سلیقے نال رکھیاں گیاں ہن۔ متفرق کتب دے قلمی نسخہ جات دے حوالے نال نجی لائبریریاں اچوں ”گیلانی لائبریری“ اچ شریف، ”مسعود جھنڈیر لائبریری“ میلیسی، یونیورسٹی لائبریری، ”مبارک لائبریری“ صادق آباد، پکتان واحد بخش سیال لائبریری، میر حسان الحیدری لائبریری اباؤڑو تے حبیب فائق لائبریری ملتان خاص طور تے قابل ذکر ہن۔ ایویں ای دیرہ غازیخان دے سمن جاوید احسن خان دی لائبریری دے قلمی نسخہ جات دے نال نال خواجہ فرید دے خطوط اتے قدیم ”سرائیکی ڈوہڑے اور کافیاں خواجہ فرید“ تے مشتمل ہک تندیروی موجود ہئی۔ پبلک لائبریری باغ لائنگھے خان ملتان دے قلمی نسخہ جات اچوں ”دیوان خواجہ فرید بقلم فقیر نابھو“ توجہ دامر کز بنیاد ہیا۔ پروفیسر شکیل پتانی تے ڈاکٹر خورشید محمد ملک دی لائبریری اچوں ہیاں قلمی نسخیاں دے علاوہ ”بیاض فریدی از حکیم نور محمد معالج خواجہ غلام فرید“ وی قابل ذکر ہے۔

اے صحیح معنیاں وچ سرائیکی وسیب دا علمی خزانہ ہئی۔ جیہوں ڈیکھ کر اہیں خوش کرن آلی حیرت تھیدی ہئی۔ گورنر صاحب اینکوں ڈیکھ کر اہیں خواجہ فرید چیسر واسطے ہک مائیکروفلمک یونٹ دی منظوری ڈتی تاکہ انہاں قیمتی خزانیاں کوں محفوظ کیتا ونج سکھے۔ پتانیں اے اعلان حقیقت وچ کپڑاں تبدیل تھیں۔ ایں شاندار نمائش دے علاوہ اولڈ کیمپس دے ڈی گراؤنڈ وچ کتابیں دامیلہ وی لگا ہویا ہئی۔ چیدے وچ ملک دے وڈے وڈے اشاعتی ادارے اپنیاں کتاباں دے اسٹال لائے ہوئے ہن۔ عوام دی وڈی تعداد پورے ترائے ڈینہہ اے ڈوہیں نمائشاں ڈیکھدی رہ گئی۔ بعد وچ لوکیں ایں

نمائش کوں ہک ہفتے تائیں ودھاوٹ کیتے اصرار کیتا پر نجی لائبریریاں دے مالکان نال یونیورسٹی داترے ڈیمنہ دا وعدہ ہئی ایس پگالوں انہاں دی نمائش وچ تاں ودھار انہ تھی سگھدا ہئی البتہ کمرشل اداریاں اپنیاں کتاباں دی نمائش مزید ترے ڈیمنہ ودھا چھوڑی ہئی۔

۲۳ اکتوبر دی سویل انہاں نمائشاں دے افتتاح نال ای میلے داساں بدھج گیا تے معزز مہمان ۲۲ اکتوبر دی شام کنیں ای ترے روزہ تقریبات وچ شرکت کیتے آوٹ شروع تھی گئے ہن جنہاں دے طعام و قیام کیتے یونیورسٹی ترے ڈیمنہ واریں دی چھٹی دا اعلان کرتے شاگردیں دے ہوٹل خالی کراگدھے ہن تے یونیورسٹی گیسٹ ہاؤس دے نال نال صادق پبلک اسکول دا گیسٹ ہاؤس دی مہمانیں کیتے ریزرو کر ڈتا گیا ہئی۔ ریلوے اسٹیشن، بس اڈے تے ایئر پورٹ تے استقبالیہ کمیٹی لاپڑتے گئے ہن اولڈ کیمپس وچ مرکزی کیمپ آفس دے نال مندوبین کیتے رجسٹریشن آفس بن گیا ہئی جتھاں یونیورسٹی دے نوجوان اساتذہ سکں دوست محمد خان، سکں راؤ شہزاد علی خان، سکں ملک شیر محمد، سید مختار علی شاہ تے راقم (ریاض بھٹی) موجود ہن۔ ہر آوٹ آلے مہمان دے ناں پتے دا اندراج کرتے اوں کوں بیج لاپڑتا ویندا ہئی تے یونیورسٹی ٹرانسپورٹ انہاں کوں رہائش گاہیں تے پچا کراہیں کمرے دی چابی انہاں دے حوالے کر ڈیندی ہئی جتھاں او تھکیرے لہا کراہیں میلے وچ بچ ویندے ہن۔ پروفیسر ڈاکٹر عبدالجبار دی سربراہی وچ قیام و طعام کمیٹی مہمانیں دی رہائش تے کھادے پیتے دے شاندار انتظامات کیتے ہوئے ہن۔

خواجہ فرید قومی سیمینار (پہلی بیٹھک)

۲۳ اکتوبر دی شام کوں خواجہ فرید سیمینار دی پہلی نشست ہئی چیدے وچ پورے ملک کنیں آئے ہوئے دانشوریں شرکت کیتی۔ ایس نشست دی صدارت ڈاکٹر محمد شفیق خان وائس چانسلر کیتی تے خاص مہمان بریگیڈیئر (ریٹائرڈ) ذوالفقار ڈھلوں وزیر تعلیم پنجاب ہن۔ ایس نشست دے مہمانان اعزاز سکں خواجہ معین الدین محبوب کوریجہ تے خواجہ طاہر محمود کوریجہ ہو ریں ہن۔ ایس پہلی بیٹھک دی سٹیج شعبہ سرائیکی دے انچارج سکں جاوید چانڈیو سنبھالی تے قرآن پاک دی تلاوت نال ایس عظیم الشان تقریب دا آغاز تھیا چیدے پنڈال وچ پارہ سو کرسیاں مہمانیں واسطے رکھیاں گیاں ہن تے پنڈال سامعین نال ستھیا ہویا ہئی چیدے وچ وسیب تے ملک دے وڈے عالم، فاضل، ادیب، دانشور تے خواجہ فرید دے عقیدت مند شامل ہن۔ تلاوت دے بعد خواجہ فرید دی نعتیہ کافی ”اتھاں میں مٹھڑی نت جان بلب“ سنوائی گئی۔ تے اوندے بعد وائس چانسلر میزبان دے طور تے خطبہ استقبالیہ

ترے ماہی سرائیکی بہاولپور

پیش کیا۔ چیدے وچ انہاں آکھیا جو یونیورسٹیاں دے فرائض وچ شامل ہے جو جدید علوم تے سائنس دی تدریس تے تحقیق دے نال نال اوں خطے دی تہذیب، ثقافت تے مشاہیر تے بزرگ ہستیاں بارے وی کانفرنساں تے سیمینار منعقد کرے۔

ایندے بعد ملک دے مختلف حصیاں وچوں آئے ہوئے دانشوریں خواجہ فرید دی شخصیت تے فن بارے اپنے ان مکمل تحقیقی مقالے پڑھیے انہاں دانشوراں وچ سیمیں ڈاکٹر غلام علی الانا (حیدر آباد)، سیمیں ڈاکٹر شنزاد قیصر (لاہور)، سیمیں میر حسان الحیدری (اباؤڑ)، سیمیں ڈاکٹر احسن واگھاتے سیمیں ڈاکٹر راشد متین (اسلام آباد) اتے سیمیں ڈاکٹر نصر اللہ خان ناصر (بہاولپور) شامل ہن۔ ایہو ایں تقریب دا کمال ہے جو ہک ہزار کنیں ودھ سامعین پوری توجہ تے محبت نال پہہ کراہیں طویل تحقیقی مقالے سنے تے داد دتی مقالیں دے بعد مہمانان اعزاز سیمیں خواجہ طاہر محمود کوریجہ تے خواجہ معین الدین محبوب کوریجہ سجادہ نشین کوٹ مٹھن شریف اپنے خیالات دا اظہار کیتا تے پھیر وچ خاص مہمان بریگیڈیر (ریٹائرڈ) ذوالفقار علی ڈھلوں دا خطاب ہے چیدے وچ انہاں اپنی لکھی ہوئی تقریر کڈھ کراہیں ناظرین کوں ڈکھائی تے ولدی کھیسے وچ چار کھینیں۔ انہاں آکھیا جو میں خواجہ فرید کوں پہلے نہ چاند اہم البتہ اتھاں مقالے سن کراہیں تے ڈاکٹر شنزاد قیصر دے تعارف نال میکوں اندازہ تھئے جو خواجہ فرید کتنے وڈے بزرگ ہن۔ وزیر تعلیم دی ایں ”برجستگی“ تے کچھ مہمان ہکے بچے تھئے بیٹھے ہن تے کچھ کوں کھل آون پئے گئی۔ پچھوں ہک مندوب دی آواز آئی جو ”خواجہ صاحب تاں تہا کوں چنگی طرحاں چاندے ہن۔“ تقریب دے اختتام تے بغداد الجدید کیمپس دے سائنس فیکلٹی لان وچ مہمانیں کیتے رات دے کھانے دا شاندار انتظام ہے چیدہ اہتمام حبیب بینک دی طرفوں ٹھیکیدار حاجی مشتاق احمد ہوریں سوہنپ نال کیتا ہے۔

کھانے کنیں واندے تھی کراہیں تمام مہمان تے مندوب ہو سٹلیں تے گیسٹ ہاؤس وچ بچ گئے اتے اینویں لگدا ہے جینویں مدتیں دے وچھڑے ہک ڈوجھے کوں ملیے ہون۔ ایں ڳالھوں بہوں گھٹ مہمانیں مندر واپر وگرام ہٹایا تے اکثر مہمان ’علی ہال‘ ہو سٹل دے میس روم وچ کچاہری لاگدھی تے اے کچاہری مشاعرے تے ول ادنی تنقیدی نشست وچ بدل گئی۔ جیڑھی پوری رات جاری رہی۔ عبدالباسط بھٹھی ہوریں ایں محفل دے باقاعدہ سٹیج سیکریٹری دے فرائض انجام دیندے رہ گئے تے سویر تھی گئی۔

☆ ۲۴ / اکتوبر فریدی قافلے دی چاچڑاں روانگی

پروگرام موجب ۲۴ / اکتوبر دی سویرے چھی وچے مہمانیں دا قافلہ یونیورسٹی وچوں چاچڑاں

شریف دی زیارت کیے ٹٹا ہی جیں رستے وچ خانپور دے عوام دے استقبالیے وچ شریک تھی کر اہیں
 چاچڑاں دی زیارت دے بعد ولدے ہوئیں خطہ پاک اچ وچ مخدوم سید افتخار حسین گیلانی ایم پی اے
 دی طرفوں ڈوپہری دعوت کھا کر اہیں تے زیارتاں کرتے شام کوں یونیورسٹی ولٹاں ہی جتھاں خواجہ
 فرید ایوارڈز تے محل موسیقی دیاں تقریبات تھیوٹیاں ہن۔ مہمان حالی رتو کی محفل جاری رکھی بیٹھے ہن
 تے جاگدے ودے ہن جو میزبان انتظامیہ انہاں کوں نہان کیتے سڈگدہاتے باہروں یونیورسٹی دیاں
 نویاں نکور بساں انہاں کوں چاچڑاں پچاؤن کیتے تیار کھڑیاں ہن۔ سویرے تقریباً ست وچے سارے
 مہمان تے میزبان ترے وڈیاں بساں وچ بھر تیج کر اہیں ”فریدی قافلے“ دی صورت وچ ٹر پئے۔ اے
 پہلے طے تھیا ہی جو کوئی شاف کار وغیرہ نال نہ ویسی بلکہ سارے وی آئی پی حضرات، وائس چانسلر تے
 معزز مندوبن کٹھے بسیں وچ ویسں کیونجواے خواجہ فرید دے پاندھی ہن جیدے نزدیک :

ہک دے ہر ہر جا وچ دیرے کیا اچ ہے کیا جھک ہے

انہاں بسیں دے اگوں کمشنر صاحب دی طرفوں پولیس دیاں پائلٹ گاڈیاں دا انتظام ہی تے
 اے سارے وڈ وڈیرے تے مہاندراے خواجہ فرید دے یاداں دے امین شہر چاچڑاں حاضری تے
 ویندے پئے ہن۔ فریدی قافلہ جیڑھے ویلے خانپور دے نیڑے پگاٹاں پل چک ۴ کنیں جھومریاں
 قافلے دا استقبال کیتا تے ایس جھمر نال خانپور شہر وچ بلدیہ ہال گھن گئے جتھاں تقریب دے میزبان
 میاں عبدالستار ایم پی اے، اعجاز علی آغا اسٹنٹ کمشنر، سکس ظہور احمد دھریجہ، سکس منیر احمد دھریجہ،
 سکس قمر اقبال جتوئی، سکس نور تھہہیم، تے بے ڈھگ سارے سچن موجود ہن۔ بلدیہ ہال تے خانپور
 شہر کنوار وانگوں سجیا ہویا ہی مہمانیں دے اعزاز وچ تقریراں تھیاں۔ مہمانیں وچوں ڈاکٹر غلام علی الانا
 کالجیں تے سکولیں دی سطح تے سرائیکی زبان دی تدریس دا مطالبہ کیتا تے ایس موضوع تے بہوں سوہنی
 تقریر کیتی۔ بعد وچ تمام مہمانیں کوں فریدی رومال پوائے گئے تے ”جھوک“ اخبار دی طرفوں
 ”دیوان فرید“ دی سوکھڑی ڈتی گئی۔ خانپور دی ایس تقریب کیتے بہوں سارے پنے لکھیے وچن تاں وی
 اوندے سوہنے دا اندازہ پورا نہ تھیسے۔ خانپور وں فریدی قافلہ چاچڑاں روانہ تھیا تے تقریباً ہک
 وچے سرائیکی وسیب دے تاریخ ساز شہر چاچڑاں چن گیا۔ جیدے بارے ڈاکٹر شہزاد قیصر ایس مشہور گالھ
 کوں دہرایا جوہ

چاچڑوانگ مدینہ ڈسے کوٹ مٹھن بیت اللہ

چاچڑاں شریف دے سجادہ نشین سکس خواجہ مظہر فرید کوریجہ مہمانیں دے استقبال دیاں

ترے ماہی سرائیکی بہاولپور

شاندار تیاریاں کیتیاں ہوئیاں ہن۔ انہاں مہمانیں کوں ”فرید محل“ دی زیارت کرائی جیڑھا نواب آف بہاولپور بٹوایا ہئی سرانیکی وسیب دا اے عظیم تاریخی ورثہ بہوں بے کسی تے تباہی دی حالت وچ ہے تے ایندے کیتے فوری توجہ تے فنڈز مخصوص کرن دی لوڑ ہے نہ تاں بہوں جلد اے ”فریدی نشانی“ تباہ تھی ویسی۔ اوندے بعد خواجہ فرید دے تبرکات دیاں زیارتاں تھیاں تے استقبالیہ تقریب کنیں خواجہ ہوت محمد کوریجہ، محمد اصغر کوریجہ، میاں عبدالستار ایم پی اے، مسعود اشعر صدیقی، ڈاکٹر شہزاد قیصر، ڈاکٹر نصر اللہ خان ناصر خطاب کیتا تے وائس چانسلر ڈاکٹر محمد شفیق خان میزبانیں دا شکریہ ادا کیتا۔ مسعود اشعر صدیقی ہووے خطبہ استقبالیہ وچ بہوں اہم مسئلے دی طرف توجہ ڈوائی تے ڈیسا جو نصابی کتابیں وچ خواجہ فرید بارے کجھیاں غلط فہمیاں کھنڈایاں ویندن۔ سیکریٹری تعلیم شہزاد قیصر انہاں غلطی دی درستی دا وعدہ کیتا تے نال ای خواجہ فرید لائبریری (کوٹ مٹھن) کیتے ترے لکھ دی گرانٹ کوں ودھا کراہیں پنج لکھ کرن دا اعلان کیتا۔ چاچڑیں شریف وچوں ”فریدی قافلہ“ بے انداز محبتاں تے خوشیاں سانجھ کراہیں اُچ کیتے ٹرپا۔ رستے بلاک ہووے دی وجہ کنیں قافلہ مسائیں مغرب ویلے اُچ شریف پہنچا جتھاں مخدوم سید افتخار الحسن گیلانی ڈوپہریں دے روٹی تیار کراتے تانگھ وچ بیٹھے ہن۔ جیدے وچ ساگ تے گوشت دیاں خاص ڈشاں وی شامل ہن۔ بہوں جلدی وچ مخدوم صاحب دی شاندار میزبانی کنیں لطف چاکراہیں تے اُچ دی زیارت کرتے قافلہ واپسی کیتے تیار تھی گیا۔ اتھاں مخدوم صاحب دے سیکریٹری سائیں ریاض احمد خان بھٹہ دی میزبانی ہمیش یادگار راہی۔ بہر حال اے تقریب وی تفصیلی احوال دا تقاضا کریندی ہئی پر اے مضمون اے، کتاب نمیں جو یادیں دیاں سکاں لہا سگھوں۔ شام تھی چکی ہئی تے اوڈوں یونیورسٹی وچ ”تقریب تقسیم ایوارڈ“ دے مہمان آون شروع تھی گئے ہو سن جنہاں دی میزبانی تے پروگرام دی تیاری کیتے سیں جاوید چانڈیو اتھائیں رہ پئے ہن تے قافلے نال نہ آئے ہن کیوں جو پروگرام دے میزبان کوں اپنیاں دل دیاں خواہشاں مطابق ٹرن دا اختیار نہیں ہوندا

تقسیم ایوارڈ دی تقریب

ٹھیک اٹھ بجے قافلے دی پہلی بس یونیورسٹی دے ہک ماہر ڈرائیور محمد ارشد اولڈ کیمپس پھاڑتی تے قافلے دے لوک بس کنیں لہ کر اہیں سدھے پنڈال وچ بچ گئے۔ باقی ڈوبساں حالی کتھائیں پچھوں ہن۔ پتا لگا جو ایس تقریب دے مہمان خصوصی صاحبزادہ حاجی فضل کریم صوبائی وزیر اوقاف تانگھ رکھ تے ول گبن کیونجو انہاں ملتان وچ ہک اجتماع نال وی خطاب کرنا ہئی۔ ایس تقریب دی صدارت

وائس چانسلر صاحب کمیٹی تے مہمان خصوصی پروفیسر ڈاکٹر خلیل الرحمن ڈین فیکلٹی آف عربک ، انٹرنیشنل اسلامک یونیورسٹی اسلام آباد ہن۔ یونیورسٹی دے شعبہ فارمیسی دے استاد ڈاکٹر فیض الحسن نسیم ہوریں سٹیج سیکریٹری دے فرائض سنبھلیدیں ہوئیں تلاوت تے نعت نال تقریب دامنڈ ہڈ ہاتے دل خواجہ فرید دی کافی دے بعد خواجہ فرید تے تحقیق کرن آلے انہاں ماہرین کوں ”خواجہ فرید گولڈ میڈل“ دے گئے۔ (۱) دبیر الملک مولانا عزیز الرحمن عزیز مرحوم (۲) مولانا عبدالرشید نسیم طالبوت مرحوم (۳) مولانا نور احمد خان فریدی مرحوم (۴) ڈاکٹر مہر عبدالحق مرحوم (۵) پروفیسر دلشاد کلانچوی مرحوم (۶) صدیق طاہر مرحوم (۷) پکتان واحد بخش سیال مرحوم (۸) مسعود شہاب حسن دہلوی مرحوم (۹) ڈاکٹر کرستوفر شکیل (۱۰) سمن میر حسان الحیدری (۱۱) سمن خواجہ طاہر محمود کوریجہ (۱۲) ڈاکٹر شہزاد قیصر (۱۳) سمن طارق محمود۔

ایندے بعد ”خواجہ فرید ایوارڈز“ کیے انہاں نانویں دا اعلان تھیا۔ (۱) محمد انور فیروز مرحوم (۲) کیفی چامپوری مرحوم (۳) ریاض انور مرحوم (۴) رفیق خاور جسکائی مرحوم (۵) مولانا غلام جہانیاں مرحوم (۶) بریگیڈئیر نذیر علی شاہ مرحوم (۷) سمن قیس فریدی (۸) پروفیسر جیلانی کامران (۹) پروفیسر اسلم انصاری (۱۰) میاں نور الزمان احمد اوج (۱۱) سمن محمد اسلم میتلا (۱۲) سمن خورشید ناظر (۱۳) سمن بشیر اختر الہ آبادی۔ ایندے بعد پیام فرید تے کلام فرید کوں پھیلاون آلے اداریاں کوں وی خواجہ فرید ایوارڈ دے گئے۔ جیدے وچ (۱) سرانیکی ادنی مجلس بہاولپور (۲) سرانیکی ادنی بورڈ ملتان (۳) بزم ثقافت ملتان (۴) ڈیپنہ وار ”جھوک“ ملتان (۵) مہینہ وار ”فرید رنگ“ ویرہ غازیخان (۶) اردو اکیڈمی بہاولپور (۷) ریڈیو پاکستان بہاولپور تے (۸) ریڈیو پاکستان ملتان شامل ہن۔ ایں تقریب دے اختتام تے خواجہ فرید داسرائیکی کلام اردو تے انگریزی ترجمے نال تحت اللفظ وچ اجمل ملک۔ ساجد حسن درانی، شہود رضوی، قیصرہ راؤ، تے جنہاں فنکاراں پہوں سوہنپ نال پیش کیتا تقریباً ڈوں گھنٹے دے ایں پروگرام دے ختم تھیون دے بعد بچ منٹ دا وقفہ کیتا گیا۔ تے دل اسٹیج تے شبشیر حیدر ہاشمی ہوریں آئے تے محل موسیقی دا پڑہا، پنڈال ستھیا پیا ہی تے لوک کھڑے ہن جو ہاشمی صاحب پرائیڈ آف پرفارمنس سرائیکی دی عظیم فنکارہ ثریا ملتانیکر کوں دعوت دتی جنہاں خواجہ فرید دیاں کافیاں نال محفل کوں عروج تے پچاڑتا تے اینویں لگدا ہی جو ہن اتھائیں بس کر تیجے تے ثریا ملتانیکر محفل ختم کیتی ہی جو ولا اعلان تھیا جو سرائیکی دافقیر تے درویش فنکار پٹھانے خان ہن سٹیج تے آسی۔ پٹھانے خان آون سیتی محفل کوں اوں نقطے کنیں اگوں گھن گیا جتھاں ثریا ملتانیکر چھوڑیا

تے ماہی سرائیکی بہاولپور

ہی۔ ایں تقریب دے بارے چھڑا ایہو کجھ اکھیا ونج سگھیدے جو اچھے بہوں سارے پروفیسر جیڑھے
تے مصوف تے موسیقی کوں غیر شرعی آکھن تے تنٹاری رکھدے ہن اسماں اپنیاں اکھیں نال جھو جھدے
تے مست تھیدے ڈٹھو سے رات ڈھائی وچے مغل موسیقی دے اختتام تے یونیورسٹی ٹرانسپورٹ دے
ذریعے مہمانیں کوں کھانا کھواون دے بعد انہاں دیاں رہائش گاہیں تے پچاڈ تا گیا۔ کھانے تے چھڑا ایہو
مقال ہی جو ایں پروگرام دے کیڑھے حصے کوں گھٹ آکھوں تے کیڑھے کوں ودھ؟ انت کجھ دانشوریں
ایہو آکھیا جو جیڑھا ایں پروگرام دے وچ شریک نہیں تھی سگیا وندے کیتے پچھتاوُن کنیں سو کجھ نہیں تے
جیڑھے آگبن انہاں کیتے حیاتی دیاں سبھ کنیں سوہنیاں یاداں ہن۔

☆ ۲۵ اکتوبر سیمینار ڈوجھی بیٹھک

اجن رتو کے پروگراماں دے منظر اکھیں وچ ہن پئے جو ۲۵ اکتوبر دی سویر تھی گئی تے
مہمان دھال دھوں، نہان کر اولڈ کیمپس دے رونق میلے وچ بچ گئے۔ جتھاں سیمینار دی ڈوجھی بیٹھک
تھیونی ہی۔ تقریباً ساڈھے نوں ونجے گورنر صاحب پنجاب سکس شاہد حامد طیارے دے ذریعے بہاولپور
پہنچے تے سدھے یونیورسٹی آئے۔ جتھاں انہاں نمائش ڈٹھی تے دل پنڈال وچ آگئے۔ ایں پروگرام دی
صدارت وی وائس چانسلر کیتی تے خاص مہمان گورنر صاحب ہن۔ جڈاں جو اعزازی مہمان سکس خواجہ
معین الدین محبوب کوریجہ ہوریں ہن۔ ایں تقریب دے سٹیج سیکریٹری فیض الحسن نسیم ہوریں ہن
انہاں تلاوت تے نعت شریف دے بعد پروگرام دامنڈہ پدھا، وائس چانسلر صاحب سپاس نامہ پیش
کیتا۔ تے اوندے بعد ملک دے مختلف حصیں کنیں آئے ہوئے دانشوریں اپنے مقالے پڑھے۔ انہاں
سکالریں وچ سکس پروفیسر جیلانی کامران (لاہور)، سکس امداد نظامی (کوئٹہ)، سکس ڈاکٹر اسلم انصاری
(ملتان)، سکس مظہر عارف (اسلام آباد)، سکس خورشید ناظر تے سکس جاوید چانڈیو (بہاولپور) شامل
ہن۔ مقالیں دے بعد گورنر پنجاب سکس شاہد حامد اپنے خطاب وچ آکھیا جو اسلامیہ یونیورسٹی بہاولپور
ایں تقریب کیتے مبارکباد دی مستحق ہے، انہاں مخطوطات تے کتابیں دی نمائش تے بہوں خوشی دا اظہار
کیتا تے نال ای آکھیا جو اے یونیورسٹی دافرض اے جو خواجہ فرید جیسے اولیاء تے صوفیاء دے پیغام کوں
پھیلاوُن دا اہتمام کرے۔ چھیو وچ انہاں خواجہ فرید چیسر اسلامیہ یونیورسٹی بہاولپور کیتے ڈاہ لکھ روپے
دی گرانٹ دا اعلان کیتا۔ ہن تائیں چھی مہینے گذرن دے بعد وی ایں اعلان تے عمل درآمد دی کوئی
خبر نہیں ملی، اللہ سائیں گورنر صاحب دی ایں سخاوت کوں توڑ پچاوے۔ آمین!

پروگرام دے چھیو وچ وائس چانسلر صاحب سکھناں مہماناں دا شکریہ ادا کیتا تے نمائش کیتے

اپنی قیمتی کتاباں گھن آؤں آلیں دے بہوں تھورے بیے۔ اتے ترے روزہ تقریبات دے اختتام دا اعلان کیتا۔

ایں تقریب دے مہمانیں کیتے خصوصی کانفرنس بیگ، لیٹر پیڈ، قلم تے کیلنڈر پٹوائے گئے ہن جیڑھے انہاں دی خدمت وچ یادگار دے طور تے پیش کیتے گئے۔ چھیڑدی ظہرانہ مہمانیں دے اعزاز وچ خواجہ معین الدین محبوب کوریجہ ہوریں ڈتا جیدے بعد مہمان سوہنیاں یاداں گھن کراہیں اپنے گھراں ڈو ول گئے۔

ایں تقریب وچ وسیب دی عوام تے خاص طور تے بہاولپور دے لوکیں دا کردار نہ وسارن جوگا ہے۔ میڈے ذمے اے کم لایا گیا جو ملتانوں خواجہ فرید دے پنج وڈے پورٹریٹ ٹرک تے لڈوا کراہیں چا آواں جیڑھے شہر دے اہم مقامات تے لاوٹے ہن۔ ٹرک جیڑھے دستی ملوک پھیلتاں ضلع ٹیکس آلیں روک گدھا۔ کارندیں آکھیا جو سامان دا ٹیکس کٹاؤ، میں انہاں کوں ڈسیا جو خواجہ فرید دے سوویں یوم وصال دیاں تقریبات کیتے وڈے وڈے پورٹریٹ ہن، اے گالھ سن کراہیں کارندہ بولیا جو ”سکین و پنجو! خواجہ فرید تاں ضلع ٹیکس کیا، صوبے ٹیکس کنیں وی آزاد ہے۔ خواجہ فرید تے کیاں ٹیکس؟“

ڈو جھا واقعہ پروگرام دے دوران دیرہ غازیخان کنیں آئے ہوئے معزز مندوب سکین جاوید احسن ہوریں سنایا جو او اپنے کچھ دوستیں نال شیوہٹاؤں کیتے بہاولپور شہر دی کہیں دوکان تے گئے، جام اپنی عادت موجب حال احوال گھدا ریا انہاں ڈسیا جو اساں یونیورسٹی وچ خواجہ فرید دیاں سو سالہ تقریبات کیتے بطور مہمان آئے ہیں۔ چھیڑدی وچ انہاں جام کوں پیسے پھیسے۔ تاں اوں آکھیا جو ”سائیں پیسے کیڑھی شے دے؟ تاں خواجہ فرید دے پروگرام وچ آئے ہو، اساڈے مہمان ہو۔“ ☆☆

خواجہ فرید دے کلام تے پیغام کوں پھیلاؤن کیتے ضروری ہے جو:


خواجہ فرید دی مٹھری بولی سرائیکی کوں سرائیکی وسیب وچ تعلیم دا ذریعہ بناؤ

وائس چانسلر اسلامیہ یونیورسٹی بہاولپور تے وائس چانسلر بہاؤ الدین زکریا یونیورسٹی ملتان اپنی اپنی سینڈیکیٹ دے ذریعے بی اے (پرائیویٹ) دے وچ سرائیکی دا مضمون بغیر کہیں خرچے دے نافذ کرا سگھدن


سالہ جشنِ فرید اسلامیہ یونیورسٹی بہاولپور - ۲۳ تا ۲۵ اکتوبر ۱۹۹۸ء



فرید گولڈ میڈلز ایوارڈز دی تقریب دی صدارت وائس چانسلر اسلامیہ یونیورسٹی کیتی تے خاص مہمان پروفیسر ڈاکٹر خلیل الرحمن (انٹرنیشنل اسلامک یونیورسٹی اسلام آباد) ہن۔ تقریب سجادہ نشین کوٹ مٹھن خواجہ معین الدین، خواجہ ہوت محمد کوریہ، خواجہ طاہر محمود کوریہ تے سجادہ نشین آستانہ عالیہ خواجہ محمد یار فریدی خواجہ غلام قطب الدین فریدی خطاب کریندے ہن۔




فرید گولڈ میڈلز ایوارڈز دی تقریب دی صدارت وائس چانسلر اسلامیہ یونیورسٹی کیتی تے خاص مہمان پروفیسر ڈاکٹر خلیل الرحمن (انٹرنیشنل اسلامک یونیورسٹی اسلام آباد) ہن۔ تقریب سجادہ نشین کوٹ مٹھن خواجہ معین الدین، خواجہ ہوت محمد کوریہ، خواجہ طاہر محمود کوریہ تے سجادہ نشین آستانہ عالیہ خواجہ محمد یار فریدی خواجہ غلام قطب الدین فریدی خطاب کریندے ہن۔



سبب تے ملک دے مختلف حصں وچول آئے ہوئے مندوب خواجہ فرید دے شرچاچڑیں شریف پنپے تاں انہاں دے اعزاز وچ خواجہ مظہر فرید کوریہ سجادہ نشین چاچڑاں شریف ہک استقبالیہ ڈالتے مہمانیں فرید محل اتے خواجہ فرید دے تہکات دی زیارت وی کیتی



سینار دے پہلے ڈیپٹی ڈائریکٹر، ڈاکٹر غلام علی الانا، میر حسن الحیدری، ڈاکٹر احسن والہا، ڈاکٹر راشد حسین نے ڈاکٹر نصر اللہ خان نامہ مقالے پر بحث کے بعد جڈاں جوتے پروفیسر ڈاکٹر محمد شفیع خان وائس چانسلر، ریگڈیز ریٹائرڈ ذوالفقار حلوں، خواجہ معین الدین محبوب سجادہ نشین کوٹ مٹھن شریف، خواجہ طاہر محمود کوریجے جابید چانڈیو سیکرٹری مرکزی آرگنائزنگ کمیٹی



صد سالہ تقریبات دے ترسیجے ڈیپٹی سینار وچ امداد نظامی، ڈاکٹر اسلم انصاری، پروفیسر جیلانی کامران، مظہر عارف، خورشید ناظر جابید چانڈیو مقالے پر بحث کے بعد جڈاں جوتے پروفیسر ڈاکٹر محمد شفیع خان وائس چانسلر اسلام آباد یونیورسٹی بہاولپور



صد سالہ تقریبات وچ ترے روزہ نمائش، مخطوطات، نوادرات وچ گورنر پنجاب شاہد حامد، سید افتخار الحسن گیلانی دی لائبریری دے قواعد دستاویز کے بعد جڈاں جوتے پروفیسر ڈاکٹر محمد شفیع خان وائس چانسلر اسلام آباد یونیورسٹی بہاولپور



خواجہ فرید چیمبر اسلام آباد یونیورسٹی بہاولپور دے زیر اہتمام حضرت خواجہ فرید دے سوویں یوم وصال دیاں ترے روزہ تقریبات وچوں سامعین واکب انداز ساعت